





PL
2685

A17

1699

v. 3



施註蘇詩卷之一

漫堂先生宋 犖

閣定

毗陵邵長蘅

刪補

樸園先生張榕端

商丘宋 至

詩四十七首

起嘉祐辛丑十二月赴鳳翔任盡壬寅在鳳翔作 施註缺今補

辛丑十一月十九日既與子由別於鄭州西門

之外馬上賦詩一篇寄之

加一倍法

不飲胡為醉兀兀此心已逐歸鞍發歸人猶自念庭闈

今我何以慰寂寞登高回首坡隴隔惟

苦寒念爾衣裘薄獨騎瘦馬踏殘月路

樂

一經抄錄不且
得之七古第一初

昔年小童行入律
人舊橋西立境
忽則東望一色
渾然不復在
衡石不復在
物別不復在
山杜杜司

施詩卷之一

僮僕怪我苦悽惻亦知人生要有別但恐歲月去飄忽

寒燈相對記疇昔夜雨何時聽蕭瑟君以此意不可忘

慎勿苦愛高官職公自注嘗有夜雨對牀之言故云爾

杜詩烏帽塵拂青螺粟章應物與元常全真二生詩那知風雨夜復此對牀眠王

注子由與先生在懷遠驛嘗讀韋詩至此句惻然感之乃相約早退共為閒居之

樂其後子由與先生彭城相會有詩曰逍遙堂後千尋木長送中宵風雨聲悵喜

對牀尋舊約不知漂泊在彭城先生在東府雨中作示子由詩有白對牀定悠悠

夜雨今蕭瑟蓋皆感歎追舊之言也

和子由澠池懷舊漢書弘農郡澠池縣注景帝中二年初徙萬家為縣

人生到處知何似應似飛鴻踏雪泥泥上偶然留指爪

鴻飛那復計東西老僧已死成新塔壞壁無由見舊題

往日崎嶇還記否路長人困蹇驢嘶公自注往歲馬死於二陵驢驢至澠池

賈誼弔屈原賦騰駕罷牛駢蹇驢兮杜
詩東家蹇驢許借我泥滑不敢騎朝天

次韻和劉京兆石林亭之作石本唐苑中物散

流民間劉購得之

京兆府即長安也劉京兆乃劉敞字原父

都城日荒廢往事不可還唯餘故苑石漂散向在人間

公來始購蓄不憚道里艱忽從塵埃中來對冰雪顏瘦

骨拔凜凜蒼根漱潺潺唐人唯奇章好石古莫攀盡令

屬牛氏刻鑿紛班班嗟此本何常聚散實循環人失亦

人得要不出區寰君看劉李末不能保河關況此百株

石鴻毛於太山但當對石飲萬事付等閒

河圖括地象地以石為骨白樂天太湖石記今丞相奇章公嗜石於此物獨不謙讓東第南墅列而置之

方悅園松石記
圖

乙之下按奇章公牛僧孺也家語楚共王出遊亡其烏鵲之弓左右請求之王曰
止也楚人失弓楚人得之又何求焉孔子聞之曰惜乎其不廣也宜曰人遺弓人
得之而已何必楚也王注劉指漢李指唐也史記魏王豹至
國卽經河關司馬遷與任安書死有重於太山或輕於鴻毛

壬寅二月有詔令郡吏分往屬縣減決囚禁自
十三日受命出府至寶雞號鄒整屋四縣旣畢
事因朝謁太平宮而宿於南谿谿堂遂竝南山
而西至樓觀大秦寺延生觀仙游潭十九日乃
歸作詩五百言以記凡所經歷者寄子由

遠人罹水旱王命釋俘囚分縣傳明詔循山得勝遊蕭
條初出郭曠蕩實消憂薄暮來孤鎮登臨憶武侯崢嶸
依絕壁蒼茫瞰奔流半夜人噀急橫空火氣浮天遙殊

大凡似香山東南行
不免山三處里而西
字一處相生不見家
東亦不見徐福茅力
殊亦可及

漢初倒押石為

不辨風急已難收曉入陳倉縣猶餘賣酒樓煙煤已狼

藉吏卒尚呀咻

公自注十三日宿武城鎮即俗所謂石鼻寨也云孔明所築是夜二鼓寶雞火作相去三十里而見於武城雞

嶺雲霞古龍宮殿宇幽

公自注縣有雞爪峰龍宮寺

南山連大散歸客走

音奏吾州欲往安能遂將還為少留回趨西號道卻渡小

河洲聞道磻溪石猶存渭水頭蒼崖雖有迹大釣本無

鉤

公自注十四日自寶雞行至號間太公磻溪石在縣東南十八里猶有投竿跪餌兩膝所著之處

東去過郿塢孤城象

漢劉

公自注十五日至郿縣縣有董卓城象長安俗謂之小長安

誰言董公健竟復伍孚讎白刃

俄生肘黃金謾似丘平生聞太白一見駐行騶鼓角誰

能試風雷果致不巖崖已奇絕冰雪更功鏤春旱憂無

麥山靈喜有湫蛟龍懶方睡餅罐小容偷

公自注是日晚自郿起至青秋鎮宿道過

太白山相傳云軍行鳴鼓角過山下輒致雷雨山上有湫甚靈以今歲旱方議取之

二曲林泉勝三川氣象侔

近山薺麥早臨水竹簟修

公自注十六日至盤屋以近山地美氣候殊早縣有官竹門一數里不絕

先帝

膺符命行宮畫冕旒侍臣簪武弁女樂抱笙篴祕殿開

金鎖神人控玉蚪黑衣橫巨劍被髮凜雙眸

公自注十七日寒食自盤屋東

南行二十餘里朝謁太平宮二聖御容此宮乃太宗皇帝時有神降於道士張守真以告受命之符所為立也神封翊聖將軍有殿

邂逅逢佳

士相將弄綵舟投篙披綠荇濯足亂清溝晚宿南谿上

森如水國秋遶湖栽翠密終夜響颼颼

公自注是日與監宮張果之汎舟南谿遂宿于

谿冒曉窮幽邃操戈畏

炳彪

公自注十八日循終南而西縣尉以甲卒見送或云近官竹園往往有虎尹

生猶有宅老氏舊停輶問道遺蹤在登仙往事悠馭風

歸汗漫閱世似蜉蝣羽客知人意瑤琴繫馬鞦不辭山

烟虎夜押不為
修之豔卿

寺遠來作鹿鳴呦帝子傳聞李崑堂髣像綏輕風幃幔

卷落日髣髴愁入谷音浴驚蒙密登坡費挽樓亂峰嶢似

槩一水澹如油中使何年到金龍自古投千重橫翠石

百丈見游鯨音綃最愛泉鳴洞初嘗雪入喉滿鉶雖可致

洗耳歎無由公自注是日游崇聖觀俗所謂樓觀也乃尹喜舊宅山脚有授經臺尚在遂與張果之同至大秦寺早食而別有太平宮道士

趙宗有抱琴見送至寺作鹿鳴之引乃去又西至延生觀觀後上小山有唐玉真公主修道之遺迹下山而西行十數里南入黑水谷谷中有潭名仙游潭上有寺

三倚峻峰面清溪樹林深翠怪石不可勝數潭水以繩縋石數百尺不得其底以瓦礫投之翔揚徐下食頃乃不見其清澈如此遂宿於中興寺寺中有玉女洞洞

中有飛泉甚甘明日以泉二鉶歸至郡又明日乃至忽憶尋蟆培方冬脫鹿裘山川良甚似

水石亦堪儔惟有泉傍飲無人自獻酬公自注昔與子由游蟆培時方冬洞中溫溫如三三月

楚辭遠游下崢嶸而無地今上寥廓而無天注崢嶸深貌文選刻削崢嶸王注

蒼茫字古人用皆平聲先生用作仄聲蒼字廣韻音鹿離朗而茫字上聲之莽去聲

一路新遊見上如舊也
到子中似此遊揚打
右借作德收真乃
心雲手叙

之薺皆不收不知先生用之所出地志載三秦記陳倉以山得名山有石雞與山雞不別趙高燒山山雞飛去而石雞不去晨鳴山頭聞三十里蓋玉雞也唐至德二載更名寶雞史記封禪書秦文公獲若石云於陳倉北阪城祠之其神來常以夜光輝若流星從東南來集於祠城則若雄雞其聲殷云野雞夜雖以一牢祠命曰陳寶按雞爪峰蓋以此得名王注大散關秦蜀通途又西號號叔所封平王東遷號徙上陽故謂之西號後漢董卓傳築塢於郿高厚七丈號曰萬歲塢又塢中珍藏有金二三萬斤銀八九萬斤錦綺奇玩積如丘山袁紹傳卓議廢立紹勃然曰天下健者何必董公又卓傳越騎校尉伍孚忿卓兇毒懷珮刀刺之不中左右執孚孚大言曰恨不得礮裂姦賊於都市又王允與呂布謀誅卓李肅以戟刺之衷甲不入卓驚呼呂布何在布曰有詔討賊遂殺卓三十六洞天記第十一太白山洞周回五百里三秦謠武功太白去天三百選賦木不凋鏤王注偷字韻蓋方言取龍水謂之偷湫也西京賦右極盤屋并卷鄠鄠之下李善注盤屋山名盤音周屋音質寰宇記山曲曰盤水曲曰屋故云二曲王注古謂伊洛河為三川唐以劍南東西及山南西道為三川釋名筮篨師延所作風俗通武帝禱祠太一后土令樂人侯調作坎侯言聲坎坎應節也因其姓號坎侯蘇林注作筮篨李賀筮篨引二十三絲動紫皇司馬相如賦乘鏤象六丁劉勰曰聖像皆破髮跣足伏劍擾龍相承舊矣廣雅小風曰颼涼風曰颼周易人人虎變其文炳也說文虎文曰彪史記老莊傳老子見周之衰乃遂去至關關令尹喜曰子將隱矣彊為我著書乃著書言道德之意五千餘言而去列子馭風而行淮南子有若士者謂盧敖曰子處矣吾與汗漫期于九垓之上詩曹風蟋蟀之羽毛傳渠略也胡生夕死王

注帝子唐玉真公主睿宗之女始封長昌縣主天寶三年上言妾高宗之孫睿宗之女陛下之女弟於天下不為賤何必名係主號資湯沐然後為貴請入數百家之產延十年之命帝許之與金仙公主皆為道士青城山記玉真公主肅宗之姑也築室文人觀玉真金仙二宮主真容見在女仙列傳西王母姓緤其所居有玄碧之堂唐王建溫門山詩曉入溫門山羣峰亂如戟白樂天詩噴時千點雨澄處一泓油東齋記事道家有金龍玉簡學士院撰文具一歲中齋醮投于名山洞府金龍以銅制玉簡以階石制莊子與惠子游於濠上鯁魚出遊流約詩百丈見游騎唐張又新水記峽州扇子峽石中突而洩水獨清冷石狀如龜頭俗謂蝦蟆石其水煎茶為第一

○太白山下早行至橫渠鎮書崇壽院壁

馬上續殘夢不知朝日昇亂山橫翠幃落月澹孤燈奔

入煩郵吏安閒愧老僧再游應眷眷聊亦記吾曾

留題延生觀後山上小堂

王注觀後山上小山有堂是唐玉真公主修道遺跡本朝端拱元

年奉敕賜此額

妙品為出清何如何處
之詩○有句直寫
向來便合此境也

溪山愈好意無厭上到巉巉第幾尖深谷野禽毛羽怪
上方仙子鬢眉纖不慙弄玉騎丹鳳應逐嫦娥駕老蟾
潭草巖花自無主晚來胡蝶入疎簾

列仙傳蕭史善吹簫秦穆公以女弄玉妻焉遂教弄玉吹簫作鳳鳴一旦弄玉乘
鳳蕭史乘龍昇天而去淮南子羿得不死之藥於西王母姮娥竊之奔月姮娥羿
妻也乾鑿度蟾蜍體就
穴鼻始明注穴鼻兔也

畱題仙遊潭中興寺東有玉女洞洞南有馬融
讀書石室過潭而南山石益奇潭上有橋畏其

嶮不敢渡

終南圖經讀書臺
在縣城西一百步

清潭百尺皎無泥山木陰陰谷鳥嘯蜀客曾遊明月峽
秦人今在武陵溪獨攀書室窺巖竇還訪仙姝款石閨

猶有愛山心未至不將雙腳踏飛梯

王注明月峽在古巴郡今在忠涪二州之境石壁有圓孔形如滿月蜀客則先生自謂武陵溪用桃源漁人事詳第六卷風水洞詩注後漢馬融傳融扶風茂陵人京兆摯恂以儒術教授隱於南山之陰融從其游學

石鼻城

注見前

平時戰國今無在陌上征夫自不閒北客初來試新險
蜀人從此送殘山獨穿暗月朦朧裏愁渡奔河蒼茫間
漸入西南風景變道邊修竹水潺潺

王注戰國指蜀魏也諸葛亮築此城以拒郝昭

礐溪石

注見前

墨突不暇黔孔席未嘗煖安知渭上叟跪石畱雙髻一

借寫仕宦之勞渾
出之通

朝嬰世故辛苦平多難亦欲就安眠旅人譏客懶

淮南子墨子無黔突孔子無煖席史記齊世家武王封師尚父於齊營丘東就國道宿行遲逆旅之人曰吾聞時難得而易失客寢甚安殆非就國者也太公聞之夜衣而行

黎明至國

郿塢注見前

衣中甲厚行何懼塢裏金多退足憑畢竟英雄誰得似
臍脂自照不須燈

後漢董卓傳尸卓於市天時始熱卓素充肥脂流於地守尸吏然火置卓臍中光明達曙如晷積日

樓觀公自注秦始皇立老子廟於觀南晉惠始修此觀

門前古碣臥斜陽閱世如流事可傷長有幽人悲晉惠
強修遺廟學秦皇丹砂久窖井水赤白米誰燒廚竈香

聞道神仙亦相過只疑田叟是庚桑

抱朴子臨邑縣有廖氏世老壽後移居子孫輒殘折他人居其故宅復累世壽疑其井水赤乃掘井左右得古人埋丹砂數十斛丹汁入井是以飲水而壽陶隱居引仙經未能除惡氣莊子老聃之役有庚桑楚者徧得老聃之道北居畏壘之山

○九月二十日微雪懷子由第二首

岐陽九月天微雪已作蕭條歲暮心短日送寒砧杵急
冷官無事屋廬深愁腸別後能消酒白髮秋來已上簪
近買貂裘堪出塞忽思乘傳知戀切問西琛

杜子美詩廣文先生官獨冷又詩白髮不勝簪漢書乘傳注師古曰傳者若今之驛古以車謂之傳車其後又單置馬謂之驛騎詩懷彼淮夷來獻其琛

江上同舟詩滿篋鄭西分馬涕垂膺未成報國慙書劍
豈不懷歸畏友朋官舍度秋驚歲晚寺樓見雪與誰登

屋廬深三字何仲居下偏字不似老懷激而為立功此外思勢柳字有妙想雖看時亦不相及也

遙知讀易東牕下車馬敲門定不應

詩豈不懷歸畏此簡書左傳引逸詩豈不欲往畏我友朋

病中聞子由得告不赴商州三首

王注子由與先生同舉賢科子由以

許直得下第除商州推官而王介甫猶不肯撰辭告未即下故先生自去年十二月先赴鳳翔至今年秋子由方告下以老泉傍無侍子奏乞養親三年此所以得告而不赴也

病中聞汝免來商旅鴈何時更著行遠別不知官爵好
思歸苦覺歲年長著書多暇真良計從宦無功謾去鄉
惟有玉城最堪隱萬人如海一身藏

近從章子聞渠說公自注章子惇也苦道商人望汝來說客有靈慙

直道逋翁久沒厭凡才夷音僅可通名姓癯俗無由辨

名能寄在仙府處却記詩和年無過

頸顒答策不堪宜落此上書求免亦何哉

王注通翁四皓也避秦隱於商山白樂天詩漢容黃綺爲逋客李商隱商於詩割地張儀詐謀身綺季長歐陽公汝癭詩無由辨肩頸

辭官不出意誰知敢向清時怨位卑萬事悠悠付杯酒
流年冉冉入霜髭策會忤世人嫌汝易可忘憂家有師
此外知心更誰是夢魂相覓苦參差

病中大雪數日未嘗起觀號令趙薦以詩相屬

戲用其韻答之

經旬臥齋閣終日親劑和不知雪已深但覺寒無奈一作那

飄蕭牕紙一作紙牕明堆壓簷板墮公自注關中皆以板爲簷風颺助凝冽幃幔

困掀一作軒簸惟思近醇醲未敢窺璨瑳何時反炎赫卻欲

詩自峭拔

知然則玉柱名謂掃雪
如汗者身痛耳是省故
程文成何張

躬曰磨誰言坐無氈尚有裘充貨西鄰歌吹發促席寒

威挫崩騰踏成逕繚繞飛入座人歡瓦先融飲雋餅屢

臥嗟予獨愁寂空室自困圻欲爲後日賞恐被遊塵浣

寒更報新霽皎月懸半破有客獨苦吟清夜默自課詩

人例窮蹇秀句出寒餓何當暴霜雪庶以躡郊賀

魏都賦著馴風之醉釀注以酒喻政王注璩嗟以王比雪之明也後漢馮衍妻如

悍不畜媵妾兒女自操井日以言勞則體中生熱也杜子美贈鄭虔詩才名三十

年坐客寒無氈西京雜記司馬相如初與文君還成都居貧愁懣以所著鵲鵲裘

就市人揚昌貴酒與文君爲歡左傳士文伯謂投壺之中曰中雋歐陽詩不覺長

餅臥墻曲韓退之詩勿使塵泥浣又新月憐牛

杜詩詩家秀句傳寒餓王注郊賀孟郊李賀也

歲晚相與饋問爲饋歲酒食相邀呼爲別歲至

除夜達旦不眠爲守歲蜀之風俗如是余官於

岐下歲暮思歸而不可得故爲此三詩寄子由

饋歲

農功各已收歲事得相佐爲歡恐無及假物不論貨山
川隨出產貧富稱小大寘盤巨鯉橫發籠去聲雙兔臥富
人事華靡綵繡光翻座貧者愧不能微摯出春磨官居
故人少里巷佳節過亦欲舉鄉風獨唱無人和

詩商頌歲事來辟左傳以相輔佐王符潛
夫論富者競欲相過貧者恥不逮及也

別歲

故人適千里臨別尚遲遲人行猶可復歲行那可追問
歲安所之遠在天一涯已逐東流水赴海歸無時東鄰

即古詩汝遇年物
焉得老老而暢
言人極其情者
始能百端至集
概

酒初熟西舍彘亦肥且爲一日歡慰此窮年悲勿嗟舊
歲別行與新歲辭去去勿回顧還君老與衰

古詩各在天一涯古樂府
百川東到海何時復西歸

守歲

欲知垂盡歲有似赴壑蛇修鱗半已沒去意誰能遮况
欲繫其尾雖勤知奈何兒童彊不睡相守夜謹一作譚晨
雞且勿唱更鼓畏添撾坐久燈燼落起看北斗斜明年
豈無年心事恐蹉跎努力盡今夕少年猶可誇

晉書旦賈皇后云繫狗
當繫頸今反繫其尾

和子由踏青

子由踏青詩序脣之東門十數里有山曰藝頤山
上有亭謝松竹山下臨大江每正月八日士女相

與遊嬉飲酒於其上謂之踏青也

春風陌上驚微塵游人初樂歲華新人閒正好路傍飲
麥短未怕游車輪城中居人厭城郭喧闐曉出空四鄰
歌鼓驚山草木動簞瓢散野鳥鳶馴何人聚衆稱道人
遮道賣符色怒嗔宜蠶使汝蠶如蠶宜畜使汝羊如麕
路人未必信此語強爲買服禳新春道人得錢徑沽酒
醉倒自謂吾符神

太平廣記闕客者濟陰人嘗種五色香草積十年服其實一日有五色蛾止其旁
客收而畜之至時有女夜半至自稱客妻道客之狀客與俱蠶得一百二十頭
蠶皆如雞每繅一頭六十日乃盡遂俱仙王注爾雅曰麕大羊杜預奏事曰臣前
在南聞魏興北山有野羊大者數千百斤試令求之牝牡各得一豈爾雅所謂麕
者乎麕與麕皆從鹿揆傍押韻成都古今記三月三日太守出北門宴學射山蓋
張百子以是日上升卽此地也男覲女巫會於此寫符篆以鬻人云宜田蠶辟災

疫佩者戴者
信以為然

和子由蠶市

子由詩序眉之二月望日蠶市
器於市因作樂縱觀謂之蠶市

蜀人衣食常苦艱蜀人游樂不知還
千人耕種萬人食一年辛苦一春閒
閒時尚以蠶為市共忘辛苦逐欣歡
去年霜降斫秋荻今年箔積如連山
破瓢為輪土為釜爭買不翅金與紈
憶昔與子皆童少音慣年年廢書走市
觀市人爭誇鬪巧智一作智巧野人
喑啞遭欺謾詩來使我感舊事不悲
去國悲流年

王注荻箔乃薦音蟲之具瓢輪土釜乃繰
絲之物詩齊風總角音角兮注束髮兒

和子由苦寒見寄

此即嘉靖間探悉防不
得志、懷詞而不實者
故也

人生不滿百一別費三年三年吾有幾棄擲理無還長

恐別離中摧我鬢與顏念昔喜著書別來不成篇細思

平時樂乃為憂所緣吾從天下士莫如與子歡羨子久

不出讀書蝨生羶丈夫重出處不退要當前西羌解仇

隙猛士憂塞壩而宣切廟謀雖不戰鹵意久欺天山西良家

子錦緣貂裘鮮千金買戰馬百寶粧刀鏤何時逐汝去

與鹵試周旋

漢書趙充國傳元康元年先零與諸羌種豪二百餘人解仇交質盟誓申屠嘉傳
太上皇廟壩垣注宮外垣餘地也壩壩全按塞壩塞垣也又六郡良家子皆習騎

射又山西出將左傳晉文公謂楚子曰左執鞭弭右屬橐鞬以與君周旋

和子由論書

此而不別

初言至以文作詩何
意不達

神入一而直境便
生動

此書是宣福丁某時
自剛一極小意完足
殊無脫落處也

吾雖不善書曉書莫如我苟能通其意常謂不學可貌

妍容有曠同璧美何妨橢端莊雜流麗剛健含婀娜好

之每自譏不謂子亦頗書成輒棄去繆被旁人裹體勢

本闊落結束入細麼子詩亦見推語重未敢荷邇來又

學射力薄愁官箚公自注官箚十二把
吾能十一把箭耳多好竟無成不精安用

夥何當盡屏去萬事付懶惰吾聞古書法守駿莫如跛

世俗筆苦驕衆中強嵬駮鍾張忽已遠此語與時三

莊子天運篇西施病心而顰其里爾雅顰小而顰注貝狹而長曰顰班彪王命論

么麼不及數子注細小曰麼漢書陳涉傳夥涉之爲王沈沈者注楚人謂多爲夥

說文馬搖頭曰駮王注嵬駮不安帖自鍾張鍾繇張芝也
記所見開元寺吳道子畫佛滅度以答子由

第二圖功方振東地記
自是易於方就

陽翟人工畫初名道士玄宗改
名道玄下筆有神官至寧王友

西方真人誰所見衣被七寶從雙後音酸當時修道頗辛

苦柏生兩肘鳥一作鳥巢肩初如濛濛隱山玉漸如濯濯出

水蓮道成一旦就空滅奔會四海悲人天翔禽哀響動

林谷獸鬼躑躅淚迸泉龐眉深目彼誰子遶牀彈指性

自圓隱如寒月墮清晝空有孤光留故躔春遊古寺拂

塵壁遺像久此靈香煙畫師不復寫名姓皆云道子口

所傳從橫固已蔑孫鄧有如巨鰐吞小鮮來詩所誇孰

與此安得攜挂其旁觀

穆天子傳後魏日行五百里郭璞注獅子也一名虺獸中之王也傳錄佛於雪
山入定有野鵲於佛頂置巢時去時來大智度論曰佛在陰菴羅雙樹間入般涅

繫臥北首大地震動諸三學人僉然不樂郁伊交涕諸無學人但念諸法一切無
 常杜詩派下如遊泉王注月墮清畫以譬佛之滅度光雷故躔以譬佛之雖寂滅
 而猶在圖畫見聞志孫知微字太古通義彭山人每畫聖像必齋戒疏淪方始援
 筆鄭名隱物類相感志南海有鰐魚其狀若鼉四足長六七尺有齒如劍老子治
 大國若烹小鮮

和子由寒食

寒食今年二月晦樹林深翠已生煙遶城駿馬誰能借
 到處名園意盡便但挂酒壺那計盞偶題詩句不須編
 忽聞唳鴟驚羈旅江上何人治廢田

和劉長安題薛周逸老亭周善飲酒未七十而

致仕

王注劉長安劉敞
原父也薛周莫考

近聞薛公子早退驚常流買園招野鶴鑿井動潛料自

此種七律送和可
 則可刪退一處可則
 可存

言酒中趣一斗勝涼州翻然拂衣去親愛挽不畱隱居
亦何樂素志庶可求所亡嗟無幾所得不啻酬青春爲
君好白日爲君悠山鳥奏琴筑野花弄閑幽雖辭功與
名其樂實素侯至今清夜夢尚驚冠壓頭誰能載美酒
往以大白浮之子雖不識因公可與遊

蜀都賦下高鳴出潛蚪續漢書扶風孟陀以蒲萄酒一斗遺張讓卽得涼州刺史
晉書鄧攸傳吳人歌之曰鄧侯挽不畱謝令推不去吏貨殖傳今有無秩祿之奉
爵邑之入而樂與之比者命曰素封又千金之家比一都之君巨萬者乃與王者
同樂劉向說苑魏文侯與大夫飲使公乘不仁爲觴政曰飲不盡者浮以大白

中隱堂詩

并序

岐山宰王君紳其祖故蜀人也避亂來長安而遂
家焉其居第園圃有名長安城中號中隱堂者是

也予之長安王君以書戒其子弟邀予遊且乞詩

甚勤因爲作此五篇

前地理志京兆尹縣十二其一曰長安高帝五年置惠帝元年初城六年成

去蜀初逃難遊秦遂不歸園荒喬木老堂在昔人非鑿
石清泉激開門野鶴飛退居吾久念長恐此心違
徑轉如修蟒坡垂似伏鰲樹從何代有人與此堂高好
古嗟生晚偷閒厭久勞王孫早歸隱塵土汗君袍

劉安招隱士王孫遊兮不歸陸機詩京洛多風塵素衣化爲緇

二月驚梅晚幽香此地無依依慰遠客皎皎似吳姝不
恨故園隔空嗟芳歲徂春深桃李亂笑汝益羈孤

河陰生初
結富玄

此二詩杜何氏山林
外內之理不若風林

韓退之詩二月初驚見草芽
杜子美詩丹橘黃柑此地無

分明生萬里或王

翠石如鸚鵡何年別海壖一作來隨南使遠載壓渭舟偏

已伴喬松老那知故國遷金人解辭漢汝獨不潸然

廣韻壖江河邊地李賀金銅仙人辭漢歌序宮官既圻盤仙人臨載乃潸然泣下

都城更幾姓到處有殘碑古隧埋蚪蚪崩崖露伏龜安

排壯亭榭收拾費金貲岫嶠何須到韓公浪自悲

西都賦三成帝畿注周秦漢也古文四聲韻序蚪書古文也所謂蒼頡本體形多頭麤尾細腹壯團圓似水蟲之蚪蚪隋志五品以上立碑嶠首龜趺韓退之詩岫嶠山尖神禹碑字青石赤形摹奇又云我來咨嗟涕漣而干搜萬索何處有森森綠樹猿猴悲

鳳翔八觀并序

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荆

此首詠中在石刻於法尚後係東一首宋板詩向者跡于律文

州二子蓋悲世悼俗自傷不見古人而欲一觀其遺蹟故其勤如此鳳翔當秦蜀之交士大夫之所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓歌

按集古錄碑在鼓在恩翔
 孔子廟歌中云見魯樂坊
 蓋初任揭府時陶詩曰
 魯中樂坊孔子也
 新得之氣殆竭昌黎而
 上

冬十二月歲辛丑我初從政見魯叟舊聞石鼓今見之

文字鬱律蛟蛇走

細觀初以指畫肚欲讀嗟如箝石

韓公好古生已遲。我今况又百年後。強尋偏傍推點畫。

時得一二遺八九我車旣攻馬亦同其魚維鱗貫之柳

公自注其詞云我車既攻我馬亦同又云其魚維何維鱣此句詳字在後維鯉何以貫之維楊與柳惟此六句可讀餘多不可通

維鯉何以貫之維楊與柳惟此六句可讀餘多不可用

融陽雁与在移身涉以圖
与樹樹化移身涉多涉

看似恍惚寫下却是隨
手生書得隨原而心
骨文情如風
○沙以刻石与石刻

鼎衆星錯落僅名斗。糲糊半已似癡牴。詰曲猶能辨跟

肘。娟娟缺月隱雲霧。濯濯嘉禾秀莨莠。漂流百戰偶然

存。獨立千載誰與友。上追軒頡相唯諾。下揖一作冰斯同

穀。穀穀丘侯切憶昔周宣歌鴻鴈。當時籀史變蝌蚪。鳳亂

人方思聖賢。中興天爲生耆耆。東征徐鹵闕虓虎。北伏

一作大戎隨指喉。蘇后象胥雜沓貢狼麋。方召聯翩賜圭卣。

遂因鼓鼙思將帥。豈爲考擊煩矇眊。何人作頌比崧高。

萬古斯文齊岫嶸。勲勞至大不矜伐。文武未遠猶忠厚

欲尋年歲無甲乙。豈有名字記誰某。自從周衰更七國。

竟使秦人有九有。掃除詩書誦法律。投棄俎豆陳鞭杻。

前踪厚利、極其有
千尺連龍、揚如
能處、起伏滯澀、
有來不住矣

推之佳尊由奇汲重
既与韩退之作相埒而研
德過之通篇皆貫注
未因循倣此征詩俾
止然與石兄若錦詩
甲乙未免平索法云
年者意與蹉跎又何
孤也中國事之大敗自

十五
針時欽芳

後者無繼前無偶皆云皇帝巡四國京滅彊暴救黔首

隨合捏便

子思子之

六經既已委灰塵此鼓亦當遭擊掇傳聞九鼎淪泗上

欲使萬夫沈水取暴君縱欲窮人力神物義不汙秦垢

是時石鼓何處避無乃天工令鬼守興亡百變物自閒

富貴一朝名不朽細思物理坐歎息人生安得如汝壽

歐陽集古錄石鼓久在岐陽初不見稱於世至唐人始盛稱之而韋應物以爲周

文王之鼓至宣王時亥爾韞退之直以爲宣王之鼓今存鳳翔縣孔子廟鼓有十

先時散棄於野，鄭餘慶始置於廟而亡其二。皇祐四年，向傳師求於民間，得之。十

鼓乃足其文可見者四百六十有五藝咸不可識者過半失實可定省只退之子

古不妄者予姑取以爲言耳至其言書亦非之鄭下迄在

一六二 女耳以爲作工三方言不可非史籍不能作也
京賦隱轅轅轅律廿

唐虞世南學書常於被下以指畫用韓退之苦寒詩蜀膠泮

入喉口角如銜箝又石鼓歌嗟予好古生苦晚對此涕戾雙旁心王主汗顏汗表

水斯李斯李湯水也頌為黃帝史因頌為並治作書梁古文是也周王十

文是也唐宣王

經說以指圖附至下推
好同聲發銷金石記
多同字跡必易家不此
與歸云不同其在坊間詳
述於前且正生編先時情
狀古器惟標之內詳可不
就之考左圖為文字據得
瞻能走下因此能盡其日
嘉天親拂訪為稱鳳翥
翔羽碧樹之詞云云一而也
潘岳有我言作持執起
下三收意情憶昔周宮
形賜麻至有名字記誰
某推為關委銷述與
竟自陸園竟更我國
至乃王工金鬼守獲中
古今却以六徑大身作陪
闕翻五謁筆力馳驅中
李法乃極嚴謹真且
顯儒少陵

史籍著大篆十五篇與古稍異謂之籀書秦相李斯取籀文或頗省改謂之小篆
焚先典而古文絕矣漢魯共王壞孔子宅得尚書春秋論語孝經時以不復知古
文故謂之蝌蚪書諸山刻石荆玉璽文及銅人銘皆斯所書謂之玉筋體唐虞陽
冰獨得斯用筆意論者謂冰愈於斯也小雅鴻鴈詩序曰美宣王也鄭箋承厲王
衰亂之敝而起興復先王之道以安集眾民也大雅常武詩省此徐士又進厥虎
臣闕如虓虎國語穆王將征犬戎祭公謀父諫不聽遂征之得四白狼四白鹿以
歸左傳宣二年晉侯飲趙盾酒伏甲將攻之公喉夫契焉說文使犬聲也周宣家
胥掌蠻戶閭貉戎狄之國使掌傳主之言而諭說焉大雅江漢詩王命召虎釐爾
圭瓚和璧一卣方方叔也記聽鼓鼙之聲則思將帥之臣大雅崧高詩毛傳尹吉
甫美宣王也岵嶇注見前秦始皇本紀始皇三十六年秋使者從關東夜過華陰
平舒道有人持璧遮使者曰為吾遺瀉池君明年祖龍死使者問其故忽不見使
者奉璧具以聞始皇嘿然良久曰山鬼闕不遇知一歲事也退言曰祖龍者人之
先也史記李斯傳斯出獄與其中子俱執顧謂其中子曰吾欲與若復牽黃犬俱
出上蔡東門逐狡兔豈可得乎始皇本紀二十八年始皇東行郡縣上鄒嶧山刻
石頌秦德又南登瑯邪作瑯邪臺刻石頌秦德二十九年登之罘刻石刻詞有曰
烹滅強暴振救黔首又始皇還過彭城齋戒禱祠欲出周鼎泗水使千人沒水求
之弗得莊子逍遙遊吾為其無用而拾之注擊而碎
之也韓石鼓歌雨淋日炙野火燎鬼物守護煩搗呵

詛楚文

公自注碑獲於開元寺土下今在太守便廳秦穆公葬
於雍橐泉祈年觀下今墓在開元寺之東南數十步則

寺豈祈年之故基邪淮南王遷於蜀至
雍道病卒則雍非長安此乃古雍也

崢嶸開元寺髮髯祈年觀舊築掃成空古碑埋不爛詛
書雖可讀字法嗟久換詞云秦嗣王敢使祝用贊先君
穆公世與楚約相捍質之於巫咸萬葉期不叛今其後
嗣王乃敢搆多難剗胎殺無罪親族遭圍絆計其所稱
訴何啻桀紂亂吾聞古秦俗面詐背不汗豈惟公子卬
社鬼亦遭謾遼哉千載後發我一笑一作榮

表意此處何須改寫
仿小字作點假筆墨
偏出

王注問詛楚文於學古文者云有數本其文皆同唯神名異開元寺下所得乃詛
於巫咸神者是數本中唯巫咸之文筆法最精其家無之唯有此詛於亞駝神一
本詳其篆文乃先生詩中語也今載於此字有不可識者則書闕以補之其文曰
秦嗣王敢用吉玉宣璧使其祝宗邵繫布懇告於不顯大神亞駝以底楚王熊相
之多罪者我先君穆王及楚成王是戮力同心兩邦若壹絆以婚姻祗以齊盟曰
萬葉子孫毋相為不利親印不顯大神亞駝而質焉今楚王熊相庸同無道至矣

湛亂宣侈競縱變渝盟制內之則譏虐不辜刑殺孕婦幽刺親戚拘圉其叔父寘
諸寘室積棺之中外之則冒改久闕不畏皇天上帝及丕顯大神亞駝光烈威神
而兼倍十八世之盟詛率諸侯之兵以臨加我欲剋伐我社稷○滅我百姓○蔑
我皇天上帝及丕顯大神亞駝之郊祠圭玉犧牲○取我邊城新郛及於○郛及
於○不敢曰可今又悉興其衆張矜忿怒○甲○兵奮士盛師以偏我邊境將欲
覆其○亦應受皇天上帝及丕顯大神亞駝之幾靈德賜克剋楚師復略我邊城
敢數楚王熊相之倍盟○詛著諸名章以盟大神之威神其文如此秦始皇本紀
注祈年宮在雍史記商鞅傳孝公使衛鞅將而伐魏魏使公子卬將而擊之鞅詐
公子卬會盟已飲伏甲士襲鹵公子卬因攻
其軍盡破之以歸秦穀梁軍士粲然比笑

王維吳道子畫

吳道子見前開元寺注季南名畫記王維字摩詰以詞學知名官至尚書右丞工畫

何處訪吳畫普門與開元開元有東塔摩詰畱手痕吾
觀畫品中莫如二子尊道子實雄放浩如海波翻當其
下手風雨快筆所未到氣已吞亭亭雙林閒彩暈扶桑
暎中有至人談寂滅悟者悲涕迷者手自捫蠻君鬼伯

吳道子名畫記
王維字摩詰以詞學知名官至尚書右丞工畫

王維字摩詰以詞學知名官至尚書右丞工畫

空如見畫

駐子觀此不通而信有
嵌押之痕足可觀可
通而語不有改下筆時
自得自趣

如仍住注寫格者
于變化中

以空近合佛漏梵之作作詩
合離奇音聲致在道子下筆
二神篇中寫心不盡仍力將
言是不足乃先於道子極意
形容正是喜勢意也後稱王
維以云西公男而此以云公
西公以海東甚誤後世以
在東里外其自能使人
於言下領悟要云以西公
與之指為神品妙品大

千萬萬相排競進頭如鼉摩詰本詩老佩芷襲芳蓀今
觀此壁畫亦若其詩清且敦祇園弟子盡鶴骨心如死
灰不復溫門前兩叢竹雪節貫霜根交柯亂葉動無數
一一皆可尋其源吳生雖妙絕猶以畫工論摩詰得之
於象外有如仙翮謝龍樊吾觀二子皆神俊又於維也
斂衽無閒言

子之解讀此品之末易於悟作詩者不如此則非詩也

唐米景元畫斷道子為神品上上摩詰為妙品上上名畫斷天凡佛之圓光皆須
尺寸先定然後規圓而成惟吳生只一筆又云畫成矣最後方畫圓光風落電轉
規成月圓王注開元寺有道子畫佛在雙林下入涅槃像又摩詰畫兩叢竹於開
元寺莊子形若槁木心若死灰杜詩畫手看前輩吳生遠擅壇又妙絕動宮牆神
仙傳王次仲變篆為隸始皇召之不至將殺之次仲化為大鳥振翼而起以三大
翮墮與使者始皇因名為落翮仙唐張顥傳後輩言筆札者歐虞褚薛或有異論
至張顥曾
無閒言

維摩像唐楊惠之塑在天柱寺

五代名畫補遺陽惠之與吳道子同

師張僧繇筆蹟號為畫友工藝並著而道子聲光獨顯遂焚棄筆硯發憤專思塑作能奪僧繇畫相與道子爭衡

直寫自老但人以此像
卑弱故中筆力不同
○純用一撇撇一落之
如中行而直不板

多作一視終不低重

昔者子輿病且死其友子祀往問之跼蹐鑒井自歎息
造物將安以我為今觀古塑維摩像病骨磊嵬如枯龜
乃知至人外生死此身變化浮雲隨世人豈不碩且好
身雖未病心已疲此叟神完中有恃談笑可卻千熊羆
當其在時或問法俛首無言心自知至今遺像兀不語
與昔未死無增虧田翁俚婦那肯顧時有野鼠銜其髭
見之使人每自失誰能與結一作詰無言師

莊子子輿有病子祀往問之曰偉哉夫造物者將以子為此拘拘也又跼蹐而鑑於井注跼蹐病而不能行兒維摩經是身如浮雲須臾變滅又文殊師利問維摩

詰何等是菩薩不二法門時維摩詰默然無言晉書謝靈運影
美臨刑因施作南海祇洹寺維摩詰像髭寺人保惜略不污損

東湖

化富牢騷
才力極富健三強押
三向不足心累一
整子負子借楚韻不
去

間情好 初和牛次
方詩問情方生動

賦字上楚秋不為

吾家蜀江上江水綠如藍邇來走塵土意思殊不堪况
當岐山下風物尤可慙有山禿如赭有水濁如泔不謂
郡城東數步見湖潭入門便清奧恍如夢西南泉源從
高來隨波走涵涵東去觸重阜盡為湖所貪但見蒼石
螭開口吐清甘借汝腹中過胡為目耿耿新荷弄晚凉
輕棹極幽探飄飄忘遠近偃息遺佩簪簪一作魚同深有龜與
魚一作龜淺有螺與蚌曝晴復戲雨戢戢多於蠶浮沈無停
餌候忽遽滿籃絲緡雖强致墳細安足戡聞昔周道興

足起一厚富不皆志
感得此乃不一得云

翠鳳棲孤嵐飛鳴飲此水照影弄_{公自注此古}綈綈_{飲鳳池也}至今多

梧桐合抱如彭聃綵羽無復見上有鸛搏_{鳥舍切}鷁嗟予生

雖晚好古意所耽_{耽同}圖書已漫漶猶復訪僑鄉卷阿詩

可繼_{此意久已}扶風古三輔政事豈汝諳聊爲湖上

飲一縱醉後談門前遠行客劫劫無畱驂問胡不回首

無乃趁朝參予今正疎懶官長幸見函不辭日游再行

恐歲滿三暮歸仍倒載鐘鼓已_{齟齬}

_{詩小雅終朝采藍鄭箋藍染草也李白詩山光水色青於藍白樂天詩春來江水}

_{綠如藍韓南山詩或赤若禿鬣秦始皇本紀始皇至湘山祠逢大風幾不得度上}

_{問博士曰湘君何神對曰堯女舜妻死而葬於此始皇大怒使刑徒三千人伐湘}

_{山木赭其山寰宇記周文王之時丹鳳鳴於岐山故亦曰鳳皇堆王注僑鄭子產}

_{也晉侯稱其博物君子鄭子言少昊氏以鳥名官仲尼曰天子失官學在四尼猶}

_{信三輔黃圖京兆在故城內尚冠里馮翊在故城內太上皇廟西南扶風在夕陽}

街北三輔者謂主爵中尉及左右內史漢武帝改曰京兆尹左馮翊右扶風共治
 長安城中是為三輔後漢光武之後扶風出治楓里馮翊出治高陵晉書山簡傳
 日暮倒載歸酩酊無所知
 宋韻注 餽餽鐘鼓微也

真興寺閣

趙夢思詩用古人意而不取次字杜子美登慈恩寺樓詩夢思忽破碎注謂不可破俯視但一勢焉然則皇州

音遠維標石可招制
 〇登夢他身即有壯聲
 寫亦有勢向紫微

山川與城郭漠漠同一形市人與鴉鵲浩浩同一聲此
 閣幾何高何人之所營側身送落日引手攀飛星當年
 王中令斫木南山賴寫真畱閣下鐵面眼有稜身強一作長
 八九尺與閣兩崢嶸古人雖暴恣作事今世驚登者尚
 呀喘作者何以勝曷不觀此閣其人勇且英

王注王彥超周末宋初為鳳翔節度使晉
 書桓溫傳劉惔嘗稱之曰溫眼如紫石稜

李氏園

公自注李茂貞園也今為王氏所有五代史茂貞本姓
 宋名文通唐僖宗間以功拜鳳翔隴右節度使賜姓名

則不稱
 〇若為之在初事進中
 〇例外進落員引手攀
 〇指星子字奇安在月風
 〇与表杜七星在北戶河行
 〇声而派相匹敵

楷次詩奇獨作收石

竟以房祀神行，朴老
無辭而得園，五柳社園
不無印板多子。

以東南北作畧畫便
不是一處，錢妙法亦
之，漢人却色語然。

昭宗景福元年反，犯京師，加拜尚書
令封岐王。後唐莊宗同光二年卒。

朝游北城東，回首見修竹。下有朱門家，破牆圍古屋。舉
鞭叩其戶，幽響答空谷。入門所見夥，十步九移目。異花
兼四方，野鳥喧百族。其西引溪水，活活轉牆曲。東注入
深林，林深牕戶綠。水光兼竹淨，時有獨立鵠。林中百尺
松，歲久蒼鱗蹙。豈惟此地少，意恐關中獨。小橋過南園，
一作浦夾道多喬木。隱如城百雉，挺若舟千斛。陰陰日光淡，
黯黯秋氣蓄。盡東爲方池，野鴈雜家鷺。紅梨驚合抱，映
島孤雲馥。春光水溶漾，雪陣風翻撲。其北臨長溪，波聲
卷平陸。北山臥可見，蒼翠閒礪禿。我時來周覽，問此誰

例占李氏軍中

石作掃倒苗欠乃
倍園子一商掃例
一篇累淫子息
血後乃名其真力
起乃之弟

所築云昔李將軍負險乘衰叔抽錢算開口但未摧羹
粥當時奪民田失業安敢哭誰家美園囿藉沒不容贖
此亭破千家鬱鬱城之麓將軍竟何事蟻蝨生刀韜何
嘗載美酒來此駐車轂空使後世人聞名頸猶縮俗猶呼
皇后園蓋茂我今官正閒屢至因休沐人生營居止竟為何
人卜何當辦一身永與清景逐

左傳都城過百雉國之害也注方丈曰堵三堵曰雉漢書注漢律人出一算算百
二十錢唯賈人與奴婢倍算貢禹傳禹言口錢起武帝民產子三歲則出口錢故
民重困至於生子輒殺宜令兒七歲去齒乃出口錢年二十乃算唐史肅宗時軍
用不給乃稅間架廣韻韜弓衣吏記石建為郎中令每五日洗沐歸謁親漢書張
安世傳休沐未嘗出

秦穆公墓

三輔黃圖橐泉宮皇覽曰秦穆公冢在橐泉宮祈年觀下

絶窮与上居石合感此
謂借他人酒松浣自已
况壘初定先生初事
古以從近非初要未詳
二言之高耳

一嘉通古而由折一
五五平人等

橐泉在城東墓在城中無百步乃知昔未有此城秦人

以泉識公墓識音志昔公生不誅孟明豈有死之日而忍用

其良乃知三子殉公意亦如齊之二子從田橫古人感

飯尚能殺其身今人不復見此等乃以所見疑古人

古人不可望今人益可傷

左傳文六年秦伯任好卒以子車氏之三子奄息仲行鍼虎為殉皆秦之良也國
人哀之為之賦黃鳥史記田儋傳田橫與其客二人乘傳詣洛陽至尸鄉廐置自
到高帝為之流涕而拜其二客為都尉以下者禮葬田橫既葬二客穿其冢旁孔
皆自剄下從之後漢李固傳感古人一飯之報注靈輒也靈輒事見左傳宣二年

和子由聞子瞻將如終南太平宮谿堂讀書

役名則已勤徇身則已媮我誠愚且拙身名兩無謀始

者學書判近亦知問囚但知今當為敢問向所由士友

為一路時與之詩名
揮毫常其物不為役
直亦少改

其未得惟以不得憂既得又憂失此心浩難收譬如倦
行客中路逢清流塵埃雖未脫暫憩得一漱我欲走南
澗春禽始嚶呦鞅掌久不決爾來已徂秋橋山日月迫
府縣煩差抽王事誰敢愬民勞吏宜羞中間惟旱暵欲
學喚雨鳩千夫挽一木十步八九休渭水涸無泥菑堰
旋插修對之食不飽餘事更遑求近日秋雨足公餘試
新篲劬勞幸已過朽鈍不任鏹秋風欲吹帽西阜可縱
遊聊為一日樂慰此百日愁

唐有書判拔萃科史記黃帝葬橋山前漢溝洫志武帝歌曰隤林竹兮
捷石菑廣韻篲酒篲晉書九月九日桓溫譙於龍山風吹子嘉帽落

將往終南和子由見寄

意不新而法持通
健

人生百年寄鬢鬢富貴何啻葭中草惟將翰墨畱染濡
絕勝醉倒蛾眉扶我今廢學如寒竿久不吹之澀欲無
歲云暮矣嗟幾餘欲往南溪侶一作旅禽魚秋風吹雨涼生
膚夜長耿耿添漏壺窮年弄筆衫袖烏古人有之我願
如終朝危坐學僧趺閉門不出閑履鳧下視官爵如泥
淤嗟我何爲久踟躕歲月豈肯與汝居僕夫起餐秣吾
駒

前漢書非有葭葦之親注葭裏之白皮者輕薄也韓子齊宣王好竿必三百人
齊吹南郭先生不善竿而濫於三百之中以食祿渥于立欲一一吹之先生乃逃
趙壹非草書歌十日一筆月數丸墨領袖如皁屑齒皆黑後漢王喬有神術顯宗
時爲葉令每朔望來朝明帝怪之令太史伺望輒有雙鳧從東來羅之得雙鳧詔
尚書診視乃四年中所賜履舄也韓退之送李愿歸盤
谷序膏吾車兮秣吾馬又天星詩僕夫起餐重載脂

七月二十四日以久不雨出禱磻溪是日宿號
縣二十五日晚自號縣渡渭宿於僧舍曾閣閣
故曾氏所建也夜久不寐見壁有前縣令趙薦
畱名有懷其人

龕燈明滅欲三更欹枕無人夢自驚深谷畱風終夜響
亂山銜月半牀明故人漸遠無消息古寺空來看姓名
欲向磻溪問姜叟僕夫屢報斗杓傾

二十六日五更起行至磻溪未明

夜入磻溪如入峽照山炬火落驚猿山頭孤月耿猶在
石上寒波曉更喧至人舊隱白雲合神物已化遺蹤蜿

夜色蒼涼振步懷人
想見竟夕徘徊不寐

安得夢隨霹靂駕馬上傾倒天瓢翻

王注至人舊隱太公也神物龍也磻溪有龍於此地禱雨也酉陽雜俎李鄴在北都介休百姓送解牒宿晉祠宇下夜有人叩門云介休王暫借霹靂車至介休牧麥良久數人共持一物如幢上綴旗幡凡十八葉有光如電以授之次日介休大雷雨損麥千餘頃又李靖嘗投宿一巨宅有老婦延之中夜叩戶甚迅婦出謂靖曰老婦龍也二子俱出今天命行雨欲煩一行遂韃青驄馬以一瓢水與之戒曰馬踐地嘶鳴即取水一滴滴馬鬃上一滴乃地上一尺慎勿多也靖見旱極連下三十餘滴靖歸婦驚語曰平地水深三丈矣詩意主禱雨故用此事

是日自磻溪往陽平憩於麻田青峰寺之下院

翠麓亭

不到峰前寺空來渭上村此亭聊可喜修徑豈辭捫谷
映朱欄秀山含古木尊路窮驚石斷林缺見河奔馬困
嘶青草僧畱薦晚飧我來秋日午旱久石牀溫安得雲

一夢相生似夢誰批
之也

如蓋能令雨瀉盆共看山下稻涼葉晚翻翻

三水小牘安定郡有峴陽峰峰上有池若雨則雲起池中如車蓋然故
里諺曰峴山張蓋雨霽霈杜詩白帝城頭雲若屯白帝城下雨翻盆

二十七日自陽平至斜谷宿於南山中蟠龍寺

橫槎晚渡碧澗口騎馬夜入南山谷谷中暗水響瀧瀧
嶺上疎星明煜煜寺藏崑底千萬仞路轉山腰三百曲
風生饑虎嘯空林月黑驚麝竄修竹入門突兀見深殿
照佛青瑩有殘燭媿無酒食待游人旋斫杉松煮溪藪
板閣獨眠驚旅枕木魚曉動隨僧粥起觀萬瓦鬱參差
日亂千巖散紅綠門前商賈負椒薺山後咫尺連巴蜀
何時歸耕江上田一夜心逐南飛鵠

內高二月餘名拙有竹竹過
接此處竹猶生而徑而
不竟其處

杜甫宿贊上人房詩夜
深殿突兀風動金琅璫

是日至下馬磧憩於北山僧舍有閣曰懷賢南

直斜谷西臨五丈原諸葛孔明所從出師也

南望斜谷口三山如犬牙西觀五丈原鬱屈如長蛇有

懷諸葛公萬騎出漢巴吏士寂如水蕭蕭聞馬櫓公才

與曹丕豈止十倍加顧瞻三輔閒勢若風卷沙一朝長

星墜竟使蜀婦髻山僧豈知此一室老煙霞往事逐雲

散故山依渭斜客來空弔古清淚落悲笳

漢書文帝紀高帝王子弟地犬牙相制注犬牙言地形如犬之牙交相入也長安

志引水經注斜水北歷斜谷過五丈原亦謂之武功水又曰武功蓋在渭水南郿

縣北是蜀志建興十二年諸葛亮悉大眾由斜谷出以流馬運糧武功五丈原與

山作二句勒詩五原
趙晉游出末二句又
初便吾則三讀三
國志詩不無昭明因
詩矣

悲傷寄人通言竟
只添送

趙勝臂樓 〇石說
南面是關中此見与真
具寺起法因

無私焉詩車攻篇蕭蕭馬鳴毛傳言不謹謹也公詩用此意顧注馬過輓也諸葛
亮傳先主病篤召亮謂曰君才十倍曹丕必能安國家定大事晉陽秋有星赤而
芒角自東北西南流投於亮營三投再還往大還小俄而亮卒戴記婦
人髻而弔也自敗於狐貍始也蓋魯臧紇敗於狐貍國人逆喪者皆髻

施註蘇詩卷之一

施註蘇詩卷之二

漫堂先生宋 犖

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩四十五首

起在鳳翔至治平乙巳罷鳳翔任還京師作施注缺今補

和子由記園中草木十一首

此首是舊題

首、富、慨、而、至、歸、隱、後、
向、沙、泥、而、不、過、腐、
者、第、名、懷、諸、道、人、
而、不、在、利、則、也

煌煌帝王都赫赫走羣彥嗟汝獨何為閉門觀物變微
物豈足觀汝獨觀不倦牽牛與葵蓼採摘入詩卷吾聞
東傳置酒攜嬾婉富貴未能忘聲色聊自遣汝今又
不然時節看瓜蔓懷寶自足珍執蘭那計斲吾歸於汝

處慎勿嗟歲晚

古樂府有煌煌京洛篇本草牽牛生花如鼓子花稍大作碧色陶隱居注蓼有三種一紫蓼一香蓼一青蓼晉書謝安棲遲東山放情丘壑好音樂每遊賞必以妓從離騷一既滋蘭之九畹兮又樹蕙之百畝王逸注十二畝曰畹

拉雜鋪敘而內之憂動石作柏抑抑然不

二居山門極

上云零碎物此言得信作一片才挽得住

此手正而後理而不入庸庸心仍是詩人直境此意亦在境

荒園無數畝草木動成林春陽一已敷妍醜各自矜蒲
萄雖滿架困倒不能任可憐病石榴花如破紅襟葵花
雖粲粲帶淺不勝簪叢蓼晚可喜輕紅隨秋深物生感
時節此理等廢興飄零不自由盛亦非汝能
種柏待其成柏成人已老不如種叢篁春種秋可倒陰
陽不擇物美惡隨意造柏生何苦艱似亦費天巧天工
巧有幾肯盡為汝耗君看藜與藿生意常草草

此首以竹與此草
不徒破○萱○竹○以時
子○年○牛○以○此○人

新法居去別境

往內拓開却仍是
曉詩

此首名曰此草外
而與在形難之向

萱草雖微花孤秀能自拔亭亭亂葉中一一芳心插牽
牛獨何畏詰曲自牙蘖走尋荆與榛如有宿昔約南齋
讀書處亂翠曉如潑偏工貯秋雨歲歲壞籬落

本草萱草一名鹿蔥
康養生論萱草忘憂

蘆筍初似竹稍開葉如蒲方春節抱甲漸老根生鬣不
愛當夏綠愛此及秋枯黃葉倒風雨白花搖江湖江湖
不可到移植苦勤劬安得雙野鴨飛來成畫圖
行樂惜芳晨秋風常苦早誰知念離別喜見秋瓜老秋
瓜感霜霰莖葉颯已槁宦遊歸無時身若馬繫阜悲鳴
念千里耿耿志空抱多憂竟何爲使汝玄髮縞

此首在作賦時不
著一語又別一格

此与首首同一賦作也
前首賦物此首賦情
用筆又自不同

顏延年枯白馬賦飛黃服皂
武樂府老驥伏櫪志在千里

官舍有叢竹結根問囚廳下爲人所徑土密不容釘慙
慙戒吏卒插棘護中庭遶砌忽墳裂走鞭瘦玲竈我常
攜枕簟來此蔭寒青日暮不能去卧聽牕風冷

左傳僖四年公祭之
地地墳注高起也

芎藭生蜀道白芷來江南漂流到關輔猶不失芳甘濯
濯翠莖滿悒悒清露涵及其未花實可以資筐籃秋節
忽已老苦寒非所堪劇根取其實對此微物慙

本草芎藭生武功川谷陶隱居注蜀中
亦有而細白芷生河東川谷下澤如掌

自我來關輔南山得再遊山中亦何有草木媚深幽菖

此首詩在《一子》五卷有之
而意中月外却無此
是園中竹身本遲在
至於真方亦非遲矣

此詩感悅於心乃係別
整外於意如係別
中若親菊後已忘
此亦前九首

蒲人不識生此亂石溝山高霜雪一作雪霜苦苗葉不得抽下

有千歲根蹙縮如蟠虬長為鬼神守德薄安敢偷

寰宇記咸平中姚咸南採菖蒲有一丈夫謂之曰此菖蒲安期生所餌可以忘老俟而失之神仙傳茅君丹砂二千歲乃結成上帝常使鬼神守此守焉

我歸自南山山翠猶在目心隨白雲去夢遶山之麓汝

從何方來笑齒粲如玉探懷出新詩秀語奪山綠覺來

已茫昧但記說秋菊有如採樵子入洞聽琴筑歸來寫

遺聲猶勝人間曲公自注八月十一日夜宿府學方和此詩夢與弟游南山出詩數十篇夢中甚愛之及覺唯記一句云蟋蟀悲秋菊

郭璞游仙詩靈妃顧我笑粲然啟玉齒

野菊生秋澗芳心空自知無人驚歲晚惟有暗蛩悲花
開澗水上花落澗水滑菊衰蛩亦蟄與汝歲相期楚客

方多感秋風詠江離落英不滿掬何以慰朝飢

呂溫山櫻詩幽處竟誰見芳心空自知率商隱詩莫學漢臣裁首荷還同楚客詠江離楚辭離騷扈江離與辟芷兮紉秋蘭以為佩注香草生於江中故曰江離也

離離通楚辭夕食秋菊之落英

周公廟廟在岐山西北七八里廟後百許步有

泉依山湧冽異常國史所謂潤德泉世亂則竭

者也

湘山野錄雍熙二年鳳翔奏岐山縣周公廟有泉湧出相傳時平則流亂則竭至大中年復流賜號潤德泉後又洞今其泉復

湧澄澄甘潔

太宗嘉之

吾今那復夢周公尚喜秋來過故宮翠鳳舊依山碑兀
清泉長與世窮通至今游客傷離黍故國諸生詠雨濛
牛酒不來烏鳥散白楊無數暮號風

注周興鸞鸞鳴於岐山今爲鳳翔郭璞江賦巨石神兀以前却古詩白楊多悲風蕭蕭愁殺人

南溪之南竹林中新構一茆堂予以其所處最

爲深邃故名之避世堂

猶恨溪堂淺更穿修竹林高人不畏虎避世已無心隱

几頽如病忘言兀似

一作自

瘖茆茨追上古冠蓋謝當今曉

夢猿呼覺秋懷鳥伴吟暫來聊解帶屢去欲攜衾湖上

行人絕堦前暮雪深應逢綠毛叟扣戶夜抽簪

晉史郭文少愛山水游名山歷華陰之崖窮谷無人之地倚木於樹苦覆其上而居亦無壁障時猛獸爲暴入屋害人而文獨宿十餘年卒無患害莊子南郭子綦隱几而坐嗒焉似喪其耦史記李斯傳采椽不斲茅茨不剪皮日休詩劉根昔成道茲塢四百年氈氍被其體號爲綠毛仙

自清平鎮遊樓觀五郡大秦延生仙游往返四

日得十一詩寄舍弟子由同作

樓觀注見前卷

起得方為有神
未之移一何神也

乃托古聖亦名
楷証既看

鳥噪猿呼。晝閉門。寂寥誰識古皇尊。青牛久已辭轅軻。

白鶴時來一作來時訪子孫。山近朔風吹積雪。天寒落日淡孤

村。道人應怪遊人衆。汲盡階前井水渾。

別說老氏乘青牛薄板車續搜神記澄東華表柱上有鶴集其上言曰有鳥有鳥
丁令威去家千歲今來歸古樂府朔風吹積雪杜詩淘米少汲水汲多井水渾

五郡

古觀正依林麓斷。居民來就一作說水泉甘。亂溪赴渭爭趨

北。飛鳥迎山不復南。羽客衣冠朝上象。野人香火祝春

蠶。汝師豈解言符命。山鬼何知託老聃。公自注觀有明皇碑言夢老子告以享國長久之

授經臺

公自注乃南山一峰耳非復有築處

劍舞有神通草聖海山無事化琴工此臺一覽秦川小

不待傳經意已空

國史補唐張旭善草書自言吾聞公主與擔夫爭道而得筆法之意後見公孫大娘舞劍器而得其神後漢張奐傳注張芝草書為世所寶韋仲將以為草聖也書斷旭書類伯英時謂之亞聖永仙操序伯牙學琴於成連三年而成成連曰吾之學不能移人之情吾師方子春在東海中乃齋糧從之至蓬萊山雷伯牙曰吾將迎吾師刺船而去旬時不返伯牙心悲延頸四望但聞海水汨沒山林竇冥羣鳥悲號仰天嘆曰先生將移我情乃援琴而作歌援海山無事化琴工句王注引成連事似為近之又引南史宗少文撫琴動操欲令眾山皆響非詩意矣今刪老子傳經詳見王卷壬寅二月詩注杜子美望嶽詩會當凌絕頂一覽眾山小

大秦寺

晃蕩平川盡坡陁翠麓橫忽逢孤塔迴獨向亂山明
信足幽尋遠臨風卻立驚原田浩如海滾滾一作盡東傾

張力通書
好日同遊

三

漢司馬相如哀二世登陂陲之長阪今注陂陲不
平之貌坡陂通李白詩幽尋無前期乘興不覺遠

仙游潭五首

游潭五首

公自注潭上有寺三二在潭北循黑水而上爲東路至南寺渡黑水西里餘從馬北上爲西路至北寺東路險不可騎馬而西路隔潭潭水深不可測上以一木爲橋不敢過故南寺有塔望之可愛而終不能到

潭

五言詩
揚法攝攝
收日
言禪定則
臨深五
惕

翠壁下無路何年雷雨穿光搖巖上寺深到影中天我
欲然一作然犀看龍應抱寶眠誰能一作言孤石上危坐試僧禪

晉書溫嶠傳嶠旋武昌至牛渚磯水深不可測世云其下多怪物嶠遂燃犀角而照之須臾見水族覆火奇形異狀或乘馬車著赤衣者其夜嶠夢人謂曰與君幽明道別何意相照也意甚惡之嶠至鎮未旬而卒莊子列禦寇夫千金之珠必在九重之淵驪龍領下子能得珠者必遭其睡也

南寺

東去愁攀石西來怯渡橋碧潭如見試白塔苦相招野

饋慚微薄村沽慰寂寥路窮斤斧絕松桂得干霄

北寺

唐初傳有此亂後不留碑畏虎關門早無村得米遲山
泉自入甕野桂不勝炊信美那能久應先學忍飢

杜詩小市常爭米孤城早閉門戰國策蘇秦謂楚王曰國之食貴於玉蘇貴於桂
謁者難見如鬼王難見如天帝今臣食玉炊桂因鬼見帝不亦難乎王粲登樓賦
信美而非吾土兮曾何足以久留

馬融石室

未應將軍聘初從季直游絳紗生不識蒼石尚能留豈
害依梁冀何須困李侯吾詩慎勿刻猿鶴爲君羞

三輔決錄注摯恂字季直詳見前卷留題仙游潭注後漢馬融傳大將軍鄧騭聞
融名召爲舍人不應命又融教養諸生常有千數常坐高堂施絳紗帳前授生徒

後列女樂弟子以次相傳鮮有入其室者吳祐傳梁冀誣奏李固融在坐爲冀草奏祐謂融曰李公之罪成於卿手李公卽誅卿何面目見天下之人乎

玉女洞

洞裏吹簫子終年守獨幽石泉爲曉鏡山月當簾鉤歲晚杉楓盡人歸霧雨愁送迎應鄙陋誰繼楚臣謳

楚辭沅湘之間其俗信鬼而好祀使巫覡作樂歌舞以娛神蠻荆陋俗詞多鄙俚屈原既放逐見而感之爲作九歌韓退之羅池廟碑作迎享送神詩遺柳民俾歌以祀焉

愛玉女洞中水既致兩鉗恐後復取而爲使者見給因破竹爲契使寺僧藏其一以爲往來之信戲謂之調水符

欺謾久成俗關市有契繻誰知南山下取水亦置符古人辨淄澠皎若鶴與鳬吾今既謝此但視符有無常恐

汲水人智出符之餘多防竟無及棄置爲長吁

漢書終軍傳注縹帛邊也關出入皆以傳傳還因裂縹頭合以爲符信也列子孔子曰淄澠之合易牙能辨之鶴鳧用單于鶴頸長鳧頸短語

自仙游回至黑水見居民姚氏山亭高絕可愛

復憩其上

山鵝曉辭谷似報游人起出門猶屢顧慘若去吾里道
途險且迂繼此復能幾溪邊有危構歸駕聊復柅愛此
山中人縹緲如仙子平生慕獨往官爵同一屣胡爲此
溪邊眷眷若有埃國恩久未報念此慙且泚臨風浩悲
咤萬世同一軌何年謝簪紱丹砂畱迅晷

易繫于金槐注止輪本漢書郊祀志天子曰嗟乎誠得如黃帝吾視去妻子如脫屣耳

山亭記

明末二年

南溪有會景亭處衆亭之間無所見甚不稱其
名予欲遷之少西臨斷岸西嚮可以遠望而力
未暇特爲製名曰招隱仍爲詩以告來者庶幾
遷之

飛簷臨古道高榜勸遊人未卽令公隱聊須濯路塵
茆茨分聚落烟火傍城闌林缺湖光漏牕明野意新
居民惟白帽過客謾朱輪山好畱歸屐風回落醉巾
他年誰改築舊製不須因再到吾雖老猶堪作坐賓

南史和帝紀百姓皆著下屋白紗帽而反裙覆頂楊惲傳
乘朱輪者十人落醉巾王注引孟嘉落帽事已見前卷

凌虛臺

王注在鳳翔解後園陳希亮知
鳳翔時建先生集載凌虛臺記

才高多感激道直無往還不如此臺上舉酒邀青山
山雖云遠似亦識公顏崩騰赴幽賞披豁露天慳落日
銜翠壁暮雲點烟鬟浩歌清興發放意末禮刪是時歲
云暮微雪灑袍斑吏退迹如掃賓來勇躋攀臺前飛鴈
過臺上雕弓彎聯翩向空墜一笑驚塵寰

李太白詩青山猶銜半邊日韓退之詩擢五紘烟鬟又雉帶箭詩衝人決起
百餘尺紅翎白簇隨傾斜將軍仰笑軍吏賀五色離披馬前墮詩似取其意

竹齕

王注竹齕食
竹根之鼠也

野人獻竹鼬腰腹大如盜自言道傍得採不費置網鴟
夷讓圓滑混沌慙瘦爽兩牙雖有餘四足僅能髣逢人
自驚蹶悶若兒脫襁念此微陋質刀几安足枉就擿太

寫此而書其意於
摺後初年

有易同和程之似

常務防神神鋒利東
惜中色

灰言言先之二

倉卒羞愧不能饗南山有孤熊擇獸行舐掌

韓退之詩腰腹空大何能為鴨夷酒器詳本卷次韻柳子玉詩注神異經崑崙西有獸焉其狀如犬長毛四足似熊名曰混沌退之詩擇肉於熊熊有視免與理

漢陂魚

公自注陂在鄂縣王注杜詩有漢陂行字從水從美以陂中魚故得名漢音美

霜筠細破為雙掩中有長魚如臥劍紫荇第顯氣悵悵

紅鱗照座光磨閃攜來雖遠鬣尚動烹不待熟指先染

坐客相看為解顏香粳飽送如填塹楊陳一振早歲嘗為荆渚客

黃魚屢食沙頭店濱江易採不復珍盈尺輒棄無乃僭

自從西征復何有欲致南烹嗟久久游鯨瑣細空自腥

亂骨縱橫動遭砭故人遠餽何以報客俎久空驚忽瞻

東道無辭信使頻西鄰幸有庖壘魚分切

孟浩然詩游魚擁劍來左傳宣公四年鄭靈公烹黿子公之食指動公故弗與子
公怒染指於鼎嘗之而出曹植詩食若填巨壑杜子美詩平濕搗香粳韓退之詩
浙玉炊香粳杜詩頓頓食黃魚地志沙頭鎮屬
荆南府韓南食詩我來禦魑魅自宜味南烹

讀道藏

嗟予亦何幸偶此琳宮居宮中復何有戢戢千函書盛
以丹錦囊冒以青霞裾王喬掌關籥蚩尤守其廬乘閒
竊掀攪涉獵豈暇徐至人悟一言道集由中虛心閑反
自照皎皎如芙蕖千歲厭世去此言乃遽篠人皆忽其
身治之用土苴何暇及天下幽憂吾未除

韓退之贈崔立之詩戢戢已多如束筍漢武內傳帝見西王母巾器中有一卷小
黃書盛以紫錦之囊帝問此何書曰五岳真形圖也其文祕禁令侍女宋靈寶更
取一圖以與帝靈寶探懷中得一卷盛以雲錦之囊因以付帝乾牒子何讓之見一
老翁歌讓之遂入丘化狐遁去案上得書一紙云何以蔽裸霞裾雲紉王注蚩尤

神名道藏中多畫蚩尤守禦之狀前漢賈山涉獵書記不能為醇儒莊子惟道集虛王注道家存想法當想心如未開蓮花韻注蓮條做竹器也莊子子歲厭世去而上仙又道之真以治身其土直以治天下又堯以天下讓子州支父子州支父曰我適有幽憂之疾未暇治天下也

十二月十四日夜微雪明日早往南溪小酌至晚

南溪得雪真無價走馬來看及未消獨自披榛尋履迹最先犯曉過朱橋誰憐破屋眠無處坐覺村飢語不囂惟有暮鴉知客意驚飛千片落寒條

趙景真與稽茂齊書涉澤求蹊披榛覓路履迹蓋用東郭先生雪中履迹也杜牧之詩潭開鳥步遲村飢人語早

九月中曾題二小詩於南溪竹上既而忘之昨

日再遊見而錄之

湖上蕭蕭疎雨過山頭靄靄暮雲橫陂塘水落荷將盡
城市人歸虎欲行

誰謂江湖居而爲虎豹宅焚山豈不能愛此千竿碧

司竹監燒葦園因召都巡檢柴貽勗左藏以其

徒會獵園下

官園刈葦歲畱槎深冬放火如紅霞枯槎燒盡有根在
春雨一洗皆萌芽黃狐老兔最狡捷賣侮百獸常矜誇
年年此厄竟不悟但愛蒙密爭來家風迴焰卷毛尾熱
欲出已被蒼鷹遮野人來言此最樂徒手曉一作時出歸滿
車巡邊將軍在近邑呼來颯颯從矛叉戍兵久閑可小

試戰鼓雖凍猶堪搗雄心欲搏南澗虎陣勢頗學常山

蛇霜乾火烈聲爆野飛走無路號且呀迎人截來素一作苦

逢箭避犬一作火逸去窮投置擊鮮走馬殊未厭但恐落日

催棲鴉弊旗仆鼓坐數獲鞍挂雉兔肩分慶主人置酒

聚狂客紛紛醉語晚更譁燎毛燔肉不暇割飲啖直欲

追羲媧青丘雲夢古所宅與此何啻百倍加苦遭諫疏

說夷羿又被賦客嘲淫奢豈如閑官走山邑放曠不與

趨朝衙農工已畢歲云暮車騎雖少賓殊佳酒酣上馬

去不告獵獵霜風吹帽斜

一語如騶馬之下故如
以此排策也語方得
佳

周官天司馬羣吏弊旗注弊仆也司馬相如子虛賦秋田乎青丘仿徨乎海外吞
若雲夢者八九其於胃中曾不芥蒂左傳魏絳晉侯引虞人之箴曰在帝夷羿

冒於原獸又相如賦盛推雲夢以爲高奢言淫樂而顯侈靡竊爲足下不取也北史獨孤信嘗因獵日暮馳馬入城其帽微側詰旦人有戴帽者咸慕信側其帽焉

和子由木山引水二首

蜀江久不見滄浪江上枯槎遠可將去國尚能三犢載
汲泉何愛一夫忙崎嶇好事人應笑冷淡爲歡意自長
遙想納涼清夜永牕前微月照汪汪

千年古木臥無梢浪卷沙翻去似瓢幾度過秋生蘚暈
至今流潤應江湖泫然疑有蛟龍吐斷處人言霹靂焦
材大古來無適用不須鬱鬱慕山苗

王注江有潮來枯木先潤若相應也柳宗元霹靂琴贊引始枯桐生石上言有蛟龍伏其窟一夕暴震爲火焚至旦乃已超道人取以爲三琴云杜子美詩志士幽人莫怨嗟古來材大難爲用左思詠史詩鬱鬱澗底松離離山上苗以彼徑寸莖蔭此百尺條

寄題興州鼂太守新開古東池

百畝新池傍郭斜，居人行樂路人誇。自言官長如靈運，

能使江山似永嘉。縱飲座中遺白蛤，

音蛤

幽尋盡處見桃

花，不堪山鳥號歸去。長遣王孫苦憶家。

南史謝靈運爲永嘉太守，郡有名山，水素所愛好。遂肆志遨遊，尋山陟嶺，必造幽勝。崑嶂千里，莫不遍歷。所至輒爲詩，以致其意。永嘉今溫州也。賈休詩：永嘉爲郡，後山水添鮮碧。永嘉志：本漢東甌縣。晉太康二年，明帝立永嘉郡。王注：恰帽也。魏初有白恰之製。

華陰寄子由

三年無日不思歸，夢裏還家旋覺非。臘酒送寒催去國，

東風吹雪滿征衣。三峰已過天浮翠，四扇行看日照扉。

里堠消磨不禁盡，速攜家餉勞騃騃。

華山記其上有三峰直上晴霽可觀三峰蓮華松檜毛女也韓退之詩荆山已去華山來日出潼關四扇開又路傍埃詩堆堆路傍埃一雙復一隻注封埃也

和董傳畱別

王注董傳字至和洛陽人有詩名嘗在鳳翔與東坡相從韓魏公鎮長安傳有詩云古來風義遺才

少近世公卿薦士稀韓舉而已卒矣

麤繒大布裹生涯腹有詩書氣自華
厭伴老儒烹瓠葉強隨舉子踏槐花
囊空不辦尋春馬眼亂行看擇壻車
得意猶堪誇世俗詔黃新濕字如鴉

後漢劉昆教授弟子恆五百餘人每春秋享射常備列典儀以素木瓠葉爲俎豆詩小雅幡幡瓠葉采之亨之序曰刺幽王棄禮而不能行故思古之人不以微薄廢禮焉南部新書長安舉士六月後落第者不出京謂之過夏時語曰槐花黃舉子忙王注唐進士開宴常寄曲江亭其日公卿家傾城縱觀鈿車珠鞅櫛比而至中東榻之選十八九盧仝詩閑來案上翻墨汁塗抹詩書如老鴉

次韻柳子玉見寄

薄雷輕雨曉晴初
陌上春泥未濺裾
行樂及時雖有酒
出門無侶謾看書
遙知寒食催歸騎
定把鳴夷載後車
他日見邀須強起
不應辭病似相如

漢書陳遵傳鳴夷滑稽腹如人壺注鳴夷韋囊以盛酒即今鳴夷勝也史記司馬相如傳相如與臨邛令王吉相善臨邛富人相謂曰令有貴客爲具乃之并召相如謝病不能行臨邛令不敢嘗食自往迎相如相如不得已強往一座盡傾

送曾子固倅越得燕字

王注子固名鞏南豐人嘉祐二年承叔知貢舉子固兄弟四人同登科

醉翁門下士雜沓難爲賢
曾子獨超軼孤芳陋羣妍
昔從南方來與翁兩聯翩
翁今自憔悴子去亦宜然
賈誼窮適楚樂生老思燕
那因江鱸美遽厭天庖羶
但苦世論隘聒耳如蜩蟬
安得萬頃池養此橫海鱣

上生左附之老而
高跡萬海

漢書劉向傳紆紆衆賢臣不肅和賈誼傳天子議以誼任公卿之位絳灌之勇皆
害之出爲長沙太傅長沙楚地也史記終不毅傳毅去燕奔趙燕王以其子間爲昌
國君而毅往來復通燕賈誼謂屈原賦世與江湖之鱣鯨今固將制於螻蟻李太白詩
魯國一杯水難容橫海鱗王注先生詩安云送曾鞏詩以譏近來多用刻薄之人
議論鄙陋如蟬之鳴不足聽也以詩案
考之此詩作於熙寧三年不當入此

王頤赴建州錢監求詩及草書

我昔識子自武功寒廳夜語尊酒同酒闌燭盡語不盡

時更想

倦僕立寐僵屈風丁寧勸學不死訣自言親受方瞳翁

嗟予聞道不早悟醉夢顛倒隨盲聾邇來憂患苦摧剝

意思蕭索如霜蓬羨君顏色愈少壯外慕漸少由中充

河車挽水灌腦黑丹砂伏火入頰紅大梁相逢又東去

但道何日辭樊籠未能便乞勾漏

集作响
螻蟻

令官曹似是錫

與銅留詩河上慰離別草書未暇緣忽忽一作念念

漢地理志武功縣屬右扶風韓退之答張徹詩勤來得晤語勿憚宿寒廳漢書陳
萬年病召其子咸教戒於牀下語至夜半咸睡頭觸屏風南史陶弘景年踰八十而
有壯容仙書云眼方者壽千歲弘景末年一眼有時而方又李根兩目瞳子皆方
仙經說八百歲人瞳子方也黃庭經北方正氣名河車仙經云鈿絕河車空所作
必無功河車挽水蓋搬運之法古高子真訣大丹第六轉以文武火養一伏時成
其伏火朱砂以楮汁丸如麻子大每日下三九駐顏定色莊子內篇澤雉十步一
啄百步一飲不斲蒿乎樊中漢書地理志交趾郡屬縣有荷扇師古曰扇與漏同
蓋卽勾漏也二統志安南有勾漏山古縣在其下晉書葛洪聞交趾出丹砂求爲
勾漏令帝不許洪曰非欲求榮以有丹爾杜子美詩遠慚勾漏令
不得問丹砂後漢書注張伯英下筆必爲楷則號念念不暇草書

秀州僧本瑩靜照堂

一題中云山病人多
醫一草而心機頓不
同此亦刺病

鳥囚不忘飛馬繫嘗念馳靜中不自勝不若聽所之君
看厭事人無事乃更悲貧賤苦形勞富貴嗟神疲作堂
名靜照此語子謂誰江湖隱淪士豈無適時資老死不

自惜扁舟自娛嬉從之恐莫見况肯從我爲

史記陳軫謂犀首曰公何好飲也曰無事也軫謂曰吾令公厭事可乎

石蒼舒醉墨堂

王注蒼舒京兆人字才美善行草人謂得草聖三昧官爲承事郎通判保安庫嘗爲丞相呂公

微仲所薦不達而卒

人生識字憂患始姓名龕記可以休何用草書誇神速
開卷懔懔令人愁我嘗好之每自笑君有此病何能瘳
自言其中有至樂適意無異逍遙遊近者作堂名醉墨
如飲美酒銷百憂乃知柳子語不妄病嗜土炭如珍羞
君於此藝亦云至堆牆敗筆如山丘興來一揮百紙盡
駿馬倏忽踏九州我書意造本無法點畫信手煩推求

胡爲議論獨見假隹字片紙皆藏收不減鍾張君自足
下方羅趙我亦優不須臨池更苦學完取絹素充衾裯

杜子美詩子雲識字終投閣史記項藉學書不成其季父梁怒之藉曰書足以記姓名而已杜醉歌行總角草書又神速世上兒子徒紛紛張衡賦神儻悅以疑愁柳子厚答崔黯書凡人好辭工書皆病癖也吾嘗見病心腹人有啗土炭嗜酸鹹者不得則大戚觀吾子之意亦戚矣國史補長沙僧懷素好草書棄筆堆積埋於山下號曰筆塚南史曹景宗爲人自恃高勝每作書字有不解不以問人皆以意造懷素帖王右軍云吾真書過鍾而草故不減張僕以爲真不如鍾草不如張三輔史錄杜伯度崔子玉以工草書稱於前世趙襲與羅暉亦以能草頗自矜夸故張伯英與友人書曰上之崔杜不足下方羅趙有餘後漢書注張芝字伯英好草書家之衣帛必先書後染臨池學書池水盡黑

送安惇秀才失解西歸

舊書不厭百回讀熟讀深思子自知他年名宦恐不免

今日妻孥那可追我昔家居新還主舊書不復覽園葵

惟
有
霜
鬢
來
如
期
故
山
松
柏
皆
手
種
行
且
拱
矣
歸
何
時
萬
事
早
知
皆
有
命
十
年
浪
走
寧
非
癡
與
君
未
可
較
得
失
臨
別
惟
有
長
嗟
咨

晉黃遇字季直華陰人興平中關中擾亂與兄仲耒躬負販而常挾持經史人有從遇學者遇不稍教云必當先讀百回讀書自遍而義自見漢書董仲舒孝景時為博士下帷講誦蓋三年不窺園王注園葵用公儀子按去園葵字左傳秦穆公使孟明西乞白乙伐鄭蹇叔哭之公曰爾何知中壽爾墓之木拱矣南史沈攸之言早知窮達有命恨不十年讀書

送任伋通判黃州兼寄其兄孜

王注孜時為簡州平泉令字師聖伋字師中皆

名士眉人也東坡謂之大任小任兄弟於慶曆間登第

吾州之豪任公子少年盛壯日千里無媒自進誰識之

也惟恐其少為困報
於之報而此為真附毛
一兒費字向古自可也

有才不用今老矣別來十年學不厭讀破萬卷詩愈美
黃州小郡夾谿谷茆屋數家依竹葦知命無憂子何病
見賢不薦誰當恥平原老令更可悲六十青衫貧欲死
桐鄉遺老至今泣潁川大姓誰能筆因君寄聲問消息
莫對黃鵠矜爪觜

初由子孫內托我未治無吉日引困亦以此指

史記田光曰騏驎盛壯之時一日而馳千里至其衰老驕馬先之杜子美詩讀書破萬卷下筆如有神漢書循吏傳朱邑病且死屬其子曰我故爲桐鄉吏其民愛我必葬我桐鄉後世子孫奉嘗我不如桐鄉民李白詩六帝餘古丘樵蘇泣遺老漢書趙廣漢傳潁川大姓原楮宗族恣橫賓客犯爲盜賊削二千石莫能禽制廣漢旣至數月誅原楮首惡郡中震慄韓退之詩魯連細而黠有似黃鵠子田巴兀老蒼憐汝矜爪觜

施註蘇詩卷之三

漫堂先生宋 堦

長洲顧嗣立

閱定

毗陵邵長蘅

刪補

樸園先生張榕端

商丘宋 至

詩四十五首

起熙寧己酉還京師至辛亥乞外除
通判杭州赴任由陳穎過廣陵作

和子由初到陳州見寄二首

道喪雖云久吾猶及老成如今各衰晚那更治刑名懶

情便樗散疎狂託聖明阿奴須碌碌門戶要全生

莊子吾有大木人謂之樗曲轅櫟社其大蔽牛匠石曰散材也杜子美詩鄭公樗
散鬚如絲曹列女傳周顗母李氏謂顗等曰我屈節為汝家妾門戶計耳中興時
顗等並列顯位因冬至置酒終秀舉觴賜三子曰爾等並貴列吾目前吾復何憂
嵩曰恐不如尊旨伯仁好乘人之弊非自全之道嵩性抗直亦不容於世惟阿奴

疎疎當在阿母目下耳李氏字
絡秀顓字伯仁謨小字阿奴

舊隱三年別杉松好在不吾今尚眷眷此意恐悠悠
閑戶時尋夢無人可說愁還來送別處雙淚寄南州

次韻子由綠筠堂

愛竹能延客求詩剩挂牆風梢千纛亂月影萬夫長
谷鳥驚基響山蜂識酒香只應陶靖節會聽北牕涼

宋子京詩概竹森煙霽縣莊牧之晚晴賦竹林
外裏分十萬丈夫甲刃縱縱密陣而環侍

送劉攽倅海陵

劉攽字貢父臨江新喻人與王介甫
論新法不便介甫怒斥通判泰州

君不見阮嗣宗臧否不挂口莫誇舌在牙齒牢是中惟
可飲醇酒讀書不用多作詩不須工海邊無事日日醉

夢魂不到蓬萊宮秋風昨夜入庭樹尊絲未老君先去
君先去幾時迴劉郎應白髮桃花開不開

晉阮籍傳籍字嗣宗發言玄遠口不臧否人物史記張儀傳嘗從楚相飲已而楚相亡壁門下意張儀共執掠答其妻曰子毋讀書游說安得此辱乎儀曰視吾舌尚在否妻笑曰舌在也儀曰足矣韓退之贈劉師服詩焚君齒牙牢且潔大肉硬餅如刀截南史謝瀹傳兄肱指瀹口曰此中惟宜飲酒白樂天詩不用更教詩過好折君官職是詩名杜詩莫相疑行憶獻三賦蓬萊宮晉張翰傳因秋風起思吳中菰菜蓴羹鱸魚膾命駕而歸齊民要術四月蓴生莖而無葉名雉尾草芽甚肥美葉舒長名絲蓴劉禹錫還京師詩南宮舊吏來相問何處渣留白髮生又贈看花君子詩玄都觀裏桃千樹盡是劉郎去後栽再游玄都觀詩桃花淨盡菜花開王注公赴詔獄供此詩譏諷朝廷新法不便不容人直言不如耳不聞而口不言也

送錢藻出守婺州得英字

錢藻字醇老武肅王繆五世孫熙寧三年以尚書司封郎祕閣

校理出守婺州同舍之士飲餞於觀音院會者凡二十人醇老爲詩二十言以示坐者各取其一言爲韻賦詩送之曾鞏爲之序

老手便劇郡高懷厭承明聊紆東陽綬一濯滄浪纓東

陽佳山水未到意已清過家父老喜出郭壺漿迎子行
得所願愴恨居者情吾君方急賢日旰坐邇英黃金招
樂毅白璧賜虞卿子不少自貶陳義空崢嶸古稱為郡
樂漸恐煩敲撈音崩臨分敢不盡醉語醒還驚

漢朱邑傳遠守劇郡馭於繩墨嚴助傳上賜書曰君厭承明之廬注承明廬在石渠閣外揚子使我紆朱懷金唐地理志婺州東陽郡劉禹錫答于令詩東陽本是佳山水何況曾經沈隱侯後漢岑彭傳南還津鄉有詔過家上冢白樂天初到江州詩遙見朱輪來出郭相迎勞動使君公文選班叔皮北征賦心愴恨以傷懷左傳日旰旰也漢張湯傳每朝奏事語國家用日旰天子忘食宋仁宗景祐二年置邇英在迎陽門之北東向延義在崇政殿之西南隅上谷郡圖經燕太子丹築臺置千金其上以招賢士天下謂之黃金臺柳子厚詠史燕有黃金臺致望諸君史記樂毅傳趙封於觀津號望諸君虞卿傳躡蹻擔簦說趙孝成王一見賜黃金百鎰白璧一雙孔子世家子貢曰夫子之道至大也故天下莫能容夫子蓋少貶焉莊子屠羊說居處卑賤而陳義甚高杜子美詩崢嶸吐高論漢書東方朔傳注撈擊也韓退之赴江陵詩何況親狂獄敲撈發姦偷公烏臺詩詎熙寧三年三月作古詩一首送錢藻此詩除無幾風外言朝廷方急賢才多士並進子獨遠

出爲郡不少自勉強求進但守道義意譏當時之人急進也又言青苗助役既行百姓輸納不前爲郡者不免用鞭筆催督醉中道此語醒後還驚恐得罪朝廷以譏諷新法不便之故也

送呂希道知和州

呂希道字景純河東人丞相文靖公之孫翰林侍讀學士公綽之子歷知解和滁汝

澶湖臺

七州

去年送君守解梁今年送君守歷

歷一作

陽年年送人作太

守坐受塵土堆胃腸君家聯翩三將相富貴未已今方

將鳳雛驥子生有種毛骨往往傳諸郎觀君崛鬱負奇

表便合劍佩趨明光胡爲小郡屢奔走征馬未解風帆

張我生本自便江海忍恥未去猶徬徨無言贈君有長

歎美哉河水空洋洋

方既仙送任伯詩
佳字不負字佳仙

九域志解州解梁城事見左傳唐地理志和州歷陽郡世說羅友家貧乞祿於桓
溫曰昨逢一鬼大抑揄云只見汝送人作郡不見人送汝作郡溫笑以爲襄陽太
守王注蒙正諡文穆本朝名相其姪曰夷簡夷簡之子曰公著皆爲將相晉書陸
雲幼時吳尚書問鴻見而奇之曰此兒若非龍駒當是鳳雛北齊裴景鸞景鸞鴻
並有逸才河東呼景鸞爲驥子杜子美入奏行實侍御驥之子鳳之雛世說王右軍
道祖士少風領毛骨恐沒世不復見如此人西漢有明光宮史記孔子將西見趙
簡子至於河而聞竇鳴犢舜華之死也臨河
而嘆曰美哉水洋洋乎丘之不濟此命也夫

次韻王誨夜坐

愛君東閣能延客顧我閑官不計員策杖頻過知未厭
卜居相近豈辭遷莫將詩句驚搖落漸喜樽壘省僕緣
待約月明池上宿夜深同看水中天

漢公孫弘傳起客舍開東閣以延賢人宋玉九辯悲哉秋之爲氣也蕭瑟兮草木
搖落而變衰莊子人間世篇憂馬者以筐盛矢以蜾蠃溺適有蚊蚋僕緣而拊之
不時則缺銜毀首碎買季太白詩人乘海

上月凡喜胡中天賈島詩照臥水中天

勢如掃雪
石未

送文與可出守陵州

文與可名同梓潼人畫竹
石妙絕一世得者皆寶之

壁上墨君不解語見之尚可消百憂而况我友似君者
素節凜凜欺霜秋清詩健筆何足數逍遙齊物追莊周
奪官遣去不自覺曉梳脫髮誰能收江邊亂山赤如赭
陵陽正在千山頭君知遠別懷抱惡時遣墨君解我愁
東坡墨君堂記王子猷謂竹君天下從而君之無異辭今與可又以墨君之形容
作堂以君而屬余為文後漢孔融傳凜凜焉與琨玉秋霜比質杜詩復憶
襄陽孟浩然清詩句句盡堪傳又庾信文章老更成凌雲健筆意縱橫莊子內篇
有逍遙游齊物論晉王羲之傳中年以來傷於哀樂與親友別輒作數日惡杜詩
使我不能食
令我惡懷抱

送劉道原歸覲南康

劉道原名恕筠州人介甫執政道原在
館閣欲引實條例司固辭是時介甫權

震天下人不敢忤而道原憤憤欲與之校又條陳所更法令不合
衆心者至而刺其過介甫怒變色道原不以爲意或稠人廣坐對

其門生誦言得失無所避遂與之絕此詩端爲介甫而發以孔融
汲黯比道原曹操張湯况介甫又云雖無尺箠與寸刃口吻排擊
含風霜益著其
面折之實也

晏嬰不滿六尺長高節萬仞陵首陽青衫白髮不自歎
富貴在天那得忙十年閉戶樂幽獨百金購書收散亡
竭來東觀弄丹墨聊借舊史誅姦強孔融不肯下曹操
汲黯本自輕張湯雖無尺箠與寸刃口吻排擊含風霜
自言靜中閱世俗有似不飲觀酒狂衣巾狼藉又屢舞
傍人大笑供千場交朋翩翩去畧盡惟我與子猶徬徨
世人共弃君獨厚豈敢自愛恐子傷朝來告别驚何速
歸意已逐征鴻翔匡廬先生古君子挂冠兩紀鬢未蒼

定將文度置膝上喜動隣里烹猪羊君歸為我道名姓

一作幅巾他日容登堂

史記晏嬰傳晏子長不滿六尺身相齊國名顯諸侯後漢和帝紀永元十三年幸東觀覽書林閣篇籍博選術藝之士以充其官韓退之詩丹墨交橫揮又答崔立之書將作唐之一經垂之於無窮誅姦諛於既死發潛德之幽光後漢孔融傳見曹操雄詐漸著數不能堪故發辭編宕多致乖忤漢汲黯傳張湯以更定律令為廷尉黯質責湯於上前憤怒罵曰天下謂刀筆吏不可為公卿果然必湯也韓送張道士詩恨無一尺筆為國書老矣又臣有一寸刀西京雜記淮南王有鴻烈書自云字中皆挾風霜漢蓋寬饒傳無多酌我酒狂史記滑稽傳淳于髡曰履舄交錯杯盤狼藉當此之時能飲一石毛詩屢舞猷猷又屢舞僊僊李白短歌行天公見玉女大笑供千場韓答胡生書不敢自愛懼生之無益而有傷也廬山記匡俗先生姓匡名俗殷周之際遜世隱居廬於此山因號廬山亦曰匡山按匡廬先生謂道原父俗一作續後漢逢萌傳解冠挂東都城門晉書陶弘景挂冠神武門王述傳述愛子坦之雖長大猶抱置膝上坦之字文度古樂府木蘭歌磨刀霍霍向猪羊後漢法真傳太守請見真乃幅巾詣謁又符融傳融幅巾奮袖談辭如雲

出都來陳所乘船上有題小詩八首不知何人

此言有與物俱通
之意下言知趣
之真在路跡久年
氣和也

有感於余心者聊為和之

蛙鳴青草泊蟬噪垂楊浦吾行亦偶然及此新過雨

鳥樂忘罝罟魚樂忘鉤餌何必擇所安滔滔天下是

莊子胠篋篇鉤餌罔罟罾筌之知多則魚亂於水矣削格羅落罝罟之知多則獸亂於澤矣

煙火動村落晨光尚熹微田園處處好淵明胡不歸

廣雅村落居也陶淵明歸去來辭歸去來兮田園將蕪胡不歸又問征夫以前路恨晨光之熹微

我行無疾徐輕楫信容漾船畱村市聞聞發寒波漲

舟人苦炎熱宿此喬木灣清月未及上黑雲如頽山

後漢光武紀王邑圍昆陽有雲如壞山當營而隕庚信詠懷詩哭市聞妖獸頽山起怪雲歐陽修聖俞大雨詩夕雲若頽山夜雨如決渠

萬竅號地籟衝風散天池喧聒瞬息閒還挂斗與箕

莊子齊物論大塊噫氣其名爲風是惟無作則萬竅怒號又地籟則衆竅是已楚辭九歌衝風起兮水橫波莊子逍遙遊南溟者天池也

潁水非漢水亦作蒲萄綠恨無襄陽兒令唱銅鞮曲

李白襄陽歌遙看漢水鴨頭綠恰似蒲桃初醱醅又襄陽小兒齊拍手攔街爭唱白銅鞮古樂府有白銅鞮歌

我詩雖云拙心平聲韻和年來煩惱盡古井無由波

白樂天贈元稹詩無波古井水有節秋竹竿孟郊詩妾心古井水波瀾誓不起

次韻張安道讀杜詩 張文定公名方平字安道

大雅初微缺流風困暴豪張爲詞客賦變作楚臣騷展轉更崩壞紛綸閱俊髦地偏蕃怪產源失亂狂濤粉黛迷真色魚鰕易藁牢誰知杜陵傑名與謫仙高掃地收千軌爭標看兩艘詩人例窮苦天意遣奔逃塵暗一作人

子之深穩自之私動如作永得格詩固不曉手和極口之如杜○非極巧押騰抑交全在因以

結在唐書詩
人二卷

亡鹿溟翻帝斬鼉艱危思李牧述作謝王褒失意各千
里哀鳴聞九臯騎鯨遁滄海將虎得綈袍巨筆屠龍手
微官似馬曹迂疎無事業醉飽死游遨簡牘儀刑在兒
童篆刻勞今誰主文字公合抱旌旄開卷遙相憶知音
兩不遭般斤思郢質鯢化陋儵濠恨我無佳句時蒙致
白醪殷勤理黃菊未遣沒蓬蒿

班孟堅兩京賦序賦者古詩之流也史記屈原傳憂愁幽思而作離騷離騷者猶
離憂也韓退之調張籍詩李杜文章在光燄萬丈長又帝欲長吟哦故遣起且僵
漢蒯通傳秦失其鹿天下其逐之列子湯問篇昔者女媧氏鍊五色石以補其闕
斷鼉之足以立四極王注亡鹿言明皇天寶之亂斬鼉言肅宗誅安史再造唐室
漢馮唐傳文帝曰嗟乎吾獨不得廉頗李牧為將豈憂匈奴哉漢王褒傳益州刺
史王褒使褒作中和樂職宣布詩杜子美送孔巢父詩巢父掉頭不宜仕東將入
海隨煙霧又若逢李白騎鯨魚道南問信今何如唐杜甫傳流落劍南會嚴武節
度西川往依焉武以世舊待甫甚善雲然友義有曰不謂長安之有北宅也

之曰杜審言孫擢將虎鬚莊子列御寇篇朱泚漫學屠龍於支離益單千金之家
三年技成而無所用其巧世說王子猷爲桓冲騎兵參軍桓問曰卿何署答曰不
知何署時見牽馬來似是馬曹杜甫傳甫客耒陽令營饋牛炙白酒大醉一夕卒
揚子彫蟲篆刻壯夫不爲韓詩文字銳氣在輝輝見旌旄揚子般之揮斤羿之激
矢莊子徐無鬼篇郢人坐漫其鼻端使匠石斲之運斤成風盡堊而鼻不傷宋元
君召匠石爲之曰臣則嘗能斲之雖然臣之質死久矣逍遙游篇北溟有魚其名
爲鯢化而爲鳥其名爲鵬秋水篇莊子與惠子游於濠梁之上莊子曰
儵魚出游從容是魚樂也高士傳張仲蔚常居窮素所處蓬蒿没人

送張安道赴南都留臺

我公古仙伯超然羨門姿偶懷濟物志遂爲世所縻黃
龍游帝郊簫韶鳳來儀終然反冥極豈復安籠池出入
四十年憂患未嘗辭一言有歸意闔府諫莫移吾君信
英睿搜士及茆茨無人長者側何以安子思歸來掃一
室虛白以自怡游於物之初世俗安得知我亦世味薄

因循鬢生絲出處良細事從公當有時

王注道科有仙卿仙伯如大茅君傳有云紫陽左公大極仙伯是也神仙傳王知遠謂弟子曰吾漸游洞府仙曹除吾為少室仙伯史記封禪書秦始皇東遊海上求仙人羨門之屬應劭曰羨門名子高古仙人也揚雄傳鳳凰巢其樹黃龍游其沼瑞應圖黃龍居四龍之長神靈之精舜東巡狩黃龍負圖置舜前潘安仁秋興賦譬猶池魚籠鳥而有江湖之思莊子人間世虛室生白吉祥止止又田子方篇老聃曰吾游於物之初韓退之示爽詩我老世味薄因循致留連又閔已賦在隱約以平寬固哲人之細事

傅堯俞濟源草堂

傅堯俞字欽之

微官共有田園興老罷方尋隱退廬栽種成陰十年事
倉黃欲買百金無先生卜築臨清濟喬木如今似畫圖
隣里亦知偏愛竹春來相與護龍雛

管子十年之計莫如樹木杜反照詩荻岸如秋水松門似畫圖吳僧贊寧簡譜俗間謂簡為龍孫盧全詩萬室包龍系贊延益木藪

和自云直書第句
牙冠明詩有章法
才化

陸龍圖詵挽詩

陸詵字介夫餘杭人以龍圖閣直學士知成都

種芋充饑願罷四路使者并言差役水利事皆不當改詔獨置成都府一路提舉省其三使詩云挺然直節庇我岷蓋謂是也所歷桂延秦鳳晉真定成都六州秦鳳未上而改命詩云六州巷哭蓋總言之爾

挺然直節庇我岷謀道從來不計身屬續家無十金產
過車巷哭六州民塵埃輦寺三年別樽俎岐陽一夢新
他日思賢見遺像不論宿草更沾巾

禮記屬繼以俟絕氣漢揚雄傳家產不過十金乏無擔石之儲晏如也後漢祭遵傳喪還光武幸城門過其車騎孔叢子子產死鄭人巷哭三月晉羊祜傳祜卒南州人號慟罷市巷哭者聲相接王注東坡與介夫相別於京師而會於鳳翔故詩及之唐地里志鳳翔府貞觀七年置岐陽縣趙抃成都古今集記天聖慈寺思賢閣歷政知府一一繪像因以爲名禮記曾子曰朋友之墓有宿草而不哭焉

胡完夫母周夫人挽詞

胡完夫名宗愈常州人

柏舟高節冠鄉隣絳帳清風聳搢紳豈似凡人但慈母
能令孝子作忠臣當年織屨隨方進晚節稱觴見伯仁
回首悲涼便陳迹凱風吹盡棘成薪

晉列女傳韋逞母宋氏父授以周禮音義逞仕苻堅爲太常堅嘗幸太學問博士
經典時博士盧壺曰惟周官禮注未有其師自非此母無可以傳授後生於是就
宋氏家立講堂隔絳紗幔受業漢翟方進傳欲西至京師受經母憐其幼隨之長
安織屨以給晉周伯仁注見本卷謝靈運廬陵王墓下詩道消結憤憑運開申悲
涼晉王羲之蘭亭序俯仰之間已爲
陳迹詩國風凱風自南吹彼棘薪

次韻柳子玉過陳絕糧二首

風雨蕭蕭夜晦迷不須鳴叫強知時多才久被天公怪
闕食惟應爨婦知杜叟挽衣那及脛顏公食粥敢言炊
詩人情味真嘗遍試問於今底處一作虧

詩國風風雨蕭蕭鷓鴣膠小序風雨思君子也韓退之雙鳥詩天公怪兩鳥各
提一處因杜子美同谷縣詩黃精無苗山雪盛短衣數挽不掩脛顏魯公乞米帖
拙於生事舉家
食粥來已數月

如我自觀猶可厭非君誰復肯相尋圖書跌宕悲年老

燈火青熒語夜深早歲便懷齊物意微官敢有濟時心

南行千里成何事一聽秋濤萬鼓音

江文通恨賦脫畧公卿跌宕文史莊子
有齊物論白樂天詩可惜濟時心力在

潁州初別子由二首

神宗青苗法既行子由度不能救以書
抵介甫指陳其決不可者且請補外介

甫大怒將加以罪同列止之除河南推官會張安道知陳州辟為
教授東坡是時亦以論新法為介甫所嫉通判杭州出都來陳于

由送至潁且同謁歐陽
公而別蓋熙寧四年也

征帆挂西風別淚滴清潁畱連知無益惜此須臾景我

用李陵且後立好侯
云而口帶連句作一按按
意境像別

懷遠而止口和平故
但竟沉著不露思
快

生三度別此別尤酸冷念子似先君木訥剛且靜寡辭
真吉人介石乃機警至今天下士去莫如子猛嗟我久
病狂意行無坎井有如醉且墜幸未傷輒醒從今得閑
暇默坐消日永作詩解子憂持用日三省

元微之別白樂天詩自識君來三度別遮回白盡老髭須周易吉人之辭寡又介
於石不終日貞吉劉禹錫蠻子歌意行無舊路柳子厚愚谿對吾足蹈坎井頭抵
木石莊子達生篇醉者之墜車雖疾不死骨節與人同而患害與人異其神全也
王注公赴詔獄供此詩言第曾爭議新法不合乞罷既美其去果決亦是譏新法
之不便也

近別不改容遠別涕霑眉咫尺不相見實與千里同人
生無離別誰知恩愛重始我來宛丘牽衣舞兒童便知
有此恨畱我過秋風秋風亦已過別恨終無窮問我何

二詩皆如惻惻深至可憐
此詩至如與別如語
蓋情真而事又足以
之遂為他調

年歸我言歲在東離合既循環憂喜迭相攻語此長太
息我生如飛蓬多憂髮早白不見六一翁

唐地理志陳州宛丘縣詩國風宛丘注云四方高中央下曰宛丘
李白南陵別兒童詩兒女歌笑牽人衣歐陽公自號六一居士

歐陽少師令賦所蓄石屏

何人遺公石屏風上有水墨希微蹤不畫長林與巨植
獨畫峨眉山西雪嶺上萬歲不長之孤松崖崩澗絕可
望不可到孤煙落日相溟濛含風偃蹇得真態刻畫始
信天有工我恐畢宏韋偃死葬號山下骨可朽闌心難
窮神機巧思無所發化為煙霏淪石中古來畫師非俗
士摹寫物象畧與詩人同願公作詩慰不遇無使二子

防事生後名奇弄
物在仇心意運不呈纖
巧字句閑有似不字方

含憤泣幽宮

老子聽之不聞名曰希搏之不得名曰微王注松高尺餘四時不改色今義順有之朱景玄歷代畫斷畢宏大曆二年爲給事中畫松石於左省廳壁好事者皆以詩詠之韋偃工老松異石咫尺千尋駢柯攢景樹雙松圖詩天下幾人畫古松畢宏已老韋偃少

陪歐陽公燕西湖

王注穎州西湖

謂公方壯鬢似雪謂公已老光浮頰竭來湖上飲美酒
醉後劇談猶激烈湖邊草木新著霜芙蓉晚菊爭煌煌
插花起舞爲公壽公言百歲如風狂赤松共游也不惡
誰能忍饑寒山藥已將壽天付天公彼徒辛苦吾差樂
城上烏棲暮靄生銀缸畫燭照湖明不辭歌詩勸公飲
坐無桓伊能撫箏

未可同有樂往哀事
二威桓伊弟二用字
夢極新

漢揚雄傳口吃不能劇談宋玉高唐賦玄木冬榮煌煌炎燄韓詩男兒不再壯百
歲如風狂史記張良世家願棄人間事從赤松子游乃學辟穀道引輕身唐陸龜
蒙曰我幾年來忍饑誦經乃食杞菊頤神養壽漢陳遵傳謂張竦曰足下苦身自
約而我放意自恣官爵功名不減於子而差獨樂顧不優邪後漢童謠城上烏尾
畢逋李太白詩姑蘇臺上烏棲時杜牧之詩暮靄生澤樹斜陽下小樓班孟堅西
都賦金缸銜壁注缸燈蓋也晉桓伊傳王國寶謝安女壻安惡其為人每抑制之
國寶詭譎行於主相之間嫌隙遂成武帝召桓伊飲安侍坐命伊吹笛一弄乃請
以箏歌伊撫箏而歌怨詩曰爲君旣不易爲臣良獨難忠信事不顯乃有見疑患
云云聲節慷慨俯仰可觀安泣下霑襟乃越席而就之將其須曰使君於此不凡帝有愧色

十月二日將至渦口五里所遇風畱宿

長淮久無風。放意弄清快。今朝雪浪滿。始覺平野隘。兩
山控吾前。吞吐久不暇。楚快切孤舟繫桑本。終夜舞澎湃。舟
人更傳呼。弱纜恃營蒯。平生傲憂患。久矣恬百怪。鬼神
欺吾窮。戲我聊一噫。餅中尚有酒。信命誰能戒。

卷之九

初八日

孟郊詩寒江浪起千堆雪禮記母暵鄭氏注暵謂一舉盡鬻左傳齊高固入晉師桀石以投人禽之乘其車繫桑本焉漢司馬相如上林賦洶涌澎湃左傳詩曰雖有絲麻無棄菅蒯韓退之感二鳥賦雖得之而不能乃鬼神之所戲莊子齊物論大塊噫氣其名爲風又見本卷船上小詩注

出潁口初見淮山是日至壽州

東坡嘗縱筆書此詩且題云予年三十六赴杭

倅過壽作此詩今五十九南遷至虔煙雨淒然頗有當年氣象也墨蹟在吳興秦氏集作平淮墨蹟作長淮今從墨蹟

我行日夜向江海楓葉蘆花秋興長長

一作淮忽迷天遠

近青山久與船低昂壽州已見白石塔短棹未轉黃茆

岡波平風軟望不到故人久立煙蒼茫

白樂天山鷓鴣詩黃茆岡頭秋日晚苦竹嶺上寒月低杜牧之詩

河橋酒旆風軟候館梅花雪嬌杜樂游園歌獨立蒼茫自詠詩

壽州李定少卿出餞城東龍潭上

山鴉噪處古靈湫亂沫浮涎遶客舟未暇然犀照奇鬼

家如松竹待詩別後
古板

欲將燒燕出潛蚪使君惜別催歌管村巷驚呼聚攷猴
此地他年頌遺愛觀魚并記老莊周

延平志苦竹潭在尤溪縣西潭有五龍人常見之有魚者棹舟潭上龍吐涎沫舟
膠不能進音溫嶠然犀事注見第二卷呂氏春秋梁園之北黎丘有奇鬼焉善效
人之子姪弟昆好扶邑之丈人而道苦之張華博物志燒燕肉而致龍物顯相感
志龍之爲性麤猛而畏鐵愛玉及空青而嗜燒燕肉故食燕肉之人不可渡江海
潛蚪注見第一卷左傳子產卒仲尼聞之
出涕曰古之遺愛也莊周觀魚注見本卷

濠州七絕

塗山

公自注下有鯀廟山前有禹會村唐地理志濠
州鍾離縣有塗山九域志當塗城塗山氏之邑

川鎖支祁水尚渾地埋汪罔骨應存樵蘇已入黃熊廟

烏鵲猶朝禹會村

古岳瀆經禹埋淮水三至桐柏水功不能興禹怒召集百靈搜命九杻乃獲淮渦
水神名無支祁善應對言語辨淮之淺深原隰之遠近形若猿狖縮鼻高頤青軀

白首金目雪牙頸伸百尺力輸五象搏擊騰超疾奔輕利倏忽之間視之不可久
禹授之同律同律不能制授之烏木田烏木田不能制授之庚神庚神遂頸鎖大
鐵鼻穿金鈴徒淮之陰龜山之足淮水乃安流注於海李肇國史補永泰初楚州
有漁者於淮中釣得古鎖不絕以告刺史李陽大集人力引之鎖窮有獼猴躍復
沒國語禹致羣臣於會稽之山防風氏後至殺而戮之其骨節專車防風汪罔氏
之君也罔一作芒鄴道元水經注引春秋左傳哀公七年大夫對孟孫曰禹會諸
侯於塗山執玉帛者萬國杜預注塗山在壽春東北今濠州是蘄按柳子厚塗山
銘塗山巖巖界彼東國亦指在濠州而吳越春秋則以塗山在會稽應劭云塗山
在永興北說者謂即今會稽蕭山縣至於蘇鶚演義又云塗山有四一會稽二渝
州三濠州四當塗顧其處皆有禹迹未詳孰是姑並著之漢韓信傳樵蘇後爨顏
師古曰樵取薪蘇取草左傳堯殛鯀於羽山其
神化為黃熊國語作黃熊能奴來切三足龍也

彭祖廟

公自注有雲母山
云彭祖所採服也

跨歷商周看盛衰欲將齒髮鬬地龜空餐雲母連山盡
不見蟠桃著子時

神仙傳彭祖帝顓頊玄孫姓錢名鏗歷夏至商已七百餘歲而不衰又云彭鏗善
補導之術并服術桂雲母分藥角常有少容冀武故事武帝七月七日與王母會

遺帝蟠桃七大如彈丸帝留核欲種母曰此桃三千年一生實何可待也博物志亦云

逍遙臺

公自注莊子祠堂在開元寺即墓為堂

常怪劉伶死便埋豈伊忘死未忘骸烏鳶奪得與螻蟻

誰信先生無此懷

晉劉伶傳常乘鹿車攜一壺使人荷鋪隨之曰死便埋我莊子列御寇篇莊子將死弟子欲厚葬之莊子曰在上為烏鳶食在下為螻蟻食奪彼與此何其偏也

觀魚臺

九域志濠州有莊子觀魚亭

欲將同異較錙銖肝膽猶能楚越如若信萬殊歸一理

子今知我我知魚

陸士衡文賦考殿景於錙銖鄭玄禮記注八兩為錙漢律曆志二十四銖而成兩莊子德充符篇仲尼曰自其異者視之肝膽楚越也自其同者視之萬物皆一也淮南子料酌萬殊陸士衡文賦體有萬殊物無二量莊子秋水篇莊子與惠子游於濠梁之上莊子曰儻魚出遊從容是魚樂也惠子曰子非魚安知魚之樂莊子

曰子非我安知我不知魚之樂又曰既已知吾知之而問我我知之濠上也互見本卷讀杜詩注

虞姬墓

九域志陰陵城項羽迷失道於此蓋虞姬死所

帳下佳人拭淚痕門前壯士氣如雲倉黃不負君王意

只有虞姬與鄭君

漢鄭當時傳其先鄭君嘗事項籍籍死而屬漢高祖令故項籍臣名籍鄭君獨不奉詔詔盡拜名籍者為大夫而逐鄭君

四望亭

公自注太和中刺史劉嗣之立李紳以太子賓客分司東都過濠為作記今存而亭廢者數年矣

顏垣破礎沒柴荆故老猶言短李亭敢請使君重起廢落霞孤鶩換新銘

唐李紳傳為人短小精悍於詩最有名時號短李白樂天詩閑吟短李詩又借教

短李作歌行史記太史公自序孔子修舊起廢王勃滕王閣記落霞與孤鶩齊飛

秋水共長

天一色

浮山洞

公自注洞在海上裏濤不能及而冬不加高故人疑其浮也

人言洞府是鼇宮升降隨波與海通共坐船中那得見

乾坤浮水水浮空

列子湯問篇渤海之東有大壑焉實惟無底之谷其中有五山焉一曰代輿二曰員嶠三曰方壺四曰瀛洲五曰蓬萊五山之根無所連著常隨潮波上下往還不得暫峙焉仙聖毒之訴之於帝帝使巨鼇十五舉首而戴之晉天文志天地各乘氣而立載水而行故黃帝書曰天在地外水在天外水浮天而載地者也杜洞庭

詩乾坤

日夜浮

泗洲僧伽塔

公自記泗洲大聖傳云和尚何國人也又曰世莫知其所從來云不知何國人也近讀隋書西域傳

乃有何國余在惠州忽被命責儋耳太守方子容自攜告身來且語余曰此固前定無可恨吾妻沈素事僧伽謹甚一夕夢和尚告別沈問所往答云當與蘇子瞻同行後七十二日當有命今適七十二日矣豈非前定乎予以謂事之前定者不待夢而知然予何人也而和尚辱與同行得非夙世有少緣契乎參寥有詩誌此事

我昔南行舟繫汴逆風三日沙吹面舟人共勸禱靈塔
香火未收旗腳轉回頭頃刻失長橋卻到龜山未朝飯
至人無心何厚薄我自懷私欣所便耕田欲雨刈欲晴
去得順風來者怨若使人人禱輒遂造物應須日千變
我今身世兩悠悠去無所逐來無戀得行固願畱不惡
每到有求神亦倦退之舊云三百尺澄觀所營今已換
不嫌俗士汗丹梯一看雲山遶淮甸

漢衛青傳大風起沙礫擊面杜詩步壑風吹面泗州圖經龜山水陸院在城東三
十里宋元嘉中文帝遣臧質拒魏太武於此山築長城造浮橋絕水路韓退之送
僧澄觀詩僧伽後出淮泗上勢到衆佛尤魁奇清淮無波平如席欄柱傾扶半天
赤火燒水轉掃地空突兀便高三百尺借問經營本何人道入澄觀名籍籍孔稚
圭北山移文請回俗士駕謝靈運疑鄭中詩羈步凌丹梯

龜山

九域志泗州府
盱縣龜山鎮

我生飄蕩去何求再過龜山歲五周身行萬里半天下

僧臥一菴初白頭地隔中原勞北望潮連滄海欲東游

元嘉舊事無人記故壘摧頽今在不

公自注宋文帝遣將拒魏太武
築城此山按元嘉文帝紀年也

杜子美詩我生苦飄蕩韓退之別知賦將歲行之兩周

十洲記滄海島在北海中水皆滄色仙人謂之滄海

發洪澤中塗遇大風復還

九域志楚州淮
陰縣洪澤鎮

風浪忽如此吾行欲安歸挂帆卻西邁此計未爲非洪

澤三十里安流去如飛居民見我還勞問亦依依攜酒

就船賣此意厚莫違醒來夜已半岸木聲向微明日淮

陰市白魚能許肥我行無南北適意乃所祈何勞弄彭

與潘岳詩同刺文多抑抑
此傷石不語以心爲佳

泝終夜搖牕扉妻孥莫憂色更典篋中衣

晉謝安傳與孫綽等汎海風起浪湧安吟嘯自若舟人猶去不止風轉急安徐曰如此將何歸邪舟人承言即回衆咸服其雅量九歌湘君章使江水兮安流李白詩已水急如箭已船去如飛杜子美詩白魚如切玉又溪友得錢畱白魚一作溪女杜別贊上人詩是身如浮雲安可限南北澎湃注見本卷杜詩朝迴日典春衣韓退之詩篋中有餘衣

十月十六日記所見

風高月暗雲水

一作水雲

黃淮陰夜發朝山陽山陽曉霧如

細雨炯炯初日寒無光雲收霧卷已亭午有風北來寒

欲僵忽驚飛雹穿戶牖迅駛不復容遮防市人顛沛百

賈亂疾雷一聲如頽牆使君來呼晚置酒坐定已復日

照廊悅疑所見皆夢寐百種變化旋消亡其言蛟龍默

舊穴魚鼈隨徙空陂塘愚儒無知守章句論說黑白推
何祥惟有主人言可用天寒欲雪飲此觴

九域志楚州山陽郡淮陰縣在州西四十里漢于定國傳永光元年春霜夏寒日
青無光白樂天詩白日冷無光黃河凍不流莊子齊物論疾雷破山韓退之詩天
昏地黑蛟龍移雷驚電激雄雌隨清泉百丈化為土魚鼈枯死吁可悲漢張湯傳
博士狄山曰和親便上問湯湯曰此愚儒無知夏侯勝傳字句小儒破碎大道漢
五行志言之不從則有白青白
祥聽之不聽則有黑青黑祥

廣陵會三同舍各以其字為韻仍邀同賦

劉貢父

劉貢父名敞公有送劉敞倅海陵詩見本卷
錢公輔字君倚時正在郡賢主人謂君倚也

去年送劉郎醉語已驚眾如今各漂泊筆硯誰能弄我
命不在天羿殼未必中作詩聊遣意老大慵譏諷夫子
少年時雄辯輕子貢爾來再傷弓戢翼念前痛廣陵三

日飲相對悅如夢况逢賢主人白酒撥春甕竹西已揮
手灣口猶屢送羨子去安閒吾邦正喧闐

韓退之寄盧仝詩往年弄筆嘲同異怪辭驚眾謗不已莊子德充符游於羿之數
中中央者中也然而不中者命也史記孔子弟子傳子貢利口巧辭孔子常黜
其辯杜欽中八仙歌焦遂五斗方卓然高談雄辯驚四筵荀子傷弓之鳥見曲木
而驚毛詩鴛鴦在梁戢其左翼戰國策有鴻鴈從東方來東顧引弓虛發而下之
魏王曰射可至此乎史記曰此孽也其飛徐而鳴悲故倉未息而驚心未去也聞
弦音烈而高飛故落隕也九域志揚州廣陵郡杜羔村詩夜闌更秉燭相對如夢
寐杜牧之禪智寺詩誰知竹西路歌吹是揚州灣口見揚州地志烏臺詩話云熙
寧四年十一月赴杭州通判寄劉放詩云吾邦正喧闐言杭州監司所聚初行新
法事多不便

孫巨源

孫巨源名洙廣陵人在陳阮時王介甫行新法多逐諫
官御史巨源心知不可而鬱鬱不能有所言但懇乞補

外知海州既會於此東坡與劉貢父劉莘老皆坐論新法以去
巨源既同舍雅相厚又居諫官而此詩云終歲不及門則異趣

可見又用柳子厚主孫獫事終

以巨源絕交之句其責之深矣

三年客京輦憔悴難具論揮汗紅塵中但隨馬蹄翻人
情貴往返不報生禍根坐令平生友終歲不及門南來
實清曠但恨無與言不謂廣陵城得逢劉與孫異趣不
兩立譬如王孫猿吾儕久相聚恐見疑排報我編類中
散子通真巨源絕交固未敢且復東南奔

史記蘇秦傳揮汗成雨班孟堅西都賦紅塵四合煙雲相連柳子厚憎王孫文猿
王孫居異山德異性不能相容猿之德靜以常王孫之德躁以驚雖羣不相若也
漢灌夫傳竇嬰失執亦欲倚夫引繩排根生至慕之後稷者孟康曰報音痕欲引
繩以彈排擯根格之也晉嵇康傳初婚魏宗室拜中散大夫康作幽憤詩曰惟此
褊心顯明臧否又與山濤絕交書云足下旁連多可而少怪書見文選
山濤字巨源沈傳師嶽麓寺詩承明年老轉自論乞得湘守東南奔

劉莘老

劉莘老名肇福論新法章數上中丞楊繪亦言其非安
石使曾布作十難折之仍詰兩人向背好惡之情繪懼

謝罪莘老獨奮曰爲人臣豈可壓於權執使天子不知利害之
實卽條對所難以伸其說又云若謂向背則臣所向者義所背

者利所向者君父所背者權臣安石大怒將竄嶺外上不聽請
監衡州鹽倉初安石黨友傾一時造作言語以爲幾於聖人至
是遂以其學亂天下先生詩
士方在田里云云謂此也

江陵昔相遇幙府稱上賓再見明光宮裁冠挹全搢紳

如今三見子坎坷爲逐臣朝游雲霄間欲分丞相茵莫

落江湖上遂與屈子隣了不見喜慍子豈真可人邂逅

成一歡醉語出天真士方在田里自比渭與莘出試乃

大謬芻狗難重陳歲晚多霜露歸耕當及辰

三詩互有相同作此水
本有體字用筆
之而互

唐地理志江陵本荊州南郡天寶元年更郡名爲江陵傳上功幙府晉郗超傳謝
安曰郗生可謂入幙之賓莘老嘗在荊州幕府故去漢武故事上起明光宮發燕
趙美女二千人充之杜子美詩明光起草人所羨漢丙吉傳馭吏醉嘔丞相車上
吉曰第忍之不過汚丞相茵耳漢酈更周陽山傳同車未嘗敢均茵伏轡退之
赴江陵詩朝爲青雲士暮作白首囚英辭離騷序遷之江南晉嵇康傳王戎自言
與康爲山陽二十年未嘗見其喜慍之色桓溫傳嘗經王敦墓曰何人何人特國

晝事乃有大謬不然者莊子天運篇芻狗之未陳也盛以篋衍巾以文繡尸祝齋
戒以將之及其已陳也行者
踐其首舂蘇者取而爨之

施註蘇詩卷之三

三

施註蘇詩卷之四

漫堂先生宋 肇

閱定

長洲顧嗣立

毗陵邵長蘅

刪補

樸園先生張榕端

商丘宋 至

詩四十七首

起自京口之錢塘以是年十一月抵任通守錢塘作

游金山寺

南唐僧應之頭陀巖記金山昔名浮玉因裴頭陀江際獲金貞元二十一年節帥李錡奏易名金山

我家江水初發源宦游直送江入海聞道潮頭一丈高

天寒尚有沙痕在中冷南畔石盤陀古來出沒隨濤波

試登絕頂望鄉國江南江北青山多羈愁畏晚尋歸楫

山僧苦雪看落日微風萬頃韓文細斷霞半空魚尾赤

八手即伏法云
首尾僅屬四章以新
健昂雄而河闊甚闊

是時江月初生魄二更月落天深黑江心似有炬火明

飛焰照山棲鳥驚悵然歸臥心莫識非鬼非人竟何物

公自注晝夜所見如此江山如此不歸山江神見怪驚我頑我謝江神

豈得已有田不歸如江水

修至山棲作有兩居
據如屋宿安處上
乃係修山如北枕舍
中一段如修宿修

郭景純江賦惟岷山之道江初發源乎溫陽漢地理志岷山注云在蜀郡公蜀人也故云我家張又新水經揚子江心中冷水第一寶羣金山寺詩西江中冷波四截湧出一峰青嵯峨毛詩魴魚賴尾注賴赤色也尚書厥四月哉生明又哉生魄注哉始也始生明月三日也始生魄十六日也禮記月三日而成魄魄月質也韻表異物志海中遇陰晦波如然火滿海以物擊之迸散如星火有月即不復見木玄虛海賦云陰火潛然豈謂此乎左傳僖二十四年晉文公謂咎犯曰所不與舅氏同心者有如白水三國孫權傳魏文帝詔曰此言之誠有如大江

自金山放船至焦山
潤州圖經焦山焦先所隱故以為名

金山樓觀何耽耽撞鐘擊鼓聞淮南焦山何有有修竹

一作修竹修竹古竟月
末賊金山寺極意着意
正江陰府北遠觀卷三南
將萬里程幸生幸一幸
道長恰如中岷山導江至
北江門宿宿入卷一
江中問望仰園內修竹
霸望江心瑞雲看尾修
思及江初見怪而修以
胆思修奇之修是通以
言想見登眺徘徊俯
視一切

前年已至山結使少年
借仰僧生情布局初
有折折語二腔四

老山作已極遠為時遠
移進山作只當見國能情
累修以相前結亦以開
實不暇後要各言不退寧
此食則又為高蒲有田不
归江山水進一解矣

仍係到本題

採薪汲水僧兩三。雲霾浪打人迹絕。時有沙戶祈春蠶。

公自注吳人謂水。中可田者為沙。我來金山更畱宿。而此不到心懷慙。同游

盡返決獨往。賦命窮薄輕。江潭清晨無風浪。自湧中流

歌嘯倚半酣。老僧下山驚客至。迎笑喜作巴人談。公自注

老中江人也。自言久客忘鄉井。只有彌勒為同龕。困眠得就紙

帳暖飽食未厭山。蔬甘山林饑臥古亦有。無田不退寧

非貪展禽雖未三。見黜叔夜自知七。不堪行當投効謝

簪組為我佳。虎畱茆菴

張平子西京賦大厦耽耽晉夏統傳甲夜之初撞鐘擊鼓。楞嚴經食辦擊鼓眾集
撞鐘揚雄傳橫江潭而漁列女傳趙津消女中流為簡子發河激之歌法帖褚遂
良書久棄塵滓與彌勒同龕一食清齋六時禪誦。叔夜絕交書有必不堪者七
甚不可者三。後漢崔駰傳祖篆辭甄豐辟命投効而歸。又周黃徐姜傳序閔仲叔

世稱節士建武中應侯霸之辟既至霸不及政事徒勞苦而已遂辭出投劾而去注案罪曰劾自投其劾狀而去也

甘露寺

潤州圖經甘露寺在北固山上唐寶曆中李德裕建公自注欲遊甘露寺有二客相過遂與偕行寺有石如羊相傳

謂之很石云諸葛亮孔明坐其上與孫仲謀論曹公也大鐵鑊二案銘梁武帝所鑄畫師子一菩薩二陸探微筆衛公所畱祠堂在寺手植柏合抱矣近寺僧發古殿基得舍利七粒并石記乃衛公為穆宗皇帝造福所葬者也

以序記體行與字以
國詩同江首尾定體
而力長篇式

樓字在後者商鞅換
三折以償者公注

江山豈不好獨游情易闌但有相攜人何必素所歡我
欲訪甘露當途無閑官二子舊不識欣然冒聯鞍古郡
山為城層梯轉朱欄樓臺斷崖上地窄天水寬一覽吞
數州山長江漫漫卻望大明寺惟見煙中竿很石臥庭
下穹隆如伏獬緬懷臥龍公挾策事瑯嶞一談收獅子
再說走老瞞名高有餘想事往無畱觀蕭公古鐵鑊相

是漢盤科開城會同
呂氏誤倒持遂成此
病

所得滿星凡六萬次
有極東個碑之文亦誤
有極東

對空團團陂陀受百斛積雨生微瀾泗水逸周鼎渭城
辭漢盤山川失故態怪此能獨完僧繇亦化人霓衣挂
冰紈隱見十二疊觀者疑夸謾破板陸生畫青猊戲盤
跚上有二天人揮手如翔鸞筆墨雖欲盡典刑垂不刊
赫赫贊皇公英姿凜以寒古柏手親種挺然誰敢干枝
撐雲峰裂根入石窟蟠薙草得斷碑斬崖出金棺瘞藏
豈不牢見伏理可歎四雄皆龍虎遺迹儼未刊方其盛
壯時爭奪百少安廢興屬造物遷逝誰控搏况彼妄庸
子而欲事所難古今共一軌後世徒辛酸聊興廣武歎
不待雍門彈

漢張耳傳如平注歎徐鉉吳錄太祖入廣陵造大明寺輿地志石羊巷在城南吳時孫氏縣道也劉備諸孫權權與俱獵因醉各據一羊羅隱石羊詩紫髯桑蓋此沉吟很石猶存事可尋三國諸葛亮傳徐庶謂先主曰孔明臥龍也文選商鞅挾策以鑽孝公吳曆曹公聞孫策平定江東意甚難之常呼猗兒難與爭鋒猗狂犬也三國志魏武帝小字阿瞞潤州類集甘露寺有梁天監中所鑄鑊有銘可驗漢司馬相如傳罷池陂陀下屬江河周鼎泗水注見一卷石鼓詩魚豢魏略景初元年徙長安鐘虞駱駝銅人承露盤盤折銅人重不可致留於霸城李賀金人辭漢歌檣盤獨出月荒涼渭城已遠波聲小潤州類集甘露寺有張僧繇畫菩薩列子周穆王之時西極之國有化人來後漢章帝紀詔齊相省冰紬注紬素也冰言鮮潔如冰范蔚宗官者論冰紬霧縠之迹盈物珍藏潤州類集甘露寺有陸探微畫後祝注詳一卷開元寺詩史記平原君傳民家有甃者盤跚行汲杜子美畫鶴詩畫色久欲盡蒼然猶出塵唐李德裕傳初封贊皇縣伯潤州類集甘露寺今有李德裕祠堂畫像及所植檜周禮雜氏掌殺草注薙翦也玉壺清話潤州甘露寺熙寧四年春江中漁者見神光累夕起於溺廁間一日其廟無故自圯長老應夫再營之方築基艱主去地數尺一礎覆土中刻曰有唐太和三年正月二十四日於上元縣禪衆寺舊塔基下獲舍利石函以其年二月十五日重瘞藏於丹徒縣甘露寺東塔下金棺一銀槨一錦襪九重時余之旆也余創甘露寺寶劍重瘞舍利以資穆皇之冥福也江浙西道觀察等使兼潤州刺史李德裕記四雄諸葛武侯吳大帝梁武帝李衛公也漢韓信傳刻印初忍不能予初五九反注手弄角詭也杜子美贈高丘師兄詩漠漠世界黑區區爭奈紫雲質遺散武平無壽也今大

有極忽然爲人兮何足挂擗漢齊王傳人謂魏勃勇妄庸人耳晉阮籍傳常登廣武觀楚漢戰處歎曰時無英雄使豎子成名東坡志林昔先友史經臣彥輔謂余阮籍登廣武而歎豈謂沛公豎子乎余曰非也傷時無劉項也豎子指魏晉閒人耳其後余游甘露寺寺有孔明孫權李德裕遺迹感而賦詩猶此意也今日讀李太白廣武古戰場詩云沈酒呼豎子狂言非至公乃知太白亦誤認嗣宗語與先友之意無異嗣宗雖放蕩本有意於世以魏管多故故一放於酒何至以沛公爲豎子乎相譚新論雍門周以琴見孟嘗君君曰先生鼓琴亦能使文悲乎對曰竊爲足下有所悲千秋萬歲後墳墓生荆棘游童牧豎躑躅而歌其上曰孟嘗君之尊貴亦若是乎於是孟嘗君喟然太息淚承曉而未下雍門周引琴鼓之孟嘗君遂獻飲而就之

次韻子山柳湖感物

憶昔子美在東屯數間茆屋蒼山根嘲吟草木調蠻獠
欲與猿鳥爭啾喧子今憔悴衆所棄驅馬獨出無往還
惟有柳湖萬株柳清陰與子供朝昏胡爲譏評不少借
生意凌挫難爲繁柳雖無言不解慍世俗乍見應慙然

嬌姿共愛春濯濯豈問空腹修蛇蟠朝看濃翠傲炎赫
夜愛疎影搖清圓風翻雪陣春絮亂蠹響啄木秋聲堅
四時盛衰各有態搖落悵驚寒溫南山孤松積雪底
抱凍不死誰復賢

杜穆居東屯詩東屯復溪西一種住清谿來往皆茆屋雷爲稻畦北史蠻獠傳蠻之種類蓋盤瓠之後獠者南蠻之別種左傳詩曰雖有姬姜無處蕉萃會稽典錄孔融與曹公書今之少年喜謗前輩或能譏評孝章韓昌黎外集送浮屠令縱西遊序譏評文章商較人士史記荆軻傳願王少假借之晉主余傳恭美姿儀或目之云濯濯如春月柳白樂天悟真寺詩根株抱石長屈曲蟲蛇蟠晉列女傳謝道韞詠雪云未若柳絮因風起

送蔡冠卿知饒州

冠卿與安石議刑名不合遂補外得饒州公送行詩意蓋在此

吾觀蔡子與人游掀脰笑語無不可平生儻蕩不驚俗

臨事迂闊乃過我橫前坑穽衆所畏布路金珠誰不裹

爾來變化驚何速昔號剛強今亦頗憐君獨守廷尉法
晚歲卻理鄱陽施莫嗟天驥逐羸牛欲試良玉須猛火
世事徐觀真夢寐人生不信長轆轤知君決獄有陰功
他日老人疇魏顆

漢史丹傳貌若儻蕩不備然心甚謹密注儻蕩疎誕無檢也左傳襄公三十年鄭
伯有夜飲朝至未已朝者皆自朝布路而罷漢百官公卿表廷尉秦官掌刑辟秩
千石張釋之傳釋之爲廷尉曰廷尉天下之平也壹傾天下用法皆爲之輕重杜
子美短歌行君今理旌春江流又錦樹行青草萋萋盡枯死天驥跛足隨羸牛東
方朔七諫服罷牛而駮驥淮南子終山之玉灼以燼炭三日三夜色澤不變得天
地之精也白居易詩試玉要燒三日滿楞嚴經卻來觀世間猶如夢中事古詩無
爲守窮賤轆轤長苦辛漢于定國傳父于公曰我治獄多陰德木常有所免子孫
必有興者左傳宣十五年魏顆從父治命嫁其嬖妾及輔氏之役顆見老人結草
以亢杜回回躡而顛故獲之夜夢曰余而所嫁婦人之父也爾用先人治命余是
以報王注先生詩余自言以譏當今朝廷進用之人有逆其意者則設坑穽以陷
之有順其意者則以利誘之如以金玉布於道路

次韻楊褒早春

楊褒字之美嘉祐末爲國子監直講治平間出通判潁州好收法書蔡君謨多從借獨歐陽公

見其女奴彈琵琶有詩云嬌兒兩幅青布裙三腳木牀坐調曲奇書古畫不論價盛以錦囊裝玉軸亦可見其人也

窮巷淒涼苦未和君家庭院得春多不辭瘦馬騎衝雪
來聽佳人唱踏莎破恨徑須煩麴蘖增年誰復怨羲娥
良辰樂事古難竝白髮青衫我亦歌細雨郊園聊種菜
冷官門戶可張羅放朝三日君恩重睡美不知身在何

漢陳平傳家乃負郭窮巷樂府曲名有踏沙行世說孔羣與親舊書今年田得七
百斛秫不了麴蘖事韓退之贈崔立之詩高士例須憐麴蘖山海經東南海外甘

泉之間有羲和國有女子曰羲娥是生十日常浴日於甘泉謝靈運擬鄴中詩序
天下良辰美景賞心樂事四者難并白樂天詩白髮更添今日鬢青衫猶是去年

身杜子美有小園種秋菜詩又醉時歌廣文先生官獨冷漢鄭當時傳下邳翟公
爲廷尉賓客填門及廢門外可設爵羅白樂天詩歸騎紛紛滿九衢放朝三日爲

泥塗杜偁八行曉來急雨

春風顛睡美不聞鐘鼓傳

初到杭州寄子由二絕

眼看時事力難勝，貪戀君恩退未能。
遲鈍終須投劾去，

使君何日換龍丞？

漢翟方進傳號遲頓不及事注頓讀白鈍投劾注見本卷焦山詩漢黃霸傳許丞
老病辭督郵白欲逐之霸曰許丞雖老尚能拜起送迎正煩重聽何傷公烏臺詩
話載初任杭州寄子由詩云眼看時事力難勝貪戀君恩退未能
意謂新法青苗助役等事煩雜不可辦亦言已材不能勝任也

聖明寬大許全身，衰病摧頽自畏人。
莫上岡頭苦相望，

吾方祭竈請比隣。

白樂天詩閑默向隅心摧頽觸籠翅魏文帝雜詩客子常畏人詩國
風陟彼岡兮瞻望兄兮漢孫寶傳署御史主簿徙入舍祭竈請比隣

次韻柳子玉二首

地爐

細聲蚯蚓發銀瓶擁褐橫眠天未明衰鬢鑷殘欹雪領
壯心降盡倒風旌自稱丹竈鎔銖火倦聽山城長短更
聞道牀頭唯竹几夫人應不解卿卿

公自注俗謂竹几為竹夫人

韓石鼎聯句詩時於蚯蚓竅微作蒼蠅鳴杜牧之詩金鑷沉香額鄭愚津陽門詩笑云鮐老不為禮飄蕭雪領霜垂頤詩召南我心則降蘇秦傳齊王曰寡人心搖搖然如縣旌王東野京山行此時游子心百尺風中旌朝野僉載韋莊稱炭而爨多少一鬻必覺之江文通別賦守丹竈而不顧大還丹祕契圖凡一斤藥有十六兩每兩有二十四銖從冬至建子日辰起火分兩鎔銖相應世說王安豐婦卿安豐豐曰婦人卿婿於禮不敬答曰我親卿愛卿是以卿卿

紙帳

亂文龜殼細相連慣臥青綾恐未便潔似僧巾白疊布
暖於蠻帳紫茸氈錦衾速卷持還客破屋那愁仰見天
但恐嬌兒還惡睡夜深踏裂不成眠

傳婆利國有吉貝草緝花以作布細者名為白疊杜子美贊公房詩細軟青絲履
光明白氎巾又張舍人遺襦段詩錦衾卷還客始覺心和平韓退之寄盧仝詩破
屋數間而已矣神仙傳董奉居豫章時大旱縣令丁士彥請致雨奉曰雨易得耳
貧道屋皆見天恐雨至何堪令曰先生但致雨當為架好屋屋成暮
乃大雨杜茅屋為秋風所破歎布衾多年冷似鐵嬌兒惡臥踏裏裂

臘日游孤山訪惠勤惠思二僧

孤山在西湖上惠勤餘杭人東坡通守錢塘見

歐陽文忠公於汝陰而南公曰西湖僧惠勤甚文而長於詩子求人於湖山間而不可得則往從勤乎東坡到官三日訪勤於孤山之下遂

賦此詩

天欲雪。雲滿湖樓臺。明滅山有無。水清出石_{一作石出}魚可數。
林深無人鳥相呼。臘日不歸對妻孥。名尋道人實自娛。
道人之居在何許。寶雲山前路。盤紆孤山孤。絕誰可廬。
道人有道山不孤。紙牕竹屋深自暖。擁褐坐睡依圓蒲。

冬夢初起陽月秋
音節之妙初合目上
不容湊泊其源者予
方東府

与保見鳥帽之原
皆一種寫法

後山詩是二字一偏
之六者字字極佳連
之景以清林深遠攝
行山路即生其屋者
生睡之語固宜於僕
去程為四時山景
日時晴宜為入畫野
鶴肉於多而亦宜上
送離正起身內相打
與之語界上語之自
娛而適人有道之
已於言外得之相之
仙何而能事於此願
唐極

天寒路遠愁僕夫。整駕催歸及未晡。出山迴望雲木合。
但見野鶻盤浮圖。茲游淡薄歡有餘。到家恍如夢蘧蘧。
作詩火急追亡逋。清景一失後難摹。

杜子美兩詩明滅洲景微隱見巖姿露王維詩江流天地外山色有無中漢薛宣
傳宣為左馮翊出教曰日至吏以令休掾宜從眾歸對妻子設酒肴請隣里壹共
相樂笑全笑圖經云寶雲寺乾德二年吳越王錢氏建寺有寶雲庵山沈休文詩
野徑既盤紆荒阡亦交互韓退之詩喚起牕全曙催歸日未西柳子厚浮圖鶻說
有鶻曰鶻穴于長安薦福浮圖有年矣莊子齊物論昔者
莊周夢為胡蝶栩栩然胡蝶也俄然覺則蘧蘧然周也

李杞寺丞見和前篇復用元韻荅之

獸在藪魚在湖。一入池檻歸期無。誤隨弓旌落塵土。坐

使鞭箠環呻呼。追胥連保罪及孥。

公自注近屢獲鹽賊
皆坐同保徙其家

百日愁

歎一日娛白雲舊有終老約。朱綬豈合山人紆。人生何

者非蘧廬故山鶴怨秋猿孤何時自駕鹿車去掃除白
髮煩菖蒲麻鞋短後隨獵夫射弋狐兔供朝晡陶潛自
作五柳傳潘閔畫入三峰圖吾年凜凜今幾餘知非不
去慙衛蘧歲荒無術歸亡遁鵠則易畫虎難摹

列子昔者夢爲人僕數罵杖撻無不致也眠中發覺呻呼徹旦息焉周禮小司徒
之職以比追胥以令貢賦揚子紆朱懷金唐李泌傳肅宗在靈武泌入議國事出
陪乘輿衆指曰著黃者聖人著白者山人也因賜金紫莊子天運篇仁義先王之
蘧廬也止可一宿而不可以久處孔稚圭北山移文蕙帳空兮夜鶴怨山人去兮
曉猿驚風俗通鹿車窄小裁容一鹿晉劉伶傳常乘鹿車神仙傳九疑仙人見武
帝云聞有石菖蒲一寸九節可以服食卻老故來採耳杜子美丈人山詩掃除白
髮黃精在又述懷詩麻鞋見天子莊子說劍篇曼胡之纓短後之衣漢張騫傳堂
邑父善射窮急射禽獸給食晉陶潛著五柳先生傳以自況潘閔觀華山詩高愛
三峰插太虛回頭仰望倒騎驢魏野詩從此華山圖帳裏更添潘閔倒騎驢郭緣
生述征記華山有三峰直上數千仞古詩凜凜歲云暮淮南子蘧伯玉年五十而
有四十九年非何者先者難爲知而後者易爲改也莊子則陽篇蘧伯玉行年六
十而六十化未嘗不始於是之而卒訕之以非也未知今之所謂是之非五十九

非也後漢馬援傳戒兄子嚴敦書曰効龍伯高不得猶爲謹敕之士所謂刻鵠不成尚類鶩者也効杜季良不得陷爲天下輕薄子所謂畫虎不成反類狗者也公烏臺詩話誤隨弓旌落塵土坐使鞭箠環呻呼以譏諷朝廷新法行後公事鞭箠之多也追胥保伍罪及孥百日愁歎一日娛以譏諷朝廷鹽法收坐妻子移鄉法太急也歲荒無術歸亡逋鵠則易畫虎難摹意取馬援言畫鵠不成猶類鶩畫虎不成反類狗言歲旣饑荒我欲出奇畫賑濟又恐朝廷不從乃似畫虎不成反類狗也

再和

東望海西望湖山平水遠細欲無野人疎狂逐漁釣刺
史寬大容歌呼君恩飽暖及爾孥才者不閑拙者娛穿
巖度嶺腳力健未厭山水相縈紆三百六十古精廬出
游無伴籃輿孤作詩雖未造藩閫破悶豈不賢撝蒲君
才敏瞻兼百夫朝作千篇日未晡竭來湖上得佳句從
此不看營丘圖知君篋櫝富有餘莫惜錦繡償菅蘆窮

多鬪險誰先通賭取名畫不用摹

唐王維傳維善畫山水平遠雲勢石色繪工以爲天機所到漢百官表武帝元封五年初置部刺史掌奉詔條察州景帝中二年更名郡守曰太守唐百官志武德元年改太守曰刺史漢曹參傳相舍後園近吏舍吏舍日飲歌呼參聞迺反取酒張坐飲大歌呼與相和白樂天詩歷想爲官日無如刺史時歡娛接賓客飽暖及妻兒杭州圖經附郭二邑所管寺院內錢塘二百七十仁和六十五合三百三十五所外七邑不與焉晉陶潛傳王弘問其所乘荅云素有脚疾向乘籃輿亦足自反乃令一門生二兒共輦至州元稹杜甫墓誌詩人以來未有如子美者李白尚不能廢其藩翰况堂與乎博物志老子入胡作搏蒲宋高祖紀桓玄曰劉毅家無儋石之儲搏蒲一擲百萬南史柳惲傳武帝嘗曰分其才藝足了十人韓退之贈崔立之詩朝爲百賦猶鬱鬱暮作千詩轉迢迢後漢張衡思玄賦迴志竭來從玄謀獲我所求夫何思各畫錄李成工山水營丘人也世號李營丘韓退之畫記獨孤生申叔者始得此畫而與余彈碁余幸勝而獲焉明年至河陽座有趙侍御者見之慨然進曰噫余之所手摹也

游靈隱寺得來詩復用前韻

君不見錢塘湖錢王壯觀今已無屋堆黃金斗量珠運

盡不勞折簡呼四方宦游散其孥宮闕畱與閒人娛盛
衰哀樂兩須臾何用多憂心鬱紆谿山處處皆可廬最
愛靈隱飛來孤喬松百丈蒼髯鬚擾擾下笑柳與蒲高
堂會食羅千夫撞鐘擊鼓喧朝晡凝香方丈眠氍毹絕
勝絮被縫海圖清風徐來驚睡餘遂超羲皇傲几蘧歸
時棲鴉正畢逋孤煙落日不可摹

錢塘記唐元和中議築塘防海塘始開募致土石一斛與錢一千來者如雲旬月
而塘成因名錢唐五代史吳越世家錢氏自唐末有國兼有兩浙幾百年宋興俶
朝太祖厚禮遣還國太平興國三年詔俶來朝俶舉族歸於京師國除壬子年拾
遺記後唐郭況庭中起高閣置衡石其上以秤量珠玉閣下有藏金窟列武士衛
之國馬錫泰娘歌斗量明珠鳥傳意晉宣帝紀王凌曰凌若有罪公當折簡召凌
何苦自來帝曰以公非折簡之客故耳十三州記靈隱山青巖晉咸和中有僧登
之歎曰此是中天竺國靈鷲山之小嶺不知何年飛來晉殷浩傳松栢之姿經霜
猶茂蒲柳弱質望秋先零晉王羲之嘗覽書顧愛中王字黃史百或王羲之

遺址壘石爲之玄策躬以手板縱橫量之得十參故號方丈風俗通縑毛襦謂之
氍毹三輔黃圖武帝溫室殿規地以蜀賓氍毹杜子美北征詩海圖折波濤舊縑
移曲折天吳及紫鳳顛倒在短褐晉陶潛傳堂言高臥北牕之下清風颭至自謂
羲皇上人莊子人閒世伏羲几蘧之所行終而况散焉者乎注几蘧古聖君名畢
逋注見三卷陪
歐陽公燕西湖

戲子由

宛丘先生長如丘宛丘學舍小如舟常時低頭誦經史
忽然欠伸屋打頭斜風吹帷雨注面先生不愧傍人羞
任從飽死笑方朔冑爲兩立求秦優眼前勃篋何足道
處置六鑿須天游讀書萬卷不讀律致君堯舜知無術
勸農冠蓋鬧如雲送老齏鹽甘似蜜門前萬事不挂眼
頭雖長低氣不屈餘杭別駕無功勞畫堂五丈容旂旄

重樓跨空雨聲遠屋多人少風騷騷平生所慙今不恥
坐對疲氓更鞭箠道逢陽虎呼與言心知其非口諾唯
居高志下真何益氣節消縮今無幾文章小伎安足程
先生別駕舊齊名如今衰老俱無用付與時人分重輕

宛丘注見前卷史記孔子世家孔子長九尺有六寸人謂長人而異之曲禮君子
父伸撰杖屨潘安仁秋興賦勁風戾而吹唯莊子外物篇室無空虛則婦姑勃僂
心無天游則六鑿相攘南史梁元帝之敗盡焚圖書曰讀書萬卷猶有今日唐沈
全交嘲謂詞評士不讀律博士不尋章韓退之詩致君豈無術自進誠獨難班固
西京賦綬冕所興冠蓋如雲韓退之送窮文太學四年朝薶暮鹽又贈張籍詩吾
老嗜讀書餘事不挂眼晉職官志州郡置刺史別駕治中從事唐地理志杭州餘
杭郡秦始皇本紀作前殿阿房上可以坐萬人下可建五丈旗庾信小園賦風騷
騷而樹急天慘慘而雲低世說王弼見何晏自說注老子旨意晏多所短不復作
聲但應喏喏史記趙世家簡子曰諸大夫朝徒聞唯唯杜子美貽柳少府詩文章
一小伎於道未爲尊公烏臺詩話任從飽死笑方朔肯爲兩立求秦優意取東方
朔傳侏儒飽欲死及滑稽傳優旃謂陞楯郎我雖短幸休居言第家貧官卑而身
才長大所以北東方朔陞楯郎而以當今筮用之人比侏儒優旃也讀書萬卷不

讀律致君堯舜知無術是時朝廷新興律學軾意非之以謂法律不足以致君於堯舜今時又專用法律而忘詩書故言我讀萬卷書不讀法律蓋聞法律之中無致堯舜之術也勸農冠蓋闢如雲送老釐鹽甘似蜜以譏諷朝廷新差提舉官所至苛細生事發摘官吏惟學官無吏責也第輟為學官故有是句平生所慚今不恥坐對疲氓更鞭箠是時多徒配犯鹽之人例皆饑貧言鞭箠此等貧民軾平生所慚今不復恥矣以譏諷朝廷鹽法太急也道逢陽虎呼與言心知其非口諾唯是時張靚俞希旦作監司意不喜其為又然不敢與爭議故致詆之為陽虎也

越州張中舍壽樂堂

熙寧五年簽書公事太子中舍張次山字希元創建張建康人號能吏

青山偃蹇如高人常時不肯入官府高人自與山有素
不待招邀滿庭戶臥龍蟠屈半東州萬室鱗鱗枕其股
背之不見與無同狐裘反衣無乃魯張君眼力覩天奧
能遣荆棘化堂宇持頤宴坐不出門收攬奇秀得十五
才多事少厭閒寂臥看雲煙變風雨筍如玉筍堪如簪

此詩係張中舍所書
體物未盡其美
字曰希元字次山一字能吏

強飲且爲山作主不憂兒輩知此樂但恐造物怪多取
春濃睡足午牕明想見新茶如潑乳

後漢龐公傳居峴山之南未嘗入城府漢張禹傳忽忘雅素注素故舊也臥龍山在越州漢匡衡傳富貴在身而列士不譽是有孤白之表而反衣之也韓退之答孟郊詩規模背時利文字覩天巧莊子漁父篇左手據膝右手持頤以聽維摩經心不住內亦不住外是爲宴坐不斷煩惱而入涅槃是爲宴坐能如是坐者佛所印可三國志龐統傳今拔十失五猶得其半任彦升讓吏部表拔十得五尚曰比肩晉書王羲之曰正賴絲竹陶寫常恐兒輩覺損歡樂之趣莊子天運篇名公器也不可多取茶苑湯少茶多則乳面聚

姚屯田挽詞

京口年來耆舊衰高人淪喪路人悲空聞韋叟一經在
不見恬侯萬石時貧病只知爲善樂逍遙卻恨棄官遲
七年一別真如夢猶記蕭然瘦鶴姿

石君及四子皆二千石乃舉集其門因號萬石君少子慶為相諡恬侯後漢東

平憲王傳顯宗詔曰日者問東平王處家何等最樂王言為善最樂其言甚大副

襄陽耆舊傳漢書韋賢傳鄒魯諺曰遺子黃金滿籬不如教子一經不奮傳景帝
曰石君及四子皆二千石乃舉集其門因號萬石君少子慶為相諡恬侯後漢東
平憲王傳顯宗詔曰日者問東平王處家何等最樂王言為善最樂其言甚大副
是要腹矣王仲宣贈蔡子篤詩風流雲
散別和兩白樂天詩病瘦形如鶴

送岑著作

岑著作梓州人名象求字巖起時以提舉梓州
路常平還蜀故詩云惟應故山夢隨子到吾廬

懶者常似靜靜豈懶者徒拙則近於直而直豈拙歟夫
子靜且直雍容時卷舒嗟我復何為相得歡有餘我本
不違世而世與我殊拙於林閒鳩懶於冰底魚人皆笑
其狂子獨憐其愚直者有時信平聲靜者不終居而我懶
拙病不受砭藥除臨行怪酒薄已與別淚俱後會豈無
時遂恐出處疎惟應故山夢隨子到吾廬

李白送蔡山人詩我本不棄世世人自棄我詩召南鵲巢疏云鳩拙於營巢禮記月令魚上冰蓋未解凍之時魚於冰下自藏也許慎說文砭以石刺病也

吉祥寺賞牡丹

人老簪花不自羞花應羞上老人頭醉歸扶路人應笑
十里珠簾半上鉤

晉謝安傳羊曇嘗因石頭大醉扶路唱樂不覺至西州門杜牧之贈別詩春風十里揚州夢卷上珠簾總不如

吉祥寺僧求閣名

過眼榮枯電與風久長那得似花紅上人宴坐觀空閣
觀色觀空色即空

和劉道原見寄

劉道原事見第三卷送道原歸觀南康詩注

敢向清時怨不容直嗟吾道與君東坐談足使淮南懼

歸去方知冀北空獨鶴不須驚夜旦羣鳥未可辨雌雄
廬山自古不到處得與幽人子細窮

後漢鄭玄傳玄從馬融受業畢辭歸融喟然曰鄭生今去吾道東矣魏志郭嘉傳劉表坐談客耳漢汲黯傳淮南王謀反憚汲黯曰黯好直諫守節死節至說公孫弘如發蒙耳左傳冀之北土馬之所生韓退之送溫造序伯樂一過冀北之野而馬羣遂空淮南子鷄知將旦鶴知夜半詩小雅具曰予聖誰知鳥之雌雄王注先生詩案云以譏當今進用雜亂無分別也

和劉道原詠史

仲尼憂世接輿狂臧穀雖殊竟兩亡吳客漫陳豪士賦
桓侯初笑越人方名高不朽終安用日飲無何計亦良
獨掩陳編弔興廢牕前山雨夜浪浪

莊子駢拇篇臧與穀二人相與牧羊而俱亡其羊問臧則挾策讀書問穀則博塞以游二人者事業不同其於亡羊均也晉陸機傳機吳郡人齊王同矜功自伐受

三石裂刻而不甚

此詩生動若若若子
像有畫神

爵不讓機惡之作豪士賦以刺之史記扁鵲傳姓秦氏名越人與號中廢子論
曰越人之爲方也不待切脈望色聽聲寫形言病之所在又過齊齊桓侯客之入
朝見曰君有疾不治將深桓侯不應及病召扁鵲鵲已逃去桓侯遂死曹大家東
征賦惟令德爲不朽今身既殺而名存杜子美醉時歌名垂萬古知何用漢袁盎
傳盎徙吳相辭行兄子種曰吳王驕日久國多姦南方卑濕絲能日飲亡何說王
母反而已如此幸得脫按絲盜字也韓退之別知賦雨浪浪其不止雲浩浩其常野

和劉道原寄張師民

仁義大捷徑詩書一旅亭相夸綬若若猶誦麥青青腐
鼠何勞嚇高鴻本自冥顛狂不用喚酒盡漸須醒

莊子天運篇古之至人假道於仁託宿於義以游逍遙之墟楚辭離騷夫唯捷徑
以窘步列子仲尼篇處吾之家如逆旅之舍楞嚴經譬如行客投寄旅亭或食或
宿事畢飯裝前途不遑安住漢石顯傳顯與牢梁五鹿充宗結爲黨友諸附倚者
皆得寵位民歌之曰牢邪石邪五鹿客邪印何疊繫綬若若邪莊子外物篇儒以
詩騷發家者詩固有之曰青青之麥生於陵陂生不布筵死何含珠爲秋水篇惠
子相梁莊子往見之或謂惠子曰莊子來欲代子相惠子恐莊子曰鵲得腐鼠鵲
鷂過之曰嚇今子欲以子之梁國而嚇我邪揚子鴻飛冥冥弋人何苦爲公鳥臺
寺記崇寧六年武王杭州通判劉思奇詩三首武王領和云此寺

日進用之人以仁義為捷徑以詩書為安旅但為日經爵祿所誘則信一經以進如莊子所謂儒以詩禮發冢故云交青青也譏口口之願爵位如鳴鳶以腐鼠嚇鵲鵲口溺於利如人之醉於酒酒盡則日醒也

送張職方吉甫赴閩漕六和寺中作

杭州圖經六和寺開寶三年建

太平興國五年改開化寺

羨君超然鸞鶴姿江湖欲下還飛去空使吳兒怨不畱

青山漫漫七閩路門前江水去掀天寺後清池碧玉環

君如大江日千里我如此水千山底

白樂天懷錢舍人詩因詠松雪句永懷鸞鶴姿林世程閩中記閩之人居海陽有七種故謂之七閩秦時閩越王無諸王此地白樂天詩白浪掀天盡日風劉禹錫洛城舊居詩永繞庭臺碧玉環王注六和寺後有池蘇子美所賦金鯉魚是也

雨中遊天竺靈感觀音院

仙謠仙謠盡世有
○利重事之者惟此也
○而手不為其詞

手拂字可謂方略
○而不味頭尤有略

一云國語快而不為

蠶欲老麥半黃前山後山雨浪浪農夫輟耒女廢筐白
衣仙人在高堂

和蔡準郎中見邀游西湖三首

夏潦漲湖深更幽西風落木芙蓉秋飛雪闇天雲拂地
新蒲出水柳映洲湖上四時看不足惟有人生飄若浮
解顏一笑豈易得主人有酒君應留不見錢塘游宦客
朝推囚暮決獄不因人喚何時休

賈誼服賦其生也若浮其死也若休列子黃帝篇自
吾之事夫子友若人也五年之後始一解顏而笑

城市不識江湖幽如與蟬蛄語春秋試令江湖處城市
卻似麋鹿游汀洲高人無心無不可得坎且止來流浮

公卿故舊畱不得遇所得意終年畱君不見執官彭澤
令琴無絃巾有酒醉欲眠時遣客休

莊子逍遙游朝菌不知晦朔蟪蛄不知春秋漢賈誼傳乘流則逝今得坎則止范
傳正李翰林新墓碑偶乘扁舟一日千里或遇勝境終年不移晉陶潛傳性不解
音聲而畜素琴一張絃徽不具郡將候潛逢其酒熟取頭上葛巾漉酒畢
還復著之貴賤造之者有酒輒設潛若先醉便語客曰我醉欲眠卿可去

田閒決水鳴幽幽插秧未遍麥已秋相攜燒筍苦竹寺
卻下踏藕荷花洲船頭斫鮮細縷縷船尾炊玉香浮浮
臨風飽食得甘寢官使細故胷中畱君不見壯士憔悴
時饑謀食渴謀飲功名有時無罷休

禮記月令孟夏之月靡草死麥秋至杜詩踏藕野泥中詩大雅釋之叟叟蒸之浮
浮韓退之簞詩割身甘寢百疾愈賈誼服賦細故華芥兮何足以疑史記孫武傳

吳王曰將
軍罷休

和子由柳湖久涸忽有水開元寺山茶舊無花

今歲盛開二首

太昊祠東鐵墓西一樽曾與子同攜回瞻郡閣遙飛檻
北望檣竿半隱堤飯豆羹藜思兩鵠飲河嘆水賴長蜺
如今勝事無人共花下壺盧鳥勸提

左傳梓慎曰陳太昊之墟也先生志林云余舊過陳州畱七十餘日近城可遊觀者無不至柳湖旁有丘俗謂之鐵墓云陳胡公墓也城濠水往往齒其趾見有鐵鏹之漢翟方進傳字子威初汝南有鴻隙大陂郡以爲饒方進爲相奏罷之王莽時常怙旱鄉中追怨謠曰壤陂誰翟子威飯我豆食羹芋魁反乎覆陂當復誰云者兩黃鵠春秋元命苞虹蜺者陰陽之精雄曰虹雌曰蜺漢昭帝時天雨虹下屬宮中飲井水竭歐陽公詩獨有花上提壺盧勸我沽酒花前傾

長明燈下石欄干長共松杉鬬歲寒葉厚有稜犀甲健
花深少態鶴頭丹久陪方丈曼陀雨羞對先生苜蓿盤

雪裏盛開知有意明年開後更誰看

唐文粹有高邁長明燈頌劉餗唐朝傳記江寧縣寺有晉長明燈歲久火色變青而不熱隋文帝平陳已訝其古至今猶存劉禹錫詩長明燈是前朝焰曾照青青年少時杜子美海棕行龍鱗犀甲相錯落蒼稜白皮十抱人法華經天雨曼陀羅華閬川名士傳薛令之開元中爲右庶子作詩曰朝日上團團照見先生槃槃中何所有苜蓿長欄干上幸東宮見之題其傍曰若嫌松桂寒任逐桑榆暖令之乃謝病

六月二十七日望湖樓醉書五首

黑雲翻墨未遮山白雨跳珠亂入船卷地風來忽吹散

望湖樓下水如天

杜子美茅屋歌俄頃風定雲墨色百樂天悟真寺詩赤日閒白雨又三游洞序水石相薄跳珠濺玉柳子厚詩桂嶺瘴來雲似墨洞庭春盡水如天李賀貝宮夫人詩空光帖受水如天

放生魚鼈逐人來無主荷花到處開水枕能令山俯仰

風船解與月裴回

天禧四年判杭州王欽若奏以西湖為放生池禁捕魚鳥為人主祈福杜詩桃花一簇開無主

烏菱白芡不論錢。亂繫青菰裹綠盤。一作忽憶嘗新會靈

觀滯雷江海得加餐。

周禮籩人之實菱芡栗脯注菱芡也芡雞頭也太史公自序雷滯周南歐陽公食雞頭詩疑祥池鎖會靈園注京師賣五嶽觀雞頭最佳

獻花游女木蘭橈。細雨斜風濕翠翹。無限芳洲生杜若。

吳兒不識楚辭招。

此乃多悅所改

任昉述異記木蘭川在尋陽江七里洲中有魯班刻木蘭舟至今猶在唐皇甫冉詩繫回楓葉岸雷滯木蘭橈張志和漁父詞青篛笠綠蓑衣斜風細雨不須歸楚辭宋玉招魂砥室翠翹挂曲瓊些劉禹錫詩拾羽翠翹翾屈原九歌采芳洲兮杜若將以遺兮下女杜子美詩夢歸歸未得不用楚辭招

未成小隱聊中隱。可得長閑勝暫閑。我本無家更安往。

故鄉無此好湖山。

王康琚反招隱詩小隱隱陵藪大隱隱朝市白樂天中隱詩大隱住朝市小隱入丘樊丘樊太冷落朝市大囂喧不如作中隱隱在畱司官唯此中隱士致身吉且安似出復似處非忙亦非閑又和
袁相閑行詩偷閑意味勝長閑

七月一日出城舟中苦熱

涼颼呼不來流汗方被體稀星乍明滅暗水光瀾瀾香風過蓮芡驚枕裂魴鯉欠伸宿酒餘起坐濯清泚火雲勢方壯未受月露洗身微欲安適坐待東方啟

杜子美詩汗流被我體又倦夜詩重露成涓滴稀星乍有無又貽柳少府詩火雲洗月露絕壁上朝暾詩小雅東有啟明毛傳日且出謂明星爲啟明

宿餘杭法喜寺後綠野堂望吳興諸山懷孫莘

老學士

石不初保而自五
物皆氣韻不同

徙倚秋原上。淒涼晚照中。水流天不盡。人遠思何窮。問

謀知秦過看山識

禹功

公自注餘杭始皇所舍舟也西
北舟枕山堯時洪水繫舟山上

稻京初吠

蛤柳老牛書蟲荷背風翻白蓮腮雨退紅追游慰遲暮

覓句効兒童北望苔谿轉遙憐震澤通烹魚得尺素好

在紫髯翁

史記三代世表余讀謀記黃帝以來皆有年數秦始皇紀三十七年至錢塘臨浙
江水波惡乃西從狹中渡注云餘杭也左傳昭公元年劉定公館於雒汭歎曰美
哉禹功明德遠矣韓退之詩蛤卽是蝦蟇漢五行志昭帝時上林柳樹斷仆地一
朝起立生枝葉有蟲食葉成文曰公孫病已立杜子美詩蟲書玉佩蘇又示宗武
詩覓句新知律杭州圖經茗水出天目山北入太湖乃古震澤也故老相傳夾岸
多茗草秋風吹花浮如飛雪因以名谿古樂府飲馬長城窟行客從遠方來遺我
雙鯉魚呼兒烹鯉魚中有尺素書王注張遼以紫
髯將軍目孫權今華老多髯又姓孫故用此事

宿臨安淨土寺

直起且收金帛換
新章法其妙

得力在收字
一收字起一收字收
五字皆活

鷄鳴發餘杭到寺已亭午參禪固未暇飽
生睡不足急掃清風宇閉門羣動息香篆起煙縷覺來
烹石泉紫筍發輕乳晚涼沐浴罷衰髮稀可數浩歌出
門去暮色入村塢微月半隱山圓荷爭瀉露相攜石橋
上夜與故人語明朝入山房石鏡炯當路昔照熊虎姿
今爲猿鳥顧廢興何足弔萬世一仰俯

晉孫綽天台賦羲和亭午游氣高舉纂要日在午曰亭午李肇國史補湖州有顧
渚紫筍茶陸羽茶經遺楊祭酒書顧渚山中紫筍茶兩片一上太夫人一充昆弟
同張白樂天白蓮詩洩香銀囊破瀉露玉盤傾臨安縣圖經真寂院一名山房在
石鏡山東吳興記臨安縣東石鏡徑二尺七寸甚清明四面俱見人形吳越王錢
鏐布衣時嘗照石
鏡鏡起而聳戰

自淨土步至功臣寺

臨安圖經功臣山在縣南二里才名太
官山吳越王錢氏建爲功臣院祥符元

年改賜
今額

落日岸葛巾晚風吹羽扇松閒野步穩竹外飛橋轉神
 功鑿橫嶺巖石得巨片直度千人溝下有微流洑岡巒
 蔚回合金碧爛明絢緬懷異姓王負擔此鄉縣長逢跨
 下辱屢乞桑閒飯誰謂山石頑識此希世彥凜然英氣
 逼屹起猶聳戰他年萬騎歸父老恣歡宴錦綉被原野
 金珠散貧賤寶融既入朝吳芮空記面榮華坐銷歎閱
 世如郵傳惟有長明燈依然照金殿

宣統二年正月
 有得筒字他人
 內方了

丁子係有
 石廊

臨安圖經寺有溝名曰千人相傳錢氏役千人十日而成晉佛圖澄傳敕龍取水
 泫然微流西漢有異姓諸侯王表晉郭璞詩五百年生異姓王五代史吳越世家
 錢鏐字具美杭州臨安人也以販鹽為盜天復二年封越王昭宗詔圖形凌煙閣
 升衣錦營為衣錦城石鑑山曰衣錦山大官山曰功臣山鏐游衣錦城故老山

初自覆以錦梁太祖即位封吳越王兼淮南節度使作還鄉歌曰三節還鄉今挂
錦衣父老遠來相追隨半斗無亭人無欺吳越一王駟馬歸跨下用史記淮陰事
桑間飯用左傳趙宣子靈輒事靈輒見前篇石鏡注後漢竇融傳自以非舊臣
一旦入朝在功臣之右每召見容貌辭氣卑恭已甚帝以此愈親厚之漢吳芮傳
高祖以其將梅鋗有功從入武關故德芮徙封長沙王一年薨三國諸葛誕傳注
魏黃初末益發吳芮冢容貌如生後頭發者見吳綱曰君何類長沙王但微短爾
漢蓋寬饒傳平恩侯許伯入第寬饒叩視屋歎曰美哉然富貴無常忽則易人
此如傳舍所閱多矣劉禹錫詩視身如傳舍閱世甚東流長明燈注見本卷

游徑山

與蘇軾上書以如圭之句畧同云云相去遠矣

衆峰來自天目山勢若駿馬奔平川中塗勒破千里足
金鞭玉轡相回旋人言山住水亦住下有萬古蛟龍淵
道人天眼識王氣結茆宴坐荒山巔精誠貫山石爲裂
天女下試顏如蓮寒牕暖足來朴朔夜鉢呪水降蜿蜒
雪眉老人朝扣門願爲弟子長參禪爾來廢興三百載

予後以喘起耳自
一新東坡懷用詩

奔走吳會輸金錢飛樓湧殿壓山破朝鐘暮鼓驚龍眠
晴空偶見浮海蜃落日下數投林鳥有生共處覆載內
擾擾膏火同烹煎近來愈覺世議隘每到寬處差安便
嗟余老矣百事廢卻尋舊學心茫然問龍乞水歸洗眼
欲看細字銷殘年

公自注龍井水洗病眼有効

李照徑山山門事狀徑山乃天目東北峰也中有徑路以通天目故謂之徑山李
白相逢行高挹黃金鞭徐陵紫騮馬詩玉輦繡纏鬃金鞍錦覆幪山門事狀徑山
之頂乃天目龍之別居國一大師法欽初隱此山頂有素衣老人前致拜曰我龍
也自師到山吾屬五百皆不安我將挈歸天目願捨此為立錫地乃請師南登絕
頂入五峰之間中有大湫指謂師曰吾家去此湫當漲矣畱一穴之水慎勿堙之
我將時至衛師焉今一穴見存謂之龍井又國一大師初入山遇獵者以其地結
草菴請師居之其後龍湫既平北峰之陽復有草菴可居師乃止焉菴蓋龍所為
今菴基在而草不生又師一日坐石屏之下有白衣士自言是天目中子山人也
長安佛法有難聞師道行高邈願度為沙彌往救師曰汝有何術曰我誦俱胝觀
音呪功力無比師欲驗之乃曰吾坐後石屏汝能呪之令破否曰可遂叱之石屏

裂爲三片今謂之喝石巖師知神異爲藉髮賜名惠宗至京師與術士競勝之四
十二章經天神獻玉女於佛欲以試佛佛言革囊衆穢爾來何爲去吾不用汝僧
皎然答李季蘭詩天女來相試將花欲染衣山門事狀常有白兔二跪於杖屨之
閒古樂府木蘭歌雄兔脚扑朔雌兔眼迷離王注引抱朴子云外國方上能神呪
者臨川禹步吹氣龍卽浮出長十餘丈方士一吹縮至一寸取著壺中遇旱出龍
而雨集呪水降龍此事相類更記天官書海旁蜃氣象樓臺韓退之詩頃刻青紅
浮海蜃莊子人閒世山木自寇也膏火自煎也公烏臺詩話熙寧六年游徑山畱
題云近來愈覺世議隘每到勝處差安便以譏諷朝廷進用之人多是刻薄褊隘
不少容人過失見山
中寬閑之處爲樂也

自徑山回得呂察推詩用其韻招之宿湖上

呂名仲甫

字穆仲丞相文

穆公蒙正孫

多君貴公子愛山如愛色心隨葉舟去夢遶千山碧新
詩到中路令我喜折屐古來軒冕徒操捨兩悲慄數朝
辭簪笏兩脚得暫赤歸來不入府卻走湖上宅寵辱吾

久忘寧畏官長詰飄然便歸去誰在子思側君能從我
游出郭及未黑

軒后本記見浮葉乃爲舟觀轉蓬乃作車晉謝安傳兄子玄破苻堅釋書至安方
對客圍碁了無喜色旣罷還內過戶限心喜甚不覺屐齒之折莊子天運篇親權
者不能與人柄操之則懷捨之則悲杜子美詩南望青松駕短壑安得赤脚
踏層冰又偏仄行徒步飜愁官長怒又鄭廣文詩醉則騎馬歸頗遭官長罵

宿望湖樓再和

新月如佳人出海初弄色娟娟到湖上潏潏搖空碧夜
涼人未寢山靜聞響屐騷人故多感悲秋更慘慄君胡
不相就朱墨紛黜赤我行得所嗜十日忘家宅但恨無
友生詩病莫訶詰君來試吟詠一作味定作鶴頭側改罷心
愈疑滿紙蛟蛇黑

高適人日寄杜二詩柳條弄色不忍見鮑明遠翫月詩娟娟似蛾眉白樂天西湖
晚歸詩煙波淡蕩搖空碧南史謝靈運傳尋山涉嶺必造幽峻登躡嘗著木屐上
山則去其前齒下山則去其後齒楚辭宋玉九歌悲哉秋之爲氣也蕭瑟兮草木
搖落而變衰慘慄兮若在遠行北史蘇綽傳拜人行臺右丞始制文案程式朱泚
墨入及計帳戶籍之法曹子建與楊德祖書劉季緒才不
逮作者而好詆訶文章持撫利病杜詩新詩改罷自長吟

夜泛西湖五絕

新月生魄迹未安纔破五六漸盤桓今夜吐艷如半璧
游人得向三更看

生魄注見本卷游金山詩杜子美新月詩影斜
輪未安廬仝月蝕詩初露半箇璧漸吐滿輪魄

三更向闌月漸垂欲落未落景特奇明朝人事誰料得
看到蒼龍西沒時

漢天文志東宮蒼龍星按
蒼龍角亢之宿倂半而沒

五言傷心拍雨聲必
五言佳亦惟生有
差有韻耳

蒼龍已沒牛斗橫東方芒角昇長庚漁人收筒及未曉

船過惟有菰蒲聲

公自注湖上禁漁皆盜釣者也

漢天文志天一槍格矛盾動搖角大兵起注角芒角也後漢天文志長庚廣如一匹布著天

菰蒲無邊水茫茫荷花夜開風露香漸見燈明出遠寺
更待月黑看湖光

湖光非鬼亦非仙風恬浪靜光滿川須臾雨雨入寺去
就視不見空茫然

施註蘇詩卷之四

施註蘇詩卷之五

漫堂先生宋 堦

閱定

毗陵邵長蘅

刪補

樸園先生張榕端

商丘宋 至

詩六十九首

起鳳寧王于以後一與守錢塘作施注缺今補

焦千之求惠山泉詩

茲山定空中乳水滿其腹遇隙則發見臭味實一族淺
深各有值方圓隨所蓄或為雲洶湧或作線斷續或鳴
空洞中雜佩間琴筑或流蒼一縫宛轉龍鸞蹙錯器走
千里真偽半相瀆貴人高宴酣醉眼亂紅綠赤泥開方

此言新法初降時一
去併下或字習調
去竟生起盡出耳
耳目上狀

印紫餅截圓玉傾甌共歎賞
衲語笑僮僕豈如泉上僧
盥灑自挹掬故人憐我病
翦能寄新馥欠伸北牕下
晝睡美方熟精品厭凡泉
願子致一斛

左傳襄二十二年譬諸草木五臭味也而公嚴差池白居易廬山草堂記堂東有瀑布瀉階隅落石渠夜中如環珮琴筑聲三陽雜俎允街縣有泉泉眼中水走旋如盤龍驢馬飲之皆驚走盧仝詩白絹斜封三調印茶錄茶色貴白而餅茶多以珍膏油其面故有青紫黑之異又茶宜臨葉收藏之家以弱葉封裏焙中

答任師中次韻

公自注來詩勸以詩酒自娛

閒裏有深趣常憂兒輩知
已成歸蜀計誰借買山貲
世事久已謝故人猶見思
平生不飲酒對子敢論詩

兒輩知注見第四卷越州張中舍詩世說支道林因人就深公買印山深公答曰未聞巢由買山而隱又郝超每聞欲高尚隱退者輒為辦百萬貲唐符載就襄陽節度千頃求買

山錢頃與百萬

沈諫議召遊湖不赴明日得雙蓮於北山下作
一絕持獻沈既見和又別作一首因用其韻

湖上棠陰手自栽問公更得幾回來水仙亦恐公歸去
故遣雙蓮一夜開

杭州圖經湖上有水仙

王廟在錢塘門外二里

詔書行捧縷金牋樂府應歌相府蓮莫忘今年花發處

西湖西畔北山前

李肇國史補手司空以樂府有想夫憐曲名不佳欲改之坐客有笑者曰南朝相府曾有瑞蓮號相府蓮後有此曲誤呼想夫憐杭州圖經北高峰在靈隱寺後又北山之形如獅子名獅子峰

和歐陽少師會老堂次韻

一時冠蓋盡嚴終舊德年來豈易逢聞道堂中延蓋叟
定應牀下拜梁松蠹魚自曬開箱篋科斗長收古鼎鐘
我欲棄官重問道寸筵何以得春容

王注嚴助終軍二子皆少年之貴漢曹參爲戶相嘗避正寢以延蓋公後漢馬援有疾梁松候之拜牀下援曰我乃松父友雖何得失其序乎科斗詳見石鼓詩注歐陽公收古鼎鐘銘刻最多見集古錄目方朔客難以筵撞鐘豈能發其音聲韓詩東野不回頭有如寸筵撞巨鐘禮學記待其從容然後能盡其聲

和歐陽少師寄趙少師次韻

朱門有遺啄千里來燕雀公家冷如冰百啀無一諾平
生親友半遷逝公雖不怪旁人愕世事如今臘酒交
情自古春雲薄二公凜凜和非同疇昔心親豈貌從白

鬢相映松閒鶴清句更酬雪裏鴻何日揚雄一廛足卻

禮部司馬局位清利
而召喚自是周京
之作○世目二句是得
有解有物此語言
不盡則長言之長言
已足則而款

追范蠡五湖中

韓詩直置心親無貌敬漢書揚雄
居岷山之陽有宅一區有田一廛

監試呈諸試官

真淳曲直人不可直也
主用者李惺言

中一腹大向大合消酒
起伏極力此間

我本山中人寒苦盜寸廩文詞雖少作勉強非天稟既
得旋廢忘懶惰今十稔麻衣如再著墨水真可飲每聞
科詔下白汗如流瀋此邦東南會多士敢題品芻蕘盡
蘭蓀香不數葵荏貧家見珠貝眩晃自難審緬懷嘉祐
初文格變已甚千金碎全璧百衲收寸錦調和椒桂醎
咀嚼沙礫礮廣眉成半額學步歸蹕蹠丑甚切一作跣維時老宗
伯氣壓羣兒凜蛟龍不世出魚鮪初驚淦至音久乃信

法痛欲初新而
心獲安也、南生
于思焉

此得如山水揚舟一
看後便難措手

知味猶食堪至今天下士微管幾左衽謂當千載後石
室祠高朕爾來又一變此學初誰認權衡破舊法芻豢
笑凡飪高言追衛樂篆刻鄙曹沈先生周孔出弟子淵
騫寢卻顧老鈍軀頑朴謝鐫鏤諸君況才傑容我懶且
噤聊欲廢書眠秋濤春午枕

左傳僖二年虢公敗戎於桑田卜偃曰不可以五稔廣雅秋穀熟也古謂一年爲
一稔按先生以嘉祐六年辛丑中制科入第三等至熙寧五年壬子在杭州監試
蓋十二年矣今十稔舉成數云晚唐劉得仁詩一著麻衣使白頭梁試進士不中
程者飲以墨水北齊遺舉濫者飲墨水一斗王注嘉祐初文格彫鏤壞裂如劉幾
魏宜之屬後漢馬廖言城中好廣眉四方皆半額莊子秋水篇不聞夫壽陵餘子
之寧行於邯鄲與未得國能又失其故行矣直匍匐而歸耳又變謂蛇曰吾以一足
跨蹕而行跨同蹕王注老宗伯言歐陽永叔也禮運以龍爲畜故魚鮪不念念魚
駭貌詩魯頌翩彼飛鳴集于泮林食我粢穠懷我好音漢末高朕爲蜀郡守興設
學校修周公禮教邦人立石室祠之在文公石室傍王注衛玠樂廣言其時尚虛
無之學也曹植沈約言時以詩賦爲篆刻而不用也揚子或問問壽曰生受

望海樓晚景五絕

杭州圖經東樓二名望海樓在葑門外中和堂北太平寰宇記樓高十八丈唐武德七年置

海上濤頭一線來
樓前指顧雪成堆
從今潮上君須上
更看銀山二十回

橫風吹雨入樓斜
壯觀應須好句誇
雨過潮平江海碧
電光時掣紫金蛇

青山斷處塔層層
隔岸人家喚欲應
江上秋風晚來急
爲傳鐘鼓到西興

杭州圖經浙江渡有候潮門外對西興

樓下誰家燒夜香
玉笙哀怨弄初涼
臨風有客吟秋扇
拜月無人見晚粧

沙河燈火照山紅歌鼓喧呼語笑中爲問少年心在否

角巾欹側髻如蓬

唐地理志沙河塘縣舊治南五里咸通二年刺史崔彥曾聞昔潮水衝擊錢塘江岸至於奔逸入城勢莫能禦故開沙河以決之河有三曰外沙中沙裏沙

試院煎茶

蟹眼已過魚眼生颼颼欲作松風鳴蒙茸出磨細珠落
眩轉遶甌飛雪輕銀餅瀉湯誇第二未識古人煎水意
公自注舌語云煎水不煎茶君不見昔時李生好客手自煎貴從活火發

新泉又不見今時潞公煎茶學西蜀定州花瓷琢紅玉
我今貧病常苦飢分無玉盃捧蛾眉且學公家作茗飲
塲爐石銚行相隨不用撐腸拄腹文字五千卷但願一

甌常及睡足日高時

蔡君謨茶辨辨水泉煮飲等極為詳備有蟹眼魚眼用湯之法茶經云凡候湯有三沸如魚眼微有聲為一沸四向如涌泉連珠為第二沸騰波鼓浪為三沸則湯老因話錄李約嗜茶能自煎謂人曰茶須緩火炙活火煎活火謂炭之有焰方熾者盧仝謝孟諫議寄新茶詩三椀搜枯腸惟有文字五千卷又新茶詩日高丈五睡正濃軍將打門驚周公

孫莘老求墨妙亭詩

先生墨妙亭記云熙寧四年十二月高郵縣孫莘老自廣德移守吳興其明年

二月作墨妙亭於府第之北取自漢以來古文遺刻以實之

蘭亭蠶紙入昭陵世間遺跡猶龍騰顏公變法出新意

細筋入骨如秋鷹徐家父子亦秀絕字外出力中藏稜

嶧山傳刻典刑在千載筆法雷陽冰杜陵評書貴瘦硬此論未公吾不憑短長肥瘦各有態玉環飛燕誰敢憎

自漢以來古文遺刻以實之

此言通今論詩多亦如不但書也

吳興太守真好古購買斷缺揮縑繒龜跌入坐螭隱壁
空齋晝靜聞登登奇蹤散出走吳越勝事傳說誇友朋
書來乞詩要自寫爲把栗尾書溪藤後來視今猶視昔
過眼百世如風燈他年劉郎憶賀監還道同時須服膺

法書苑王右軍蘭亭禊序真本以蠅紙書唐太宗初得之命趙模馮承素諸葛貞
之流搨本以賜諸王真本入玉匣從葬昭陵梁武帝評右軍書字勢雄踞如龍躍
天門虎臥鳳閣書斷唐顏真卿書雄秀獨出一變古法又徐浩父子皆工草隸浩
書張九齡司徒告身多渴筆世狀其法曰怒猊抉石渴驥奔泉莊子美詩嶧山之
碑野火焚東木傳刻肥失真按嶧山碑李斯書所謂小篆也唐李陽冰得其筆法
又見一卷石鼓詩注杜子美詩苦縣光和尚骨立書貴瘦硬方通神王注亭中有
顏徐李斯等石刻故叙言之楊妃外傳妃小字玉環明皇覽漢成內傳見飛燕身
輕不勝風製七寶避風臺因謂妃子曰爾則任吹多少妃曰霓裳一曲足掩前古
詩大雅象之登登王注登登打碑聲也栗尾筆也溪藤剡溪紙也唐國史補紙則
有越之剡藤蘭亭記後之視今猶今之視昔韓詩百歲如風燈劉禹錫詩高樓賀
監昔曾登壁上筆蹤龍虎騰又云偶
因獨見空驚目恨不同時便服膺

黃鶴樓前月滿川
抱關老卒飢不眠
夜聞三人笑語言
羽衣著屐響空山
非鬼非人意其仙
石扉三扣聲清圓
洞中鏗鏘落門關
縹緲入石如飛煙
雞鳴月落風馭還
迎拜稽首願執鞭
汝非其人骨腥羶
黃金乞得重莫肩
持歸包裹弊席羶
夜穿茆屋光射天
里閭來觀已變遷
似石非石鉛非鉛
或取而有衆忿喧
訟歸有司今幾年
無功暴得喜欲顛
神人戲汝真可憐
願君爲考然不然
此語可信馮公傳

得此三語方知此詩所刺
石如石好詩云但收名佳

李公擇求黃鶴樓詩因記舊所聞於馮當世者

韓賦乃鬼神之所戲又
見第二卷渦口詩注

八月十日夜看月有懷子由并崔度賢良

宛丘先生自不飽更笑老崔窮百巧一更相過三更歸
古柏陰中看參昴去年舉君首蓂盤夜傾闔酒赤如丹
今年還看去年月露冷遙知范叔寒典衣自種一頃豆
那知積雨生科斗歸來四壁草蟲鳴不如王江長飲酒

公自注王江陳州道人毛詩惟參與昴首蓂盤注見第四卷和子由詩韻語陽秋
酒有以紅爲貴者李賀詩小槽酒滴真珠紅是也今闕廣閒所釀酒謂之紅酒其
色殆類胭脂史記范雎傳須賈曰范叔一寒至此乎乃與之
綈袍漢楊惲詩田彼南山蕪穢不治種一頃豆落而爲萁

催試官考較戲作

八月十五夜月色隨處好不擇茅簷與市樓况我官居
似蓬島鳳唼堂前野橘香劍潭橋畔秋荷老八月十八

潮壯觀天下無鷗鵬水擊三千里組練長驅十萬夫紅
旗青蓋互明滅黑沙白浪相吞屠人生會合古難必此
景此行那兩得願君聞此添蠟燭門外白袍如立鵠

錢塘候潮圖八月十八日獨大常潮遠觀數百里若素練橫江稍近見潮頭高數丈捲雲湧雪混混庵庵聲如雷鼓猶不足以形容之左傳襄三年楚子重伐吳使鄧廖帥組甲三百被練三千以侵吳王注紅旗青蓋言弄潮也

八月十七復登望海樓自和前篇是日勝出與

試官兩一作五人復雷五首

樓上煙雲怪不來樓前飛紙落成堆非關文字須重看
卻被江山未放回

眼昏燭暗細行斜考閱精彊外已誇明日失杯君莫怪

早知安足不成蛇

國策陳軫曰人有遺舍人一卮酒者舍人相謂曰晝地為蛇蛇先成者獨飲之

亂山遮曉擁千層睡美初涼撼不磨昨夜酒行君屢歎

定知歸夢到吳興

天台桂子為誰香倦聽空階夜點涼賴有明朝看潮在

萬人空巷鬪新粧

唐垂拱中天台桂子落十餘日方止見陸龜蒙詩注

秋花不見眼花紅身在孤舟兀兀中細雨作寒知有意

未教金菊出蒿蓬

名竹詩多國行主取
如名如那之意好者
空而為蒿蓬之戲
及至神試官詩而見

此詩章即名暗伏
以謂言各有其

秋懷二首

飲才以叙友人言
道皆去之不遠

歲年遄暮感物不
寫以物化想托而

平極語却極方行

苦熱念西風常恐來無時及茲遂淒凜又作徂年悲
蟀鳴我牀黃葉投我幃牕前有棲鵬夜嘯如狐狸露冷
梧葉脫孤眠無安枝熠燿亦有偶高屋飛相追定知無
幾見迫此清霜期物化逝不畱我興爲嗟咨便當勤秉
燭爲樂戒暮遲

古樂府有苦熱行淮南子木葉落長年悲阮嗣宗詩開秋兆涼氣蟋蟀鳴牀帷漢
賁誼傳誼爲長沙王傳有鵬鳥入舍止於坐隅注鵬似鴉不祥鳥也詩豳風熠燿
宵行疏熠燿者螢火之蟲飛而有光之貌故曰熠燿燐也杜螢火詩十月
清霜重飄零何處歸詩小雅無幾相見古詩晝短苦夜長何不秉燭遊

海風東南來吹盡三日雨空塔有餘滴似與幽人語念
我平生歡寂寞守環堵壺漿慰作勞裹飯救寒苦今年
秋應熟過從飽雞黍嗟我獨何求萬里涉江浦居貧豈

無食自不安。歎歎念此坐達晨。殘燈翳復吐。

古詩夜雨滴空堦。陶潛詩壺漿勞近隣。楊惲書田家作勞。莊子裹飯而食之。詩國風不知我者。謂我何求。杜詩初日翳復吐。

哭歐公孤山僧惠思示小詩次韻

故人已為土。衰鬢亦驚秋。猶喜孤山下相逢。說舊游。

梵天寺見僧守詮小詩清遠可愛次韻

杭州圖經梵天

寺在鳳凰山

但聞烟外鐘。不見烟中寺。幽人行未已。草露濕芒屨。惟

應山頭月。夜夜照來去。

附守詮詩落日寒蟬鳴。獨歸林下寺。柴扉夜未掩。片月隨行屨。惟聞犬吠聲。又入青蘿去。

和陳述古拒霜花

千株掃作一番黃。只有芙蓉獨自芳。喚作拒霜知未穩。

老杜詩。山木蒼喬。音宗。以正清音。通暢。撥見。雅。李。皆。正。如。北。行。而。外。別。多。元。沃。上。信。一。種。石。可。廉。減。子。子。及。人。特。相。神。聖。通。欲。截。於。家。派。專。標。此。種。由。正。法。眼。識。如。別。三。百。心。下。深。親。以。前。豈。可。信。枯。朽。惜。三。衰。如。是。蓋。偶。

細思卻是最宜霜

和沈立之畱別二首

而今父老千行淚一似當時初去時不用鐫碑頌遺愛
丈人清德畏人知

三國胡質什魏累遷征東將軍假節青徐諸軍事子威歷宏豐太守厲操清白武帝問卿孰與父清曰臣父清恐人知臣清恐人不知何敢及父

臥聞鏡鼓送歸艎夢裏恩恩共一觴試問別來愁幾許

春江萬斛若爲量

公自注去時予在試院

次韻孔文仲推官見贈

我本麋鹿性諒非伏轅姿君如汗血馬作駒已權奇齊
驅大道中竝帶鑾鑣馳聞聲自決驟那復受繫維謂君

朝發燕秣楚日未欹云何中道止連蹇驢騾隨金鞍冒
翠錦玉勒垂青絲旁觀信美矣自揣良厭之均爲人所
勞何必陋鹽輜君看立仗馬不敢鳴且窺調習困鞭箠
僅存骨與皮人生各有志此論我久持他人聞定笑聊
與吾子期空階臥積雨病骨煩撐支秋草上垣牆霜葉
鳴堦墀門前自無客敢作揚雄麾候吏報君來弭節江
之湄一對高人談稍忘俗吏卑今朝枉詩句粲如鳳來
儀上山絕梯磴墮海迷津涯憐我枯槁質借潤生華滋
豈效世俗人洗刮求瘢痂賢明日登用清廟歌緝熙胡
不學長卿預作封禪詞

戰國策汗明見春申君曰驥服鹽車而上太行漉汁灑其白汗交流外服延負
轅而不能上伯樂遭之下車攀而哭之驥於是俛而噴仰而鳴見伯樂之知己也
賈誼賦驥垂兩耳伏鹽車兮漢書大宛傳宛別邑七十餘城多善馬汗血言其先
天馬子也注汗從肩膊出如血故名汗血漢書郊祀歌太一涖天馬下露赤汗沫
流赭志淑儻精權奇籥浮雲掩上馳詩國風輶車鑾鑾載儉歇驕子麋鹿見之
決驟顏延年賦巨制幽燕書秣荆越揚雄反騷驢騾連蹇而齊足梁簡文帝紫騮
詩青驄懸玉銙唐史李林甫語諫官曰君等獨不見立仗馬乎終日無聲而飫三
品芻豆一鳴則斥之後雖欲不鳴得乎由是諫諍路絕揚子在夷貊則引之倚門
牆則麾之離騷吾令羲和弭節兮望崦嵫而勿迫爾雅水草交曰湄莊子河潤九
里後漢郭伋傳帝勞之曰賢能太守帝城不遠河潤九里冀京師蒙福古詩綠葉
發華滋後漢趙壹賦所好則鑽皮出其毛羽所惡則洗垢求其癰痕周頌小序清
廟祀文王也維清奏象舞也詩維清緝熙文王之典史記司馬相如傳相如病甚
天子使所忠往而相如已死家無書問其妻曰長卿未死時為一卷書
曰有使者來求書奏之其遺札書言封禪事忠奏其書天子異之

湯村開運鹽河中督役

圖經仁和縣湯村鎮市在安仁
東鄉去縣四十一里而都鹽倉

在天宗

門裏

居宮不任事蕭散羨長卿胡不歸去來滯畱愧淵明鹽

事星火急誰能卹農耕薨薨曉鼓動萬指羅溝坑天雨
助官政泫然淋衣纓人如鴨與猪投泥相濺驚下馬荒
堤上四顧但湖泓線路不容足又與牛羊爭歸田雖賤
辱豈失泥中行寄語故山友慎毋厭藜藿

史記相如與卓氏婚饒於財其進仕宦未嘗有與公卿國家之事稱病閒居不慕
官爵詩國風胡為乎泥中莊子讓王篇孔子窮於陳蔡之間七日不火食藜藿不
糝王注諷開此河不當又妨農事也

是日宿水陸寺寄北山清順僧二首

草沒河堤雨暗村寺藏修竹不知門拾薪煮藥憐僧病
掃地焚香淨客魂農事未休侵小雪佛燈初上報黃昏
年來漸識幽居味思與高人對榻論

香齋迴舍如坐空室而
閑重元
竹樹詩話曰李憺在宣州
於侯舍厚園見小詩云竹
樹不凋見秋聲落如雨
風自有烟桃李亂深城
閑語此作或告以餘城作
晴吹雨日亦待一見是

夜而收其名出矣

三字在平字有分

國史補云韋應物性高潔鮮
食寡慾所在焚香掃地而坐

長嫌鐘鼓聒湖山此境蕭條卻自然乞食遶村真為飽
無言對客本非禪披榛覓路衝泥入洗足關門聽雨眠
遙想後身窮賈島夜寒應聳作詩肩

晉陶淵明有乞食詩披榛覓路注見第二卷微雪詩唐史賈島字浪仙初為浮
屠名無本韓退之有送無本歸范陽詩韓石鼎聯句序彌明袖手竦肩而高吟

客位假寐

謁入不得去兀坐如枯株豈惟主忘客今我亦忘吾同
僚不解事慍色見髯鬚雖無性命憂且復忍須臾

晉郗超為中書侍郎謝安與王文度共詣超日卧
未得前文度便欲去安曰不能為性命忍須臾邪

鹽官部役戲呈同事兼寄述古

鹽官縣圖經隋開皇九
年置杭州鹽官縣屬

有鹽場
十所

新月照水水欲冰夜霜穿屋衣生稜野廬半與牛羊共
曉鼓卻隨鴉鵲興夜來履破裘穿縫紅頰曲眉應入夢
千夫在野口如林豈不懷歸畏嘲弄我州賢將知人勞
已釀白酒買豚羔耐寒努力歸不遠兩腳凍硬公須軟

唐書楊國忠傳諸楊湯沐館在華清宮東垣帝臨幸必遍五家賞賚不貲計出有賜曰餞路返有勞曰軟腳楊妃外傳出有餞飲還有軟腳大唐稽疑郭子儀目同州歸代宗詔大臣就宅作軟腳局人率出錢三百千

朱壽昌郎中少不知母所在刺血寫經求之五
十年去歲得之蜀中以詩賀之

嗟君七歲知念母憐君壯大心愈苦羨君臨老得相逢

喜極無言淚如雨不羨白衣作三公不愛白日昇青天
愛君五十著綵服兒唬卻得償當年烹龍爲炙玉爲酒
鶴髮初生千萬壽金馬詔書錦作囊白藤肩輿簾蹙繡
感君離合我酸辛此事今無古或聞長陵謁來見大姊
仲孺豈意逢將軍開皇苦桃空記面建中天子終不見
西河郡守誰復譏潁谷封人羞自薦

史記儒林傳序公孫弘以春秋白衣爲天子三公後漢荀爽起自布衣九十五日而至三公列士傳老萊子年七十著五色斑斕之衣戲舞於當庭爲小兒嚙以悅親漢書外戚傳武帝母王太后微時爲金王孫婦生女在長陵小市武帝自駕迎之直至其門家人驚恐女逃匿扶將出拜帝下車立曰大姊何藏之深也載至長樂宮與俱謁太后霍光傳霍中孺以縣吏給事平陽侯家與侍者衛少兒私通而生去病絕不相聞久之去病旣壯大爲將軍擊匈奴至平陽見中孺跪曰去病不
早自知爲大人遺體也中音仲隋史文帝外家呂氏其家甚微帝顯後求訪不知所在開皇初汝南郡上言有男子呂永吉自稱有姑字苦桃嫁楊氏勘驗知是舅

家而貴之唐代宗皇后沈氏生德宗史思明再陷河洛失后所在德宗卽位建中元年遙尊爲皇太后以睦王述爲奉迎太后使分命使臣周行天下終貞元之世無聞焉史記吳起傳吳起出衛郭門與其母訣鬻臂而盟曰起不爲卿相不復入衛頃之其母死起終不歸後仕衛爲西河守左傳鄭莊公眞母姜氏于城頰而誓之曰不及黃泉無相見也旣而悔之賴考叔爲頰谷封人聞之有獻於公鄭伯用其說而母子如初

將之湖州戲贈莘老

餘杭自是山水窟側聞吳興更清絕湖中橘林新著霜
溪上茗花正浮雪顧渚茶芽白於齒梅溪木瓜紅勝頰
吳兒膾縷薄欲飛未去先說饞涎垂亦知謝公到郡久
應怪杜牧尋春遲鬢絲只好對禪榻湖亭不用張水嬉

杜子美詩色好梨勝頰吳興統地梅溪一名東海堰在烏程縣西南六十里又顧

渚泉上有木瓜堂其庭除列植木瓜引泉杜詩刀鳴膾縷飛晉謝安嘗爲吳興太守唐杜牧佐宣城幕聞湖州多奇麗往遊刺史崔君爲張水嬉縱州人畢觀牧賞一女姝期之曰吾不十年來守此郡不來從所適泊牧守湖州女從久三年矣牧

有詩曰自是尋春去較遲不須惆悵怨芳華
又詩今日鬢絲禪榻畔茶烟輕颺落花風

鴉種麥行

霜林老鴉閒無用畦東拾麥畦西種畦西種得青猗猗
畦東已作牛尾稀明年麥熟芒攢剌農夫未食鴉先啄
徐行俛仰若自矜鼓翅跳跟上牛角憶昔舜耕歷山鳥
爲耘如今老鴉種麥更辛勤農夫羅拜鴉飛起勸農使
耆來行水

笠澤叢書世謂舜之在下田於歷山
象爲之耕鳥爲之耘聖德感召也

鹽官絕句四首

南寺千佛閣

古邑居民半海濤師來構築便能高千金用盡身無事
坐看香煙遶白毫

北寺悟空禪師塔

公自注名齊宣帝微時師知其非凡人鹽官置經安國寺在縣西北六百五

十步祥符元年以入額寺中有悟空塔塔前有古檜存焉

已將世界等微塵空裏浮花夢裏身豈爲龍顏更分別
只應天眼識天人

圓覺經譬彼病目見空中花又如夢中人夢時非無及至於醒了無所得漢高祖本紀隆準而龍顏三國志郭曄見曹植曰真天人也

塔前古檜

當年雙檜是雙童相對無言老更添庭雪到腰埋不死
如今化作兩蒼龍

傳燈錄三祖慧可初詣達磨求佛法直大雪夜侍中庭堅立不動達明積雪過膝詩借用其意

僧爽白雞

公自注養二十餘年常立坐側聽經

斷尾雄雞本畏烹年來聽法伴修行還須卻置蓮花漏
老怯風霜恐不鳴

左傳昭二十二年賓孟適郊見雄雞自斷其尾問之侍者曰憚其爲犧也晉遠法師在山中置蓮花漏眠其早晚以爲行道之節

送張軒民寺丞赴省試

龍飛甲子盡豪英嘗喜吾猶及老成人競春蘭笑秋菊
天教明月伴長庚傳家各自聞詩禮與子相逢亦弟兄
洗眼上林看躍馬賀詩先到古宣城

公自注伯父與太平州張侍讀同年此其子

楚辭九歌春蘭兮秋蘭同種烟花錄湯帝曰春蘭秋菊各一時之芳韓退之詩東方未明大星沒獨有太白對殘月長庚太白也史記蔡澤傳躍馬食肉富貴四

十三年
足矣

六和寺中師開山溪為水軒

欲放清溪自在流
忍教冰雪落沙洲
出山定被江潮
能為山僧更少留

杜子美詩江流大白在又詩
在山泉水清出山泉水濁

和致仕張郎中春晝

投綬歸來萬事輕
消磨未盡祇風情
舊因蓴菜求長假
新為楊枝作短行
不禱自安緣壽骨
深藏難沒是詩名
淺斟盃酒紅生頰
細琢歌詞穩稱聲
蝸殼卜居心自放
蠅頭寫字眼能明
盛衰閱過君應笑
寵辱年來我亦平

七言長律至雅詩固不
步國秘

即在山泉也詩云

踈履數從圯下老逸書閒問濟南生東風屈指無多日

只恐先春鷓鴣鳴

潘安仁秋興賦且歛衽以歸來今忽投絃以高邁葦葉注見第三卷送劉放唐白居易詩櫻桃樊素口楊柳小蠻腰白旣年邁而小蠻方豐艷因爲楊柳枝詞以託意王注細琢歌詞卽張善爲小詞也三國焦先作小廬形如蝸殼故曰蝸牛廬南史齊衡陽工釣嘗手自細書五經置於巾箱以備遺忘賀玠問曰殿下家自足賔袁復何須蠅頭細書藏巾箱中史記留侯世家良常游下邳圯上有一老父至良所直墮其履圯下顧謂良曰孺子下取履良愕然欲歐之爲其老強下取履因長跪進履父以足受笑而去史記儒林傳伏生濟南人故爲秦博士孝文時求能治尚書者聞有伏生欲召之生年九十餘老不能行乃使齎齎往受業離騷恐鷓鴣之先鳴兮使百草爲之不芳

冬至日獨游吉祥寺

井底微陽回未回蕭蕭寒雨濕枯荻何人更似蘇夫子
不是花時肯獨來

月令冬至
則冰泉動

後十餘日復至

東君意淺著寒梅千朵深紅未暇裁
安得道人殷七七
不論時節遣花開

王注言東君止著意寒梅千朵深紅則吉祥寺牡丹也古今詩話殷七七字文祥周寶舊識之及移鎮浙西一日謂七七曰鶴林杜鵑花天下奇絕聞子能作非時花今重九將近能開花副此日乎七七乃前二日往鶴林中夜女子來謂七七曰妾爲上玄所命司此花今與道者開之然此花非久卽歸閬苑矣女子俄不見及九日爛熳如春寶驚異游賞累日其後兵火焚寺樹失根株云又見續仙傳

戲贈

惆悵沙河十里春一番花老一番新
小橋依舊斜陽裏
不見樓中垂手人

古樂府舞有大垂手小垂手梁吳均曲垂手忽
迢迢飛燕掌中嬌又且復小垂手廣袖拂紅塵

和人求筆跡

麥光鋪几淨無瑕入夜青燈照眼花從此刻藤真可弔

半紆春蚓縮秋蛇

王注麥光紙名蓋南中竹紙之流今成都以麻屑競爲之唐舒元興作弔刻溪藤
文言今之錯爲文者皆天闕刻藤者也刻藤可作紙唐太宗論蕭子雲書行行若
榮春蚓字字如縮秋蛇

用和人求筆跡韻寄莘老

君不見夷甫開三窟不如長康號癡絕癡人自得終天
年智士死智罪莫雪困窮誰要卿料理舉頭看山笏拄
頰野鳬翅重自不飛黃鶴何事兩翼垂泥中相從豈得

久今我不往行恐遲江夏無雙應未去恨無文字相娛

嬉公自注黃庭堅
華老婿能文

晉書王衍字夷甫居宰輔不以國為念而思自全之計乃以弟澄為荊州族弟敦為青州謂曰卿二人在外而吾留此足以為三窟矣識者鄙之晉顧愷之字長康桓溫嘗云愷之體中癡點各半合而論之正得其平耳故俗傳愷之才絕畫絕癡絕世說王徽之為桓中參軍中嘗謂徽之曰卿在府日久比當相料理徽之初不酬答直高視以手板拄頰云西山朝來致有爽氣後漢黃香能文章京師號曰天下無雙江夏黃童

畫魚歌公自注湖州道上作按畫胡麥切音義姑
同劃以鈎劃魚今三吳水鄉往往有之

天寒水落魚在泥短鈎畫水如耕犁渚蒲拔折稟荇亂

此意豈復遺鯁鯁偶然信手皆扇擊本不爾勞幾萬

一一魚中刃百魚驚蝦蟹奔忙談跳擲漁人養魚如養

雞插竿貫笠驚鷓鴣豈知白挺開如雨攪水覓魚嗟已

民自清歷初以此為
潤養民自清歷初
呼指之為也

喻誅求之彈民也

時形迹昭行如印難鋼
畫水以為喻此言其意

陽遠鯢鯢一魚中刀刀魚
蜀山仙指新法之病民王
臣等以法亂制宜置拔
諸省之亂民新法之病民
條例而新法之病民
大臣實屬救創法計亦
吏防懷感正與待立相國
而只防事以而事端有邪
多防行短事後更期以
有千金金在腹下

疎

杜詩渚蒲芽白水荇青王注鯢有二有
鯢鯢之鯢有魚子之鯢今此言魚子也

吳中田婦歎公自注和賈收韻

今年粳稻熟苦遲庶見霜風來幾時霜風來時雨如瀉
杷頭出茵鎌生衣眼枯淚盡雨不盡忍見黃穗臥青泥
茅苦一月隴上宿天晴穫稻隨車歸汗流肩頰載入市
價賤乞與如糠粃賣牛納稅拆屋炊慮淺不及明年飢
官今要錢不要米西北萬里招羞兒糞黃滿朝人更苦
不如卻作河伯婦

韓退之城南聯句刈熟擔肩續宋史司馬溫公曰百姓有米而官不要米百姓無錢而官非要錢史記褚先生滑稽傳魏文侯時西門豹為鄴令會長老問民所疾

苦長老曰苦爲河伯娶婦豹問故曰鄴三老廷掾常歲賦斂百姓得數百萬爲河伯娶婦巫行視小家女好者其粉飾之沈之河中云不爾卽有水患豹至禁絕之

和邵同年戲贈賈收秀才三首

傾蓋相歡一笑中從來未省馬牛風
卜鄰尚可容三徑投社終當作兩翁
古意已將蘭緝佩招詞閑詠生叢
此身自斷天休問白髮年來漸不公

家語孔子之鄉遭程子於塗傾蓋而語終日甚相親漢鄒陽上梁孝王書白頭如新傾蓋如故左傳風馬牛注馬逐上風而去牛逐下風而來故云不相及也尚書馬牛其風左傳非宅是卜惟鄰是卜漢杜陵蔣詡元卿爲兗州太守王莽居攝以病免官居鄉里臥不出戶於舍中竹下開三徑惟羊仲求仲從之游二仲皆性廉逃名之士劉安招隱士桂樹叢生兮山之幽且

美詩百篇此生休問天唐詩公道世閒惟白髮

朝見新黃出舊槎騷人孤憤苦思家
五噫處士大窮約三賦先生多誕誇
帳外鶴鳴奩有鏡筒中錢盡案無鮭

玉川何日朝金闕白晝關門守夜叉

公自注時賈欲再娶

王注先生本注云時賈欲再娶則詩意皆涉夫婦事也新萋出售槎使枯楊生萋之義韓非有孤憤篇言孤獨而憤悶也後漢梁鴻傳鴻過京師作五噫之歌曰步彼北邙兮噫顧覽帝京兮噫宮室崔嵬兮噫人之劬勞兮噫遠遯未央兮噫肅宗聞而惡之求鴻不得漢司馬相如奏子虛上林大人三賦正山移文惠帳空兮夜鶴怨又詳前卷詩注公答秦太虛書初到黃痛自節儉日用不得過百五十仍放

大竹筒貯用不盡者以待賓客南史庾杲之食惟有韭俎淪韭生韭雜菜任昉常戲之曰誰謂庾郎貧食韭當有一十二種菜謂三韭也廬全詩夜又當書不官啟夜半醺祭夜半開

生涯到處似檣烏科第無心摘領鬢黃帽刺船忘歲月
白衣擔酒慰鰥孤狙公欺病來分栗水伯知饒爲出鱸
莫向洞庭歌楚曲煙波渺渺正愁予

王注杜詩檣烏相背發又檣烏宿處非又檣烏終歲飛此檣竿上刻爲鳥形以占風者晉令車駕出入相風在前亦是刻鳥於竿上名曰相風傳玄相風賦云棲神鳥於竿首俟祥風之來征韓詩連年收科第如摘領底鬢前漢鄧通以擢船爲黃頭郎注王勝水其色黃故刺船之郎皆著黃帽晉陽秋陶潛九月九日無酒出宅

徒用度人轉傾枯心殊宛

轉多姿

道場山頂何山麓
極下存於道場
乃偏於祥雲
山二後搖蕩
懷於人之懷
範水查考而止
自也如工

若然表連
之妙
崇經傳

邊菊叢中坐摘菊花盈把久之望見白衣人至乃江州刺史王弘送酒即便獨酌
醉而後歸莊子須公賦亭曰朝三而暮四衆狙皆怒然則朝四而暮三衆狙皆悅
注芋橡子也似栗而小山海經朝日之各神曰天吳是爲水伯九
歌帝子降兮北渚目眇眇兮愁予嫋嫋兮秋風洞庭波兮木葉下

游道場山何山

道場山頂何山麓上徹雲峰下幽谷我從小水壑中來
尚愛此山看不足陂湖行盡白漫漫青山忽作龍蛇盤
山高無風松自響誤認石齒號驚湍山僧不放山泉出
屋底清池照瑤席階前合抱香入雲月裏仙人親手植
出山回望翠雲鬟碧瓦朱欄縹緲間白水田頭問行路
小溪深處是何山高入讀書夜達旦至今山鶴鳴夜半
我今廢學不歸山山中對酒空三歎

禪宗正脈道場山如訥禪師証道於此故名王注何山以何錯讀其傳名故
高人讀書夜達旦句杜詩碧玉朱農照城郭鶴知夜半注見四卷和劉道原

贈孫莘老七絕

嗟予與子久離羣耳冷心灰百不聞若對青山談世事

當須舉白便浮君

浮白出劉向說苑注見一卷和劉長安詩吳都賦出璚珠履動以千百里燕巷飲飛觴舉白

天目山前淥浸裾碧瀾堂下看銜鱸作堤捍水非吾事

閒送茗溪入太湖

景字記湖州安吉縣天目山高萬六千丈父老云欲度難及避水災天目海陵山為第一水經注浙江水出吳興郡於潛縣北天目山山極高峻崖嶺竦疊西臨後瀾山上有霜木皆是數百年樹謂之雙鳳林按上九域志湖州南至杭州界首十五里故天目山於景字記則係之湖州於水經則係之於潛而於潛雖屬杭州蓋與湖接壤也輿地志茗溪一源自天目一源自獨松嶺合浮于山水至吳興入太湖又見四卷宿餘杭法喜寺注

何公著人
書於山
大目山
青西山

夜來雨洗碧巒旼浪湧雲屯遶郭寒聞有弁山何處是
爲君四面竟求看

寰宇記弁山在烏程縣一名弁山山石巖然如土

夜橋燈火照溪明欲放扁舟取次行暫借官奴遣吹笛
明朝新月到三更

三年京國厭藜蒿長羨淮魚壓楚糟今日駱駝橋下泊
恣看修網出銀刀

駱駝橋唐垂拱元年造以形似駱駝背名之劉禹錫詩駱駝橋上蘋風起鸚鵡盆中若下春杜詩出網銀刀亂

烏程霜稻襲人香釀作春風雪

音

水光時復中之徐邈

聖母多酌我次公狂

寰宇記古烏程能醢酒故以名縣又指酒爲烏程張協七命乃有荆南烏程豫北
竹葉垂昭吳錄烏程下若酒有名輿地志若溪在長興縣南溪南曰上若北曰下
若村人取下若水釀酒醇美勝雲陽若溪亦作箬溪蓋長興故屬烏程也雪溪在
湖州府城書者以衆流合集爲義凡四水曰苕溪前溪餘不溪及北流水通謂之
雪溪一曰四水蕩激時雪然有聲故名魏志徐邈爲尚書郎時科酒禁而邈私飲
至於沉醉校尉趙達問以曹事邈曰中聖人達曰太祖太初甚怒鮮于輔進曰平
日醉客謂酒清者爲聖人濁者爲賢人耳邈得免後文帝見邈問曰頗復中聖人
不對曰昔子反斃於陽穀御叔罰於飲酒臣嗜同二子不能自懲時復中之西漢
蓋寬饒字次公爲司隸平恩侯許伯入第丞相已下皆賀寬饒東鄉特坐許伯自
酌曰蓋君後至寬饒曰無多酌我我乃酒社丞相魏侯笑曰次公醉而狂何必酒也
去年臘日訪孤山曾借僧牕半日閒不爲思歸對妻子
道人有約徑須還

辛老葺天慶觀小園有亭北向道士山宗說乞
名與詩

春風欲動北風微歸鴈亭邊送鴈歸蜀客南遊家最遠

吳山寒。盡雪先晞。扁舟去後。花絮亂五馬。來時賓從非。
惟有道人應不忘。抱琴無語立斜暉。

漢制太守駟馬其有加秩中二千石者乃右驂故以五馬爲太守美稱南齊柳元伯之子五人皆領郡五馬參差於亭故殷文圭云柳氏亭邊參差五馬

至秀州贈錢端公安道并寄其弟惠山老

一作惠山人

鴛鴦湖邊月如水。孤舟夜榜鴛鴦起。半明繫纜石橋亭。
慚愧冒寒髯御史。結交最晚情獨厚。論心無數今有幾。
寂寞抱關歎蕭生。耆老執戟哀揚子。怪君顏采卻秀發。
無乃遷謫反便美。天公欲困無奈何。世人共抑真疎矣。
毗陵高山錫無骨。陸子遺味泉冰齒。賢哉仲氏早拂衣。
占斷北山長洗耳。山頭望湖光潑眼。山下濯足波生指。

儻容逸少問金堂記與嵇康畱石髓

南湖紀畧鴛鴦湖名南湖在府城南其禽多鴛鴦故名一曰兩湖相麗若鴛鴦然
五代時湖東有煙雨樓今存王注髯御史指錢安道也安道髯而為御史故云漢
蕭望之傳霍光秉政王仲翁與蕭望之等數人皆召見吏民當見者先露索去刀
兵兩吏挾持望之獨不肖聽自引出曰不願見於是光不用望之而仲翁至光祿
大夫望之署小苑東門候仲翁出入傳呼甚寵顧謂曰不肖碌碌反抱關為望之
曰各從其志揚雄傳雄為郎給事黃門與王莽劉歆並哀帝之初又與董賢同官
當成哀平間莽賢皆為三公權傾人主而雄三世不從官及莽時以耆老久次轉
為大夫按黃門郎掌守門戶故執戟藩岳詩執戟疲揚王注毗陵山志言山惠
山也陸子陸羽也羽善煎茶次第水品以無錫惠山寺石泉為第一包吉贈劉尊
師詩曉漱瓊膏冰齒寒也說孫楚曰所以枕流欲洗其耳許邁遺羲之書自山之
南至臨安多有金堂玉室仙人芝草左元放之徒在焉神仙傳王烈入太行山忽
破石裂青泥流如髓烈取食之如飴餘半與嵇康凝而為石烈歎曰叔夜志趣
非常而不遇命也

秀州報本禪院鄉僧文長老方丈

萬里家山一夢中吳音漸已變兒童每逢蜀叟談終日

三言常為四易書

便覺峨眉翠掃空。師已忘言真有道。我除搜句百無功。
明年採藥天台去。更欲題詩滿浙東。

洞天記峨眉山在嘉州係第七洞天又天台赤城山高一萬八千丈周回五百里在台州天台縣

王復秀才所居雙檜二首

吳王池館遍重城。奇草幽花不記名。青蓋一歸無覓處。
只畱雙檜待昇平。

晉書孫皓時錢塘湖開或言天下當太平青蓋入洛時皓以問陳訓訓曰臣正能望氣不能達湖之開塞退而告其友曰青蓋入洛將有輿櫬衝壁之事尋而吳國亡
凜然相對敢相欺。直榦臨空未要奇。根到九泉無曲處。
世間惟有蟄龍知。

通鑑中丞李定御史舒亶論貳自熙寧以來作爲文章怨謗君父陛下發錢以本業貧民明日贏得兒童語音好一年強半在城中陛下明法以課試羣吏則曰讀

書萬卷不讀律致君堯舜終無術陛下興水利則曰東海若知明主意應教字由
變桑田陛下謹隨禁則曰豈是聞韶解忘味爾來三月食無鹽其地觸物即事應
口無非以詆謗爲主上不得已從其請逮軾赴臺獄詔定與知諫院張璪御史何
正臣舒亶等雜治之鍛鍊久之不決且多引名士必欲寘之死太皇太后謂帝言
小人忌才中傷摺至於詩其過微矣宜熟察之而吳充中疎其力會王安禮亦以
爲言帝曰朕固不深譴也王珪復舉軾詠檜詩曰根到九泉無曲處世間惟有蟄
龍知今陛下飛龍在天軾欲求之地下之蟄龍不臣孰甚焉帝曰彼自詠檜爾何
預朕事促具獄貶黃州團練副使按公諸詩前後作於熙寧間坐詆謗就逮則元
豐二年也因注雙
檜詩并撫於此

宋叔達家聽琵琶

數絃已品龍香撥半面猶遮鳳尾槽新曲翻從玉連鎖
舊聲終愛鬱輪袍夢回只記歸舟字賦罷雙垂紫錦條
何異烏孫送公主碧天無際鴈行高

楊妃外傳開元中中官白秀貞自蜀回得琵琶以獻其槽以羅紗檀爲之溫潤如
玉光明可鑒有金紉紅紋成雙鳳以龍香板爲撥絃乃拘彌國所貢綠冰簫絲

也鄭愚津陽門詩王奴琵琶龍香撥王奴太真小字白樂天琵琶行千呼萬喚始
出來猶抱琵琶半遮面歐陽詩杜彬琵琶皮作絃自從彬死世莫傳王連鎖聲入
黃泉王連鎖今曲名廣林記王維微時爲岐王所知將應舉王令作琵琶新曲引
至公主家維自彈主問何曲曰鬱輪袍也主大愛之是年遂爲舉自太平廣記李
生者其舅廬有道術謂李生曰求得善箏箏者令侍飲生視箏箏上有朱字云雲
中辨江樹天際識歸舟後李生妻陸長源女乃所見於舅家者問有何能曰善箏
箏取而視之朱字宛然紫錦條見張說琵琶賦傳玄琵琶賦序故老云漢送烏孫
公主念其行道思慕使知音者作馬上之樂以方語目之故名琵琶釋名推手前
卻曰琵琶

施註蘇詩卷之五





